



**SERIKALI YA MAPINDUZI YA ZANZIBAR**

**MWELEKEO WA HALI YA UCHUMI 2024  
NA MPANGO WA MAENDELEO 2024/2025**

**KITABU CHA PILI**



## YALIYOMO:

<b>Mada</b>	<b>Ukurasa</b>
YALIYOMO:.....	i
Orodha ya Viambatisho.....	iii
1.0 UTANGULIZI .....	1
2.0 MWELEKEO WA HALI YA UCHUMI KWA MWAKA 2024.....	2
2.1 Mwelekeo wa Uchumi wa Dunia.....	2
2.2 Mwelekeo wa Uchumi wa Afrika .....	2
2.3 Mwelekeo wa Ukuaji wa Uchumi kwa Nchi za Kusini mwa Jangwa la Sahara.....	3
2.4 Mwelekeo wa Uchumi wa Afrika ya Mashariki .....	3
2.5 Mwelekeo wa Mfumuko wa Bei wa Dunia .....	3
3.0 MWELEKEO WA UCHUMI WA ZANZIBAR 2024 .....	4
5.0 MWELEKEO WA MPANGO WA MAENDELEO KWA MWAKA 2024/2025 .....	6
6.0 MIRADI YA KIMKAKATI KWA MWAKA 2024/2025 .....	7
7.0 RASILIMALI KWA AJILI YA UTEKELEZAJI WA MPANGO WA MAENDELEO KWA MWAKA 2024/2025 .....	8
8.0 UCHAMBUZI WA MAKADIRIO KWA PROGRAMU NA MIRADI YA MAENDELEO NA SHUGHULI ZILIZOPANGWA KUTEKELEZWA KWA MWAKA 2024/2025 ..	11
8.1 Ofisi ya Rais Ikulu .....	11
8.2 Ofisi ya Rais - Kazi, Uchumi na Uwekezaji .....	12
8.3 Ofisi ya Rais – Fedha na Mipango.....	14
8.4 Ofisi ya Rais Katiba, Sheria, Utumishi na Utawala Bora .....	20
8.4.1 Mahakama Kuu.....	22
8.5 Ofisi ya Rais-Tawala za Mikoa, Serikali za Mitaa na Idara Maalum za SMZ.....	24
8.5.1 Wakala wa Usajili wa Matukio ya Kijamii Zanzibar .....	27
8.5.2 Kikosi Maalum cha Kuzuia Magendo (KMKM).....	28
8.5.2 Kikosi cha Valantia .....	28
8.5.3 Chuo cha Mafunzo .....	29
8.5.4 Jeshi la Kujenga Uchumi (JKU).....	30
8.5.5 Kikosi cha Zimamoto na Uokozi .....	31
8.6 Ofisi ya Makamu wa Kwanza wa Rais .....	32

8.7 Ofisi ya Makamu wa Pili wa Rais - Sera, Uratibu na Baraza la Wawakilishi.....	34
8.8 Wizara ya Afya.....	36
8.9 Wizara ya Ardhi na Maendeleo ya Makaazi .....	40
8.10 Wizara ya Biashara na Maendeleo ya Viwanda.....	41
8.11 Wizara ya Elimu na Mafunzo ya Amali .....	42
8.12 Wizara ya Habari, Vijana, Utamaduni na Michezo.....	45
8.13 Wizara ya Kilimo, Umwagiliaji, Maliasili na Mifugo .....	47
8.14 Wizara ya Maendeleo ya Jamii, Jinsia, Wazee na Watoto .....	54
8.15 Wizara ya Maji, Nishati na Madini .....	56
8.16 Wizara ya Uchumi wa Buluu na Uvuvi .....	60
8.17 Wizara ya Ujenzi, Mawasiliano na Uchukuzi.....	64
8.18 Wizara ya Utalii na Mambo ya Kale.....	69
9.0 UFUATILIAJI NA TATHMINI .....	70
10.0 WASHIRIKA WA MAENDELEO.....	71
11.0 HITIMISHO.....	71

## **Orodha ya Viambatisho**

Kiambatisho 1: Mgao wa Fedha za Programu na Miradi ya Maendeleo 2024/25 Kiwizara.



## 1.0 UTANGULIZI

Maendeleo ya nchi yanategemea kuongezeka kwa shughuli za kiuchumi na kijamii ambazo ndizo chanzo cha ukuaji wa kiuchumi na kuimarisha hali za wananchi. Kwa mwaka 2024/2025, Serikali itaendeleza juhudi za kukuza uchumi na kuleta maendeleo kwa wananchi ambapo uchumi unatarajiwa kuimarika na kufikia kasi ya ukuaji wa asilimia 7.2 kwa mwaka 2024. Ukuaji wa uchumi utasaidia kuongezeka kwa ajira hususan kwa vijana na kuongezeka kwa mapato ya Serikali ambayo hutumika kugharamia shughuli mbali mbali ikiwemo utekelezaji wa miradi ya kimkakati ya ujenzi na uendelezaji wa miundombinu ya usafiri (barabara, viwanja vya ndege na bandari), huduma za kijamii ikiwemo afya, elimu, nishati na maji safi na salama, ujenzi wa vituo vya maegesho ya vyombo vya usafiri pamoja na ujenzi wa nyumba za bei nafuu ili kuweza kuwasaidia wananchi wa Zanzibar.

Serikali itaendelea na juhudi za kutekeleza malengo yaliyoainishwa katika Mipango na mikakati ya nchi. Serikali pia itaendelea kusimamia utekelezaji wa Mpango wa Maendeleo wa kila mwaka na kudhibiti matumizi ya rasilimali fedha za Programu na Miradi ya Maendeleo ili kuhakikisha zinatumiwa kwa miradi yenye kuleta tija, kukamilisha miradi inayoendelea na uanzishwaji wa miradi mengine ya maendeleo. Serikali itaweka mikakati maalum ya utekelezaji wa Mpango wa Maendeleo wa mwaka 2024/2025 na itaendelea kufanya juhudi ya kutoa taarifa kupitia ripoti zitakazowasilishwa.

Mpango wa Maendeleo wa mwaka 2024/2025 ni mwendelezo wa kutekeleza mikakati iliyoainishwa katika Dira ya Maendeleo ya Zanzibar ya mwaka 2050; Mpango wa Maendeleo wa Zanzibar wa Miaka Mitano 2021-2026 (ZADEP); Ilani ya Uchaguzi ya Chama cha Mapinduzi ya Mwaka 2020 - 2025 na maelekezo na miongozo ya Mheshimiwa Rais wa Zanzibar na Mwenyekiti wa Baraza la Mapinduzi Dkt. Hussein Ali Mwinyi wakati akilikutubia Baraza la kumi la Wawakilishi mwezi wa Novemba 2020. Mpango huu umezingatia pia Sera na Mikakati ya Kisekta; Kikanda na Kimataifa ikiwemo Dira ya Maendeleo ya Jumuiya ya Afrika Mashariki (EAC) 2050; Dira ya Jumuiya ya Maendeleo Kusini mwa Afrika (SADC) 2050; Ajenda ya Maendeleo ya Afrika 2063; na Malengo ya Maendeleo Endelevu (SDGs) 2030.

## 2.0 MWELEKEO WA HALI YA UCHUMI KWA MWAKA 2024

### 2.1 Mwelekeo wa Uchumi wa Dunia.

Kwa mujibu wa Ripoti ya Shirika la Fedha la Kimataifa (IMF) ya mwezi wa Aprili 2024, kasi ya ukuaji wa uchumi wa Dunia kwa mwaka 2024 unatarajiwa kuendelea kuimarika kufikia ukuaji wa wastani wa asilimia 3.2 sawa na ukuaji wa mwaka 2023. Hii ni kutokana na kuongezeka kwa kasi ndogo ya ukuaji wa uchumi wa nchi zilizoendelea, itakayosababishwa na kuongezeka kwa gharama za ukopaji pamoja na uzalishaji mdogo kwa baadhi ya nchi hizo.

Kwa Nchi Zilizoendelea, kasi ya ukuaji inatarajiwa kukua na kufikia wastani wa asilimia 1.7 mwaka 2024, ikilinganishwa na ukuaji wa asilimia 1.6 mwaka 2023. Uchumi wa nchi za Umoja wa Ulaya unatarajiwa kuimarika kufikia wastani wa asilimia 1.1 mwaka 2024 kutoka ukuaji wa asilimia 0.6 mwaka 2023. Hii ni kutokana na kurejea kwa ukuaji wa uchumi katika nchi wanachama na kuimarika kwa matumizi ya walaji.

Hata hivyo, Uchumi wa Nchi Zinazoendelea na Zinazoibukia Kiuchumi (*Emerging Market and Developing Economies*), unatarajiwa kukua kwa kasi ndogo ya wastani wa asilimia 4.2 mwaka 2024 kutoka ukuaji wa asilimia 4.3 mwaka 2023. Kasi ndogo ya ukuaji wa uchumi katika Ukanda huu itatokana na kupungua kwa mifumo ya mitaji binafsi (Private Capital Formation) ambayo itapelekea kupungua kwa ukuaji huo pamoja na kupungua kwa usafirishaji wa mali ghafi.

### 2.2 Mwelekeo wa Uchumi wa Afrika

Kwa mwaka 2024, kasi ya ukuaji wa uchumi Barani Afrika inatarajiwa kupanda na kufikia wastani wa asilimia 4.1 kutoka wastani wa asilimia 3.5 mwaka 2023. Ukuaji huu utatokana na kuongezeka kwa miradi ya uwekezaji wa kigeni (*Foreign Direct Investment*) na kuwa na mikakati ya uchumi mchanganyiko wenye kuhusisha sekta zaidi ya moja (*economic diversification strategies*) inayolenga kuongezeka kwa uwekezaji na utekelezaji wa sera, kuimarisha sekta ya fedha, kuongezeka kwa mzunguko wa fedha, kupunguza ongezeko la gharama za maisha na kuongeza matumizi binafsi.



## 2.3 Mwelekeo wa Ukuaji wa Uchumi kwa Nchi za Kusini mwa Jangwa la Sahara.

Hali ya uchumi wa nchi za Kusini mwa Jangwa la Sahara unatarajiwa kukua kwa wastani wa asilimia 3.8 mwaka 2024 kutoka wastani wa asilimia 3.4 mwaka 2023. Kutokana na kuongezeka kwa uwekezaji wa kigeni katika nchi za Kusini mwa Jangwa la Sahara.

## 2.4 Mwelekeo wa Uchumi wa Afrika ya Mashariki

Kasi ya ukuaji wa uchumi kwa nchi za Ukanda wa Afrika Mashariki kwa mwaka 2024 inatarajiwa kuimarika na kufikia ukuaji wa wastani wa asilimia 5.7 kutoka wastani wa asilimia 5.0 mwaka 2023. Ongezeko hilo litatokana na kuimarika kwa sekta ya watalii wanaoingia katika nchi za Afrika Mashariki pamoja na utulivu wa bei za bidhaa na huduma.

Kwa kuangalia mwenendo wa uchumi kwa nchi za Afrika Mashariki kwa mwaka 2024, Uchumi wa nchi ya **Jamhuri ya Muungano wa Tanzania**, unatarajiwa kukuwa kufikia wastani wa asilimia 6.1 mwaka 2024 ikilinganishwa na wastani wa asilimia 5.2 mwaka 2023. Nchi ya **Uganda** unatarajiwa kukua kwa wastani wa asilimia 5.7 kwa mwaka 2024 kutoka wastani wa asilimia 4.6 mwaka 2023, nchi ya **Burundi** uchumi unatarajiwa kukua na kufikia wastani wa asilimia 6.0 kwa mwaka 2024 kutoka asilimia 3.0 mwaka 2023. Kwa upande wa nchi ya **Rwanda** Ukuaji wa Uchumi unatarajiwa kukua kwa wastani wa asilimia 6.9 mwaka 2024 sawa na mwaka 2023. Hata hivyo, uchumi wa nchi ya **Kenya** unatarajiwa kukua kwa kasi ndogo mwaka 2024 kufikia wastani wa asilimia 5.0 mwaka 2024 kutoka asilimia 5.5 mwaka 2023. Ukuaji mdogo kwa nchi ya **Kenya** utatokana na mabadiliko ya tabianchi, viwango vya juu vya riba vinavyoathiri uwekezaji na uhaba wa fedha za kigeni ambazo zinapelekea kupungua kwa uagiziaji wa bidhaa kutoka nje ya nchi ya **Kenya**.

## 2.5 Mwelekeo wa Mfumko wa Bei wa Dunia

Kasi ya mfumko wa bei Duniani inatarajiwa kupungua hadi kufikia wastani wa asilimia 5.9 mwaka 2024 ikilinganishwa na wastani wa asilimia 6.8 mwaka 2023. Makadirio ya kupungua kwa kasi ya mfumko wa bei Duniani

yatatokana na malengo ya nchi Zilizoendelea kurejea kupunguza mfumko wa bei kwa kuongeza uzalishaji na kupunguza viwango vya riba ya Benki Kuu ili kurejesha utulivu wa bei. Nchi Zilizoendelea kasi ya mfumko wa bei inatarajiwa kupungua na kufikia wastani wa asilimia 2.6 kwa mwaka 2024 kutoka wastani wa asilimia 4.6 mwaka 2023 na kwa Nchi Zinazoendelea na Zinazoibukia kiuchumi mfumuko wa bei unatarajiwa kufikia wastani wa asilimia 8.3 mwaka 2024 sawa na mwaka 2023.

### **3.0 MWELEKEO WA UCHUMI WA ZANZIBAR 2024**

Uchumi wa Zanzibar mwaka 2024 unatarajiwa kuimarika kutokana na hatua za utekelezaji wa Mpango wa Maendeleo wa Zanzibar (ZADEP) 2021-2026 na Ilani ya Uchaguzi ya Chama Cha Mapinduzi (CCM) ya mwaka 2020-2025 ambayo kwa ujumla inatekeleza Dira ya Maendeleo ya Zanzibar 2050. Sekta za kiuchumi na kijamii zinazotarajiwa kuendelea kuimarika zaidi ni pamoja na sekta ya elimu, miundombinu ya usafiri wa anga, ardhini na baharini, afya na ustawi wa jamii, kilimo, uvuvi, utalii, biashara na viwanda.

### **MALENGO NA SHABAHA ZA UCHUMI JUMUISHI KWA MWAKA 2024**

Shabaha za Uchumi Jumuishi zilizozingatiwa katika Mpango wa mwaka 2024 ni kama ifuatavyo:-

- i. Ukuaji wa Pato Halisi la Taifa kufikia asilimia 7.2 mwaka 2024;
- ii. Mfumuko wa bei kubaki kwenye wigo wa tarakimu moja ya kiwango cha asilimia 5 kama ilivyo shabaha iliyowekwa kwa nchi za Afrika Mashariki;
- iii. Uwiano wa Mapato ya ndani kufikia asilimia 39.1 ya Pato la Taifa mwaka 2024 kutoka asilimia 26 mwaka 2023;
- iv. Uwiano wa Mapato ya kodi kufikia asilimia 33 ya Pato la Taifa mwaka 2024 kutoka asilimia 22.4 mwaka 2023;
- v. Uwiano wa Deni na Pato la Taifa kufikia asilimia 15 mwaka 2024 kutoka asilimia 13 mwaka 2023;
- vi. Nakisi ya bajeti (ikijumuisha misaada) kuwa chini ya asilimia 3.0

- ya Pato la Taifa mwaka 2024 ili kuendana na makubaliano ya nchi wanachama wa Jumuiya ya Afrika Mashariki;
- vii. Kuwa na akiba ya fedha za kigeni kwa kiwango cha kukidhi mahitaji ya uagizaji wa bidhaa na huduma kutoka nje; na
  - viii. Kipato cha mwananchi kuendelea kubakia juu ya wastani wa Dola za Kimarekani 1,300.

Kwa mwaka 2024, Uchumi wa Zanzibar unakadiriwa kukua kwa wastani wa asilimia 7.2 kutoka ukuaji wa asilimia 7.4 mwaka 2023 matarajio ya ukuaji huo utatokana na sababu zifuatazo:-

- i. Kuongezeka kwa uingiaji wa watalii watakaotembelea Zanzibar kwa asilimia 30 kutoka watalii 638,498 kwa mwaka 2023 hadi watalii 829,929 kwa mwaka 2024 kwa wageni wa Kimataifa (international tourists) na kuongezeka kwa watalii wa ndani kwa asilimia 64.5 kutoka watalii 164,084 mwaka 2023 hadi kufikia watalii 270,000 mwaka 2024;
- ii. Kuendelea kutekelezwa kwa Miradi mikubwa ya Kimkakati ya maendeleo na miradi mengine itakayochangia ukuaji wa uchumi ikiwemo miundombinu ya barabara, afya, elimu, viwanja vya michezo, maji safi na salama;
- iii. Kuendelea na hatua za kudhibiti kasi ya mfumuko wa bei ili ubaki katika tarakimu moja;
- iv. Kuongezeka kwa uhamasishaji wa ukusanyaji wa mapato pamoja na usimamizi wa matumizi ya Serikali;
- v. Kuimarisha mazingira ya biashara na uwekezaji ili kuongeza thamani na miradi ya uwekezaji kwa wawekezaji wa ndani na nje ya nchi;
- vi. Kuongezeka kwa uzalishaji katika sekta za uchumi wa Buluu kama vile kuimarisha Matumizi Endelevu ya Bahari;
- vii. Kuwawezesha Wajasiriamali kwa kuwapatia elimu, uelewa na ufahamu zaidi, ili kukuza ubunifu, uwezo wa kupata zana za ujasiriamali, uongezaji wa thamani wa mazao ya baharini, upatikanaji wa mitaji, masoko pamoja na kuchangia katika sekta ya uvuvi na mazao ya baharini ikiwemo mwani;
- viii. Kuongezeka kwa mchango wa sekta binafsi kutokana na juhudi za

Serikali za kukuza uwekezaji, uwezeshaji wananchi kiuchumi na kuongeza ajira.

Matarajio ya ukuaji huo unategemea na misingi ifuatayo:

- i. Kuendelea kuimarika kwa usimamizi wa sera za kifedha;
- ii. Kuimarika kwa upatikanaji wa nishati ya mafuta na gesi ili kuweza kupunguza gharama za bei za nishati hizo;
- iii. Kuendelea kuimarika kwa miundombinu na huduma za bandari zetu ambazo zitapunguza gharama za upatikanaji wa huduma na bidhaa muhimu; na
- iv. Kuendelea kuwepo kwa hali ya usalama nchini na kwa nchi jirani.

Aidha, Serikali itaendelea kuchukua hatua za kuweka utulivu wa bei kwa wananchi ikiwemo:-

- i. Kuendelea kutoa bei elekezi na kusimamia bidhaa zinazolingia nchini zikiwemo bidhaa za chakula, nishati (Petroli, Dizeli na Mafuta ya taa) na vifaa vya ujenzi;
- ii. Kuendelea kutekeleza Sera ya Fedha kupitia Benki Kuu ya Tanzania ili kutunza thamani ya Shilingi ya Tanzania na kudhibiti kasi ya mfumuko wa bei;
- iii. Kupitia Benki Kuu ya Tanzania (BoT) Serikali itaendelea kudhibiti mwenendo wa sarafu ya Tanzania dhidi ya sarafu nyengine Duniani;
- iv. Kuendelea kushajihisha na kuimarisha shughuli za uzalishaji viwandani;
- v. Kuimarisha maghala na mifumo ya uhifadhi wa chakula ili kuwa na uhakika wa chakula nchini; na
- vi. Kuendelea kutoa na kusimamia utoaji wa ruzuku hasa kwa vyakula vikuu vinavyolimwa hapa nchini.

## **5.0 MWELEKEO WA MPANGO WA MAENDELEO KWA MWAKA 2024/2025**

Mpango wa Maendeleo wa mwaka 2024/2025 unatekelezwa kwa kuzingatia malengo ya Serikali yaliyowekwa katika Mpango wa Maendeleo wa Zanzibar (ZADep) 2021-2026, Ilani ya uchaguzi ya Chama Cha Mapinduzi (CCM) 2020-2025 na Maelekezo na Ahadi za Mheshimiwa

Rais wa Zanzibar na Mwenyekiti wa Baraza la Mapinduzi anazozitoa katika Hotuba zake anapokutana na wananchi. Mpango huu unatarajiwa kutekeleza miradi na programu zenye azma ya kufikia malengo hayo na kutoa matokeo chanya katika utekelezaji wa Dira ya Maendeleo ya Zanzibar ya kuifanya kuwa nchi ya Kipato cha Kati cha Juu ifikapo mwaka 2050 (*Upper Middle-Income Status*).

## 6.0 MIRADI YA KIMKAKATI KWA MWAKA 2024/2025

Kama ulivyo utaratibu, mwaka 2024/2025, miradi ya kimkakati imepangwa kwa kuzingatia umuhimu na faida zitakazopatikana na imegawanywa katika maeneo matano (5) kama ulivyo Mpango wa Maendeleo wa Zanzibar wa Miaka Mitano 2021– 2026 ambayo ni: (1) Kutumia Fursa za Uchumi wa Buluu; (2) Mazingira Wezeshi na Uimarishaji wa Miundombinu; (3) Kuimarisha Mageuzi ya Kiuchumi; (4) Kukuza Rasilimali Watu na Huduma za Kijamii; na (5) Kuimarisha Utawala na Uhimilivu.

- i. Kutumia Fursa za Uchumi wa Buluu:** Programu na Miradi inayotarajiwa kutelekezwa kupitia eneo hili ni:-
  - a) Programu ya Kuimarisha Maeneo ya Kihistoria katika maeneo ya fukwe;
  - b) Mradi wa Ujenzi wa Madiko na Masoko ya Kisasa ya Samaki;
  - c) Mradi wa Ujenzi wa Bandari Jumuishi – Mangapwani;
  - d) Mradi wa Ujenzi wa Bandari ya Maruhubi; na
  - e) Mradi wa Ununuzi wa Boti mbili za Serikali.
  
- ii. Mazingira Wezeshi na Kuimarisha Miundombinu:** Programu na Miradi inayotarajiwa kutelekezwa kupitia eneo hili ni:-
  - a) Programu ya Ujenzi wa Barabara Kuu;
  - b) Programu ya Ujenzi wa Barabara za Ndani;
  - c) Programu ya Matengenezo ya Barabara za Mjini;
  - d) Mradi wa Ujenzi wa Uwanja wa Ndege wa Pemba;
  - e) Mradi wa Kuifanyia Mabadiliko sekta ya Nishati; na
  - f) Mradi wa Ujenzi wa Kituo na Maegesho ya Vyombo vya Usafiri Soko la Mwanakwerekwe.

- iii. Kuimarisha Mageuzi ya Kiuchumi:** Programu na Miradi inayotarajiwa kutelekezwa kupitia eneo hili ni:-
- a) Programu ya Uimarishaji wa Maeneo Huru ya Uwekezaji;
  - b) Mradi wa Kuanzisha na Kuendeleza Maeneo Maalum ya Viwanda (Industrial Parks); na
  - c) Mradi wa Kuendeleza Vituo vya Biashara na Maonyesho Zanzibar.
- iv. Kukuza Uwezo wa Watu na Maendeleo ya Jamii:** Programu na Miradi inayotarajiwa kutelekezwa kupitia eneo hili ni:-
- a) Programu ya Uimarishaji wa Miundombinu ya Elimu;
  - b) Programu ya Ukarabati na Ujenzi wa Vituo vya Afya ya Msingi;
  - c) Programu ya Ujenzi wa Nyumba za Wafanyakazi katika Hospitali za Wilaya na Mkoa;
  - d) Programu ya Kuimarisha Huduma za Usambazaji Maji Safi na Salama Zanzibar;
  - e) Mradi wa Ukarabati na Utanuzi wa Hospitali ya Mnazi Mmoja; na
  - f) Mradi wa Ujenzi wa Nyumba za Maendeleo.
- v. Kuimarisha Utawala Bora na Uhimilivu:** Miradi inayotarajiwa kutelekezwa kupitia eneo hili ni:-
- a) Mradi wa Ujenzi wa Mji wa Serikali;
  - b) Mradi wa Zanzibar Salama; na
  - c) Mradi wa Ujenzi wa Mahkama za Wilaya na Mikoa.

## **7.0 RASILIMALI KWA AJILI YA UTEKELEZAJI WA MPANGO WA MAENDELEO KWA MWAKA 2024/2025**

Kwa mwaka 2024/2025, Serikali imepanga kutumia kiasi cha TZS 3,271.11 bilioni (TZS 3,263.07 kwa miradi ya Serikali Kuu na TZS 8.03 bilioni kwa miradi ya Mamlaka za Serikali za Mitaa) sawa na asilimia 63.11 ya bajeti yote ya Serikali kwa kutekeleza shughuli za maendeleo. Mpango wa Maendeleo wa Serikali Kuu utatekeleza jumla ya programu 34 na miradi 63 (Programu 2 na miradi 22 ni mipya) ya maendeleo ambapo

jumla ya TZS 3,263.07 bilioni sawa na asilimia 62.96 ya bajeti yote ya Serikali zimepangwa kutumika kwa kugharamia utekelezaji wa programu na miradi husika. Kati ya fedha hizo, Serikali itatoa TZS 1,862.00 bilioni sawa na asilimia 57.06 ya bajeti yote ya maendeleo, kati ya hizo, TZS 2,086.72 bilioni itatumika kugharamia programu na miradi ya kimkakati na TZS 1,175.35 bilioni kwa miradi mengineyo. Kiasi ya TZS 1,401.07 bilioni (ambazo TZS 1,093.31 bilioni ni mikopo na TZS 307.76 bilioni ni ruzuku) sawa na asilimia 42.94 ya bajeti ya maendeleo zinatarajiwa kutoka kwa Washirika wa Maendeleo. Muhtasari wa fedha zilizopangwa kwa upande wa Serikali na Washirika wa Maendeleo kwa Programu/Miradi ya Maendeleo kwa Maeneo Makuu Matano ya Kimkakati unaonekana katika **Jadwali nambari 1.**

**Jadwali nam.1: Muhtasari wa Fedha Zilizopangwa kwa Upande wa Serikali na Washirika wa Maendeleo kwa Programu na Miradi ya Maendeleo kwa Maeneo Makuu ya Kimkakati Mwaka 2024/2025**

ENE0	MAKISIO KWA MWAKA 2024/2025 (TZS "000")							
	SMZ	%	RUZUKU	MKOPO	JUMLA YA FEDHA ZA WASHIRIKA WA MAENDELEO	%	JUMLA YA BAJETI YOTE	%
<b>ENE0 1:</b> Kutumia Fursa za Uchumi wa Buluu	237,539,960	49	130,180,772	113,346,994	243,527,766	51	481,067,726	15
<b>ENE0 2:</b> Mazingira Wezeshi na Kuimarisha Miundombinu	374,732,131	42	1,941,713	517,757,839	519,699,552	58	894,431,683	27
<b>ENE0 3:</b> Kuimarisha Mageuzi ya Kiuchumi	108,698,500	61	14,225,328	54,708,506	68,933,834	39	177,632,334	5
<b>ENE0 4:</b> Rasilimali Watu na Huduma za Kijamii	582,399,962	55	132,863,787	343,536,962	476,400,749	45	1,058,800,711	32
<b>ENE0 5:</b> Utawala Bora na Uhimilivu	558,629,447	86	28,553,323	63,959,125	92,512,448	14	651,141,895	20
<b>JUMLA KUU</b>	<b>1,862,000,000</b>	<b>57</b>	<b>307,764,923</b>	<b>1,093,309,425</b>	<b>1,401,074,348</b>	<b>43</b>	<b>3,263,074,348</b>	<b>100</b>



## **8.0 UCHAMBUZI WA MAKADIRIO KWA PROGRAMU NA MIRADI YA MAENDELEO NA SHUGHULI ZILIZOPANGWA KUTEKELEZWA KWA MWAKA 2024/2025**

### **8.1 Ofisi ya Rais Ikulu**

Ofisi ya Rais Ikulu ina jukumu la kuratibu shughuli zinazotekelezwa na Baraza la Mapinduzi kwa kutoa uelewa juu ya utekelezaji wa Mipango ya Maendeleo inayotekelezwa na Rais wa Zanzibar na Mwenyekiti wa Baraza la Mapinduzi kwa lengo la kuwa na maendeleo endelevu nchini. Ofisi hii pia ina wajibu wa kuratibu shughuli za Wazanzibari wanaoishi Nje ya nchi (Diaspora). Kwa mwaka wa fedha 2024/2025, Ofisi imepanga kutekeleza miradi mitatu ya Maendeleo kwa gharama ya TZS 4.50 bilioni kutoka Serikalini.

#### ***Mradi wa Uimarishaji wa Majengo ya Ikulu***

Mradi huu umeanzishwa kwa lengo la kuimarisha majengo ya Ikulu ili kuwa na majengo yenye mazingira mazuri na mandhari za kupendeza kwa viongozi wa Serikali. Kwa mwaka 2024/2025, Mradi umepangiwa kutumia jumla ya TZS 2.50 bilioni kutoka Serikalini.

#### ***Shughuli Zilizopangwa Kutekelezwa***

- i. Kujenga ukuta wa kuzuia mmong'onyoko wa ardhi na ufungaji wa kamera katika Ikulu ndogo ya Mkoani Pemba;
- ii. Kujenga ukuta katika Ikulu ndogo ya Dodoma na Pagali Pemba; na
- iii. Kufanya ukarabati wa Ikulu ya Mnazi Mmoja.

#### ***Mradi wa Uimarishaji wa Mfumo wa Ulinzi na Usalama katika Makaazi ya Mheshimiwa Rais wa Zanzibar na Mwenyekiti wa Baraza la Mapinduzi***

Mradi huu umeanzishwa kwa lengo la kuimarisha mfumo wa ulinzi na usalama katika majengo ya Ikulu na makaazi ya Mheshimiwa Raisi wa Zanzibar kwa kuweka miundombinu ya mfumo iliyo imara katika makaazi hayo. Kwa mwaka 2024/2025, Mradi umepangiwa kutumia jumla ya TZS 1.60 bilioni kutoka Serikalini.

#### ***Shughuli Zilizopangwa Kutekelezwa***

- i. Kuanzisha mfumo wa Maktaba ya Mheshimiwa Rais;
- ii. Kufanya mapitio na kuhuisha mtandao wa Afisi ya Rais Ikulu;

- iii. Kufanya tathmini ya mahitaji ya mawasiliano ya teknolojia ya habari;
- iv. Ununuzi wa vifaa vya mawasiliano ya teknolojia ya habari; na
- v. Kuandaa sera ya mawasiliano ya Teknolojia ya Habari.

### ***Mradi wa Kuimarisha Mfumo wa Sema na Rais (SNR)***

Mradi huu umeanzishwa kwa lengo la kuimarisha mawasiliano baina ya wananchi na Mheshimiwa Rais katika mfumo wa Sema na Rais ili kuhakikisha wananchi wanapata fursa ya kuwasilisha changamoto zinazowakabili katika Taasisi za Serikali na Binafsi ili kupatiwa ufumbuzi. Kwa mwaka 2024/2025, Mradi umepangiwa kutumia jumla ya TZS 400.00 milioni kutoka Serikalini.

### ***Shughuli Zilizopangwa Kutekelezwa***

- i. Ununuzi wa vifaa vya mfumo wa mawasiliano ya teknolojia ya habari; na
- ii. Kufanya tathmini kwa jamii juu ya utumiaji wa mfumo wa Sema na Rais.

## **8.2 Ofisi ya Rais - Kazi, Uchumi na Uwekezaji**

Ofisi hii ina jukumu la kuimarisha hali ya kijamii na kiuchumi ya wananchi wa Zanzibar kwa kutoa na kutumia fursa za kiuchumi zilizopo na zitakazokuja, kushajihisha utamaduni na uwezo wa ujasiriamali, kukuza uwekezaji wa ndani na nje, upatikanaji wa kazi za staha zenye kuzingatia Sheria na viwango vya kazi. Aidha, Sekta hii inatekeleza shughuli zake kupitia mipango na mikakati ya kimaendeleo ya Kitaifa, Kikanda na Kimataifa. Kwa mwaka wa fedha 2024/2025, Ofisi imepanga kutekeleza programu moja ya maendeleo kwa gharama ya TZS 15.00 bilioni.

### **Programu ya Uimarishaji wa Maeneo Huru ya Uwekezaji**

Programu hii imeanzishwa kwa lengo la kukuza maeneo huru ya uwekezaji kwa kuimarisha miundombinu ya barabara, maji, umeme na mawasiliano katika maeneo yote yaliyoainishwa kwa uwekezaji ili kuwavutia Wawekezaji wa ndani na nje ya nchi. Kwa mwaka 2024/2025 Programu imepangiwa kutumia jumla ya TZS 15.00 bilioni kutoka Serikalini.

### ***Shughuli Zilizopangwa Kutekelezwa***

- i. Ujenzi wa barabara za Zone B Micheweni;
- ii. Ulipaji wa fidia kwa maeneo yatakayoathirika na mradi; na
- iii. Upelekaji wa miundombinu ya barabara, maji na umeme katika eneo la uwekezaji la Fumba.

### **8.2.1 Wakala wa Uwezeshaji Wananchi Kiuchumi Zanzibar**

Taasisi hii imeanzishwa kwa lengo la kuimarisha mazingira wezeshi ya uwezeshaji wananchi kiuchumi ili kuongeza ajira kwa vijana na wajasiriamali, tija, uzalishaji na ufanisi wa masoko ya bidhaa za wafanyabiashara nchini. Kwa mwaka wa fedha 2024/2025, Taasisi imepanga kutekeleza miradi minne ya maendeleo kwa gharama ya TZS 43.60 bilioni (TZS 36.50 bilioni kutoka Serikalini na TZS 7.10 bilioni kutoka kwa Washirika wa Maendeleo).

#### ***Mradi wa Uwezeshaji Wananchi Kiuchumi***

Mradi huu una lengo la kuinua kipato cha wajasiriamali, wazalishaji na wafanyabiashara kwa kuwapatia mikopo yenye masharti nafuu ili kutoa ajira za staha, kukuza Pato la Taifa na kupunguza umasikini kwa jamii. Kwa mwaka 2024/2025 mradi umepangiwa jumla ya TZS 32.0 bilioni kutoka Serikalini.

#### ***Shughuli Zilizoliopangwa Kutekelezwa***

- i. Kutoa mikopo yenye masharti nafuu kwa wajasiriamali, wazalishaji na wafanya biashara; na
- ii. Kuanzisha mfumo wa usimamizi wa taarifa kwa ajili ya kuunganisha taarifa za Taasisi.

#### ***Kukuza usawa wa Kijinsia Tanzania (Pamoja)***

Mradi una lengo la kukuza fursa za kiuchumi kwa wanawake pamoja na kupunguza udhalilishaji wa wanawake na watoto. Kwa mwaka 2024/2025 mradi umepangiwa kiasi cha TZS 2.00 bilioni kutoka kwa Washirika wa Maendeleo.

#### ***Shughuli Iliyoliopangwa Kutekelezwa***

- Kutoa mikopo yenye masharti nafuu kwa wajasiriamali, wazalishaji na wafanyabiashara.

### ***Mradi wa Kuwasaidia Wajasiriamali Wadogo Wadogo, Wakati na Wakubwa***

Mradi huu umeanzishwa kwa lengo la kuwasaidia wajasiriamali wote (wadogo, wakati na wakubwa) waweze kuinua mitaji yao, kukuza kipato na kuwasaidia waweze kujitegemea wakiwemo wanawake, vijana na watu wenye mahitaji maalum. Mradi huu unatekelezwa kwa mashirikiano baina ya Serikali ya Mapinduzi ya Zanzibar na Serikali ya Abudhabi kupitia Mfuko wa Khalifa (Khalifa Fund). Kwa mwaka 2024/2025, mradi umetengewa jumla ya TZS 9.60 bilioni (TZS 4.50 bilioni kutoka Serikalini na TZS 5.10 bilioni kutoka kwa Washirika wa Maendeleo).

#### ***Shughuli Iliyopangwa Kutekelezwa kwa Fedha za Serikali:***

- Kutoa mikopo kwa wajasiriamali, wazalishaji wadogo, wakati na wakubwa.

#### ***Shughuli Zilizopangwa Kutekelezwa kwa Fedha za Washirika wa Maendeleo***

- i. Kutoa mikopo kwa wajasiriamali, wazalishaji wadogo, wa kati na wakubwa; na
- ii. Kuratibu na kusimamia utoaji na urejeshwaji wa mikopo.

### **8.3 Ofisi ya Rais – Fedha na Mipango**

Kwa mujibu wa taratibu na miongozo ya Serikali Ofisi ya Rais, Fedha na Mipango ndio msimamizi mkuu wa masuala ya fedha. Ofisi ina majukumu ya kusimamia shughuli zote zinazohusiana na makusanyo na matumizi ya fedha za umma na kusimamia maendeleo ya Taasisi za kifedha zikiwemo benki. Aidha, Ofisi hii ina wajibu wa kuishauri Serikali kuhusu masuala yanayohusu mapato ya nchi ikiwemo ukusanyaji wa kodi, tozo na mapato yatokanayo na Washirika wa Maendeleo. Kwa mwaka wa fedha 2024/2025, Ofisi hii imepangiwa jumla ya 463.90 bilioni (TZS 426.46 bilioni kutoka Serikalini na TZS 37.44 bilioni kutoka kwa Washirika wa Maendeleo) kwa ajili ya kuteleza programu tatu na mradi mmoja wa maendeleo.

#### ***Programu ya Ujenzi wa Ofisi za Serikali Zanzibar***

Programu ina lengo la kujenga na kukarabati Ofisi za Serikali katika maeneo yaliyopendekezwa, Aidha, programu hii itasaidia katika Mpango

wa matumizi bora ya ardhi kwa kuupanga mji wa Zanzibar na kuwa na mazingira mazuri kwa wafanyakazi ili kutoa huduma bora kwa wananchi na kuongeza haiba ya mji wa Zanzibar. Kwa mwaka 2024/25, programu imepangiwa jumla ya TZS 113.98 bilioni kutoka Serikalini.

### ***Shughuli Zilizopangwa Kutekelezwa***

- i. Ukamilishaji na ujenzi wa Ofisi za Serikali ikiwemo Ofisi ya Mamlaka ya Uwekezaji Zanzibar, Tume ya Uchaguzi, Baraza la Wawakilishi, Ofisi ya Mufti, Skuli ya Sheria, Ofisi ya Tume ya Utangazaji Zanzibar, Ofisi na Studio za Redio na TV - Tunguu, Ofisi ya Mpigachapa Mkuu wa Serikali, Shirika la Magazeti, Ofisi ya ZAECA, Mkurugenzi wa Mashtaka, Wakala wa Uwezeshaji Wananchi Kiuchumi, Ukarabati wa Jengo la Ushindani Halali wa Biashara, Ofisi ya Maafa na Ghala, Ofisi ya Nyaraka, Jengo la Ushirika, Jengo la (OR) Kazi, Uchumi na Uwekezaji; na
- ii. Ujenzi wa Mji wa Serikali katika eneo la Kisakasaka.

### ***Programu ya Ukuzaji Uchumi Jumuishi Zanzibar (BIG-Z)***

Programu imekusudia kuimarisha miundombinu na huduma za msingi pamoja na kuimarisha haiba ya Miji ya Zanzibar. Kwa mwaka 2024/2025, programu hii imepangiwa jumla ya TZS 32.00 bilioni kutoka kwa Washirika wa Maendeleo.

### ***Shughuli Zilizopangwa Kutekelezwa***

- i. Kuanza na ujenzi katika Maeneo ya Mjini yanayokuwa kwa kasi Unguja kwa:- a) Kujenga na kukarabati mitaro ya maji ya mvua yenye urefu wa kilomita 4.76 katika maeneo ya Sebleni, Meya, Magomeni na mtaro wa mfumo C (Shehia ya Amani-Shehia na Shauri Moyo); b) Kufanya ukarabati wa miundombinu ya viwanja vitatu vya mpira katika maeneo ya Magomeni Mzalendo, Machicha na Mbarawa; c) Ujenzi wa barabara za ndani zenye urefu wa kilomita 9.14 na uwekaji wa taa zinazotumia nguvu za jua katika maeneo ya Sebleni kwa Wazee, Meya, Magomeni na Nyerere; na d) Kujenga soko moja la wajasiriamali katika eneo la Meya;
- ii. Ununuzi wa vifaa vya usafi (magari ya taka, makontena ya kuwekea taka na gari la kusafishia barabara) kwa Mabaraza ya Miji na Manispaa za Unguja na Pemba;

- iii. Kufanya Upembuzi Yakinifu wa mradi wa Mji Salama kwa watembea kwa miguu katika maeneo ya Mji Mkongwe;
- v. Kuzijengea uwezo Taasisi za Serikali zinazosimamia maendeleo ya Miji, ikiwemo kuwapatia mafunzo ya muda mfupi watendaji wa Taasisi hizo pamoja na ununuzi wa vitendea kazi;
- vi. Kuandaa Mpango Mkuu wa Matumizi ya Ardhi kwa upande wa Pemba; na
- vi. Kufanya Upembuzi Yakinifu, usarifu wa michoro na kuandaa nyaraka za zabuni kwa kwa mradi wa kuimarisha Miji ya Pemba na mradi wa kuendeleza maeneo ya utalii ya Nungwi, Chwaka na Makunduchi.

### ***Programu ya Mageuzi katika Usimamizi wa Fedha (PFMRP – VI)***

Programu ina lengo la kuimarisha usimamizi wa fedha za umma katika utoaji wa huduma bora kwa wananchi. Kwa mwaka 2024/25, programu imepangiwa kiasi cha TZS 4.45 bilioni (TZS 400.00 milioni kutoka Serikalini na TZS 4.46 bilioni kutoka kwa Washirika wa Maendeleo).

### ***Shughuli Zilizopangwa Kutekelezwa kwa Fedha za Serikali***

- i. Kufanya uratibu wa Programu Zanzibar; na
- ii. Kuimarisha Mifumo saba iliyopangwa kuandaliwa.

### ***Shughuli Zilizopangwa Kutekelezwa kwa Fedha za Washirika wa Maendeleo***

- i. Kuimarisha na kuanzisha mifumo inayohusiana na usimamizi wa kodi, ukaguzi pamoja na usimamizi wa mipango na bajeti;
- ii. Kufanya mapitio na kutoa miongozo inayohusiana na sheria mbali mbali za mapato, matumizi, udhibit na ukaguzi;
- iii. Kufanya utafiti kuhusu athari za uchumi wa kidijitali kwa uchumi wa Zanzibar;
- iv. Kuandaa muongozo wa utayarishaji wa upembuzu yakinifu kwa miradi ya maendeleo;
- v. Kuwajengea uwezo watumishi mbali mbali kuhusiana na mipango, bajeti, udhibiti, ukaguzi na usimamizi wa fedha za umma; na
- vi. Kufanya ziara za kujifunza ili kuongeza uwelewa juu ya usimamizi wa fedha za umma na udhibiti.

### ***Mradi wa Uimarishaji Rasilimali za ndani na Usimamizi wa Maliasili (ISP-DRMNRG)***

Lengo la mradi huu ni kuimarisha rasilimali za ndani na usimamizi wa maliasili kwa kuhakikisha usimamizi wa rasilimali na maliasili zote zinasimamiwa kupitia Sera na Sheria stahiki. Kwa mwaka 2024/25, Mradi huu umepangiwa kutumia kiasi cha TZS 1.06 bilioni (TZS 78.50 milioni kutoka Serikalini na TZS 986.87 milioni kutoka kwa Washirika wa Maendeleo).

### ***Shughuli Iliyopangwa Kutekelezwa kwa Fedha za Serikali***

- Kutoa huduma za uratibu na usimamizi wa miradi.

### ***Shughuli Zilizopangwa Kutekelezwa kwa Fedha za Washirika wa Maendeleo***

- i. Kuandaa Sheria na miongozo ya madini;
- ii. Kufanya warsha juu ya Sheria na miongozo ya madini;
- iii. Kuandaa Sheria ya Kodi na faida ya Mafuta na Gesi Asilia; na
- iv. Kuandaa warsha juu ya Sheria ya kodi na Faida ya Mafuta na Gesi Asilia.

### **8.3.1 Tume ya Mipango Zanzibar**

Tume ya Mipango ni Taasisi inayoratibu Mipango ya Maendeleo ya kiuchumi na kijamii ikijumuisha kuandaa mipango ya muda mrefu, muda wa kati na muda mfupi, ufuatiliaji na tathmini, kuratibu uandaaji wa tafiti pamoja na masuala ya idadi ya watu na usimamizi wa Uchumi wa Zanzibar. Aidha, Tume inaratibu na kupanga Vipaumbele vya nchi na kutoa Miongozo ya kuimarisha uchumi na ustawi wa wananchi. Kwa mwaka wa fedha 2024/2025, Tume ya Mipango imepangiwa jumla ya TZS 5.3 bilioni kutoka Serikalini kwa kutekeleza programu moja na mradi mmoja wa maendeleo.

### ***Uratibu wa Programu ya Urasimishaji Ardhi na Biashara Zanzibar***

Programu hii ina lengo la kukuza mitaji kupitia urasimishaji wa ardhi na biashara ili ziweze kutumika kama dhamana. Kwa mwaka 2024/2025, Programu imepangiwa kutumia kiasi cha TZS 3.00 bilioni kutoka Serikalini.



### ***Shughuli Zilizopangwa Kutekelezwa***

- i. Kufanya urasimishaji wa ardhi katika maeneo ya Fuoni, Amani, Kidoti, Mahonda, Bopwe na Micheweni na kutoa hati za usajili;
- ii. Kufanya ufuatiliaji na tathmini wa utekelezaji wa shughuli za urasimishaji wa Ardhi na Biashara;
- iii. Uhifadhi wa kumbukumbu na nyaraka kwa ununuzi na uwekaji wa makabati ya kielektroniki katika Masjala ya Ardhi na ununuzi wa vifaa;
- iv. Kutoa mafunzo, kuwahakiki na kuwasajili wafanyabiashara wadogo wadogo Unguja na Pemba;
- v. Ujenzi wa Kituo jumuishi cha urasimishaji wa Biashara katika Wilaya ya Kati Unguja;
- vi. Ujenzi wa Masjala ya Ardhi Chake Chake Pemba; na
- vii. Kuimarisha mfumo wa usajili wa Ardhi.

### ***Mradi wa Kuimarisha Ufanisi katika Utekelezaji wa Mipango ya Maendeleo ya Kitaifa, Kikanda na Kimataifa***

Mradi huu una lengo la kuimarisha uratibu, usimamizi, ufuatiliaji na tathmini wa utekelezaji wa Mipango, Sera na Mikakati ya Kisekta, Kitaifa, Kikanda na Kimataifa ikiwemo Mpango wa Maendeleo wa Zanzibar (ZADEP) 2021-2026, Ajenda ya Afrika 2063 na Malengo ya Maendeleo Endelevu (SDGs) 2030. Kwa mwaka 2024/2025, mradi umepangiwa TZS 2.30 bilioni kutoka Serikalini.

### ***Shughuli Zilizopangwa Kutekelezwa***

- i. Kuandaa mapitio ya utekelezaji wa Mpango wa Maendeleo wa Zanzibar (ZADEP) 2021 – 2026 na kuifanyia uchambuzi ripoti ya mapitio;
- ii. Kufanya uhakiki wa miradi na program za maendeleo;
- iii. Kufanya tathmini ya Programu na Miradi ya Maendeleo;
- iv. Kuandaa mfumo wa ufuatiliaji na tathmini kwa Dira ya Maendeleo ya Zanzibar 2050;
- v. Kuandaa Kongamano la Ufuatiliaji na Tathmini kwa mwaka 2024;
- vi. Kushiriki mikutano ya kimataifa ya SDGs na Ajenda ya Afrika 2063;
- vii. Kuanzisha mfumo wa kijiditali wa uandaaji na usimamizi wa Mipango na Miradi ya Maendeleo (ZiPS); na



- viii. Kuanza maandalizi ya uwandaaji wa Mpango mpya wa Taifa wa Muda wa Kati.

### **8.3.2 Ofisi ya Mtakwimu Mkuu wa Serikali**

Ofisi ina jukumu la kutoa, kukusanya, kuchambua, kuchapisha, kuhifadhi na kusambaza taarifa na takwimu zilizo rasmi, kutoa takwimu na taarifa zenye ubora na kuhamasisha matumizi ya takwimu katika mipango ya maendeleo, kufanya maamuzi katika masuala ya utawala na uendeshaji pamoja na ufuatiliaji na tathmini wa shughuli za kiuchumi na kijamii. Kwa mwaka wa fedha 2024/2025, Ofisi imepangiwa jumla ya TZS 8.66 bilioni kutoka kwa Washirika wa Maendeleo kwa kutekeleza Programu moja na mradi mmoja wa maendeleo.

### **Programu ya Uimarishaji Takwimu Tanzania Awamu ya Pili (TSMP II)**

Programu ina lengo la kuimarisha shughuli za kitakwimu Zanzibar kwa kuwezesha ukusanyaji, upatikanaji na utoaji wa takwimu za kawaida (routine data) kwa wakati, kuweka mazingira mazuri ya kuratibu upatikanaji wa takwimu za Kiuchumi na Kijamii kupitia takwimu za kawaida, sensa na tafiti. Aidha, inalenga kuwezesha uzalishaji na usimamizi wa takwimu na uimarishaji wa mifumo ya kitakwimu na miundombinu, maendeleo ya rasilimali watu kwa Taasisi za Serikali kupitia Mfumo wa Takwimu Zanzibar ili kusaidia uimarishaji na upatikanaji wa takwimu rasmi. Kwa mwaka 2024/2025, imepangiwa jumla ya TZS 8.32 bilioni kutoka kwa Washirika wa Maendeleo.

### ***Shughuli Zilizopangwa Kutekelezwa***

- i. Kufanya mapitio na kuimarisha takwimu za Pato la Taifa;
- ii. Kufanya Sensa ya Uzalishaji Mali Viwandani ya Mwaka 2023;
- iii. Kufanya Utafiti wa Kilimo wa Mwaka 2024;
- iv. Kuanza Utafiti wa Watu Wenye Uwezo wa Kufanya Kazi (ILFS) wa Mwaka 2023/2024;
- v. Kuanza Utafiti wa Mapato na Matumizi ya Kaya (HBS) 2024/2025;
- vi. Ujenzi wa Jengo la Ofisi ya Mtakwimu Mkuu wa Serikali Pemba;
- vii. Kuwajengea uwezo Watakwimu katika Mfumo wa Takwimu Zanzibar; na
- viii. Kutayarisha kanzi data kupitia miongozo ya “Data Quality Assessment” ya Shirika la Fedha la Dunia (IMF).

### ***Mradi wa Uimarishaji Takwimu za Jinsia***

Mradi una lengo la kuimarisha uzalishaji na matumizi ya takwimu za jinsia ambazo husaidia katika kubuni sera na mipango ya kijamii, kiuchumi, na kisiasa ambayo inazingatia mahitaji na haki za kila jinsia hasa katika masuala ya elimu, afya, ajira na haki za kijamii. Vile vile, kutoa elimu ya dhana ya za udhalilishaji wa kijinsia na aina zake, kutambua makundi au maeneo ambayo yako katika hatari kubwa ya udhalilishaji wa kijinsia. Kwa mwaka 2024/2025 mradi umepangiwa jumla ya TZS 343.24 milioni kutoka kwa Washirika wa Maendeleo.

### ***Shughuli Zilizopangwa Kutekelezwa***

- i. Kutoa mafunzo kwa wakusanyaji wa takwimu za udhalilishaji;
- ii. Kuimarisha dodoso linalotumika kukusanyia taarifa za udhalilishaji;
- iii. Kufanya vikao vya wadau (TWG) wa takwimu za jinsia na wazalishaji na watumiaji wa takwimu;
- iv. Kutoa mafunzo kwa waandishi wa habari jinsi ya kuwasilisha taarifa za udhalilishaji katika vyombo vya habari; na
- v. Kukusanya na kuwasilisha takwimu za udhalilishaji za kila mwezi.

### **8.4 Ofisi ya Rais Katiba, Sheria, Utumishi na Utawala Bora**

Ofisi ina lengo la kuwa na Utumishi wa Umma wenye ujuzi utakaotoa huduma nzuri kwa jamii zenye kuzingatia misingi ya haki, Sheria na demokrasia, ili kuhakikisha wananchi wanapata huduma zinazofuata misingi ya haki za kibinadamu. Aidha, Ofisi inasimamia utekelezaji wa Sera, Sheria na miongozo ya masuala ya misingi yanayotokana na utawala bora kwa jamii ya Zanzibar. Kwa mwaka wa fedha 2024/2025, Ofisi imepanga kutekeleza Program mbili na mradi mmoja wa maendeleo kwa gharama ya TZS 3.01 bilioni (TZS 1.50 bilioni kutoka Serikalini na TZS 1.51 bilioni kutoka kwa Washirika wa Maendeleo).

### ***Programu ya Mageuzi ya Utumishi wa Umma Awamu ya II***

Programu ina lengo la kuimarisha utendaji wa watumishi wa umma Zanzibar katika utoaji wa huduma stahiki kwa jamii. Kwa mwaka 2024/2025, programu imepangiwa kiasi cha TZS 1.00 bilioni kutoka Serikalini.

### ***Shughuli Zilizopangwa Kutekelezwa***

- i. Kutayarisha Mfumo wa Ikama wa Rasilimali Watu katika Utumishi wa Umma (Nominal Roll);
- ii. Kuimarisha Mfumo wa Kielektroniki wa Usajili wa Taarifa za Mali na Madeni ya Viongozi wa Umma;
- iii. Kuanzisha Mfumo wa Kielektroniki wa Ufuatiliaji na Uwajibikaji wa Utawala Bora katika Taasisi za Umma; na
- iv. Kuanzisha Mfumo wa Kusimamia Taarifa za Watumishi wa Umma.

### ***Programu ya Mageuzi ya Sekta ya Sheria***

Programu imeanzishwa kwa lengo la kuimarisha upatikanaji wa haki pamoja na kuimarisha uwezesaji wa wananchi katika masuala ya sheria. Kwa mwaka 2024/2025, programu imepangiwa kiasi cha TZS 1.66 bilioni (TZS 500.00 milioni kutoka Serikalini na 1.16 bilioni kutoka kwa Washirika wa Maendeleo)

### ***Shughuli Iliyopangwa Kutekelezwa kwa Fedha za Serikali***

- Kuanzisha mfumo wa Kielektroniki wa Kupitia Mikataba kwa Afisi ya Mwanasheria Mkuu.

### ***Shughuli Zilizopangwa Kutekelezwa kwa Fedha za Washirika wa Maendeleo.***

- i. Kuimarisha mifumo na uwezo wa Taasisi za Sheria na rasilimali watu;
- ii. Kuziwezesha Asasi za Kiraia kutoa msaada wa kisheria na kuhamasisha jamii juu ya haki za kisheria na za kibinadamu kwa makundi hatarishi; na
- iii. Kuanzisha utaratibu wa kuelimisha jamii juu ya huduma ya haki katika kesi za unyayasaji wa kijinsia.

### ***Mradi wa Utoaji wa Huduma za Haki kwa Wanawake na Watoto katika Kukabiliana na Kesi za Ukatili wa Kijinsia – Zanzibar***

Mradi una lengo la kupunguza vitendo vya udhalilishaji kwa vijana, wanawake na watoto Zanzibar. Kwa mwaka 2024/2025, mradi umepangiwa jumla ya TZS 350.00 milioni kutoka kwa Washirika wa Maendeleo.

### ***Shughuli Zilizopangwa Kutekelezwa***

- i. Kuandaa Miongozo ya Hukumu za Kimahakama;
- ii. Kuimarisha uratibu na taratibu za usimamizi wa kesi katika ngazi ya Kitaifa kupitia mikutano kati ya Polisi, Mahakama na Mkurugenzi wa Mashtaka;
- iii. Kuwajengea uwezo watendaji wa kitengo cha ulinzi kinacho shughulikia kesi za jinai cha Ofisi ya Mkurugenzi wa Mashtaka (Protection Unit) kuhusu masuala ya ukatili na udhalilishaji wa kijinsia; na
- iv. Kufanya mapitio ya mfumo wa kisheria wa uwezeshaji na ulinzi wa wanawake.

#### **8.4.1 Mahakama Kuu**

Ofisi ina jukumu la kupokea, kusikiliza na kuyatolea maamuzi madai ya wananchi yanayowasilishwa mahakamani kwa lengo la upatikanaji wa haki kwa jamii ndani ya muda uliowekwa. Kwa mwaka wa fedha 2024/2025, Ofisi imepanga kutekeleza miradi minne ya maendeleo kwa gharama ya TZS 54.50 bilioni (TZS 26.00 bilioni kutoka Serikalini na TZS 28.50 kutoka kwa Washirika wa Maendeleo).

#### ***Mradi wa Ujenzi wa Mahakama za Wilaya na Mkoa***

Mradi una lengo la kujenga majengo mapya ya Mahakama ambayo yatakuwa na mazingira bora na yatakayoongeza ufanisi katika utoaji wa huduma za kisheria na upatikanaji wa haki. Kwa mwaka 2024/2025, mradi umepangiwa kutumia jumla ya TZS 24.90 bilioni kutoka Serikalini.

### ***Shughuli Zilizopangwa Kutekelezwa***

- i. Kujenga Mahakama ya Mkoa wa Mjini Magharibi katika eneo la Mazizini- Unguja;
- ii. Kujenga Mahakama ya Wilaya ya Magharibi “B” katika eneo la Kisakasaka- Unguja;
- iii. Kujenga Mahakama ya Mkoa wa Kaskazini katika eneo la Pale;
- iv. Kujenga Mahakama ya Mkoa wa Kusini Unguja katika eneo la Tunguu/Binguni;
- v. Kujenga Mahakama ya Mkoa wa Kaskazini Pemba katika eneo la Kinyasini;

- vi. Kujenga Mahakama ya Wilaya ya Micheweni Pemba katika eneo la Micheweni na
- vii. Kujenga Mahakama ya Mkoa wa Kusini Pemba katika eneo la Mfikiwa-Chake Chake.

### ***Mradi wa Uimarishaji Mfumo wa Kielektroniki wa Usimamizi wa Taarifa za Kesi***

Mradi umeanzishwa kwa lengo la kuimarisha mifumo ya Mahakama katika uendeshaji wa kesi kwa njia ya kielektroniki ambao utaimarisha utendaji na ufanisi wa kazi katika utoaji wa huduma kwa wananchi. Kwa mwaka 2024/2025, mradi umepangiwa kiasi cha TZS 500.00 milioni kutoka Serikalini.

### ***Shughuli Iliyopangwa Kutekelezwa***

- Ununuzi wa kompyuta na vifaa vyake “hardware”.

### ***Mradi wa Kuimarisha Mahakama***

Mradi umeanzishwa kwa lengo la kuimarisha Mahakama katika kuwezesha upatikanaji wa haki, kuongeza ufanisi wa utendaji kazi kwa watumishi wa Mahakama pamoja na kuimarisha mashirikiano na wadau ili kufikisha huduma kwa wananchi. Kwa mwaka 2024/2025, mradi umepangiwa jumla ya TZS 26.10 bilioni (TZS 600.00 milioni kutoka Serikalini na TZS 25.50 bilioni kutoka kwa Washirika wa Maendeleo).

### ***Shughuli Zilizopangwa Kutekelezwa kwa Fedha za Serikali***

- i. Ununuzi wa samani kwa majengo ya Mahakama;
- ii. Ununuzi wa kompyuta na vifaa vyake; na
- iii. Ununuzi wa huduma za kimtandao.

### ***Shughuli Zilizopangwa Kutekelezwa kwa Fedha za Washirika wa Maendeleo***

- i. Ujenzi wa majengo ya Mahakama za Wilaya (Kijichi, Makunduchi, Chwaka, Kinduni na Kigunda);
- ii. Ukarabati wa majengo ya Mahakama ya Mahonda na Wete;
- iii. Kulipa ada ya mshauri elekezi (Consultancy Fee);
- iv. Kufanya mafunzo ya utekelezaji na usimamiaji wa mradi kwa

- watumishi wa kitengo cha maboreshi (Judiciary Reform Delivery Unit); na
- v. Ununuzi wa magari, gharama za Bima na Leseni za njia.

### ***Mradi wa Ujenzi wa Jengo la Mahakama Jumuishi (IJC)-Pemba***

Mradi umeanzishwa kwa lengo la kuimarisha majengo ya Mahakama ili kuwa na mazingira mazuri ya kazi na kuongeza ufanisi kwa watumishi wa Mahakama. Kwa mwaka 2024/2025, Mradi umepangiwa jumla ya TZS 3.00 bilioni kutoka kwa Washirika wa Maendeleo.

### ***Shughuli Zilizopangwa Kutekelezwa***

- i. Ujenzi wa jengo la Mahakama Jumuishi katika eneo la Mfikiwa-Pemba; na
- ii. Kulipa Ada ya Mshauri Elekezi

## **8.5 Ofisi ya Rais-Tawala za Mikoa, Serikali za Mitaa na Idara Maalum za SMZ**

Ofisi ya Rais Tawala za Mikoa, Serikali za Mitaa na Idara Maalum za SMZ ina jukumu la kutoa mwongozo na ushauri kwa Tawala za Mikoa katika kuratibu, kujenga mazingira mazuri na kufuatilia utekelezaji wa shughuli za Serikali za Mitaa na Idara Maalum za SMZ katika utoaji wa huduma na kuimarisha Utawala Bora. Hii ni pamoja na kuimarisha uwezo wa Serikali za Mitaa na Mamlaka zake. Kwa mwaka wa fedha 2024/2025, Ofisi imepanga kutekeleza miradi mitano ya maendeleo itakayogharimu kiasi cha TZS 90.12 bilioni (TZS 79.00 bilioni kutoka Serikalini na TZS 11.12 bilioni kutoka kwa Washirika wa Maendeleo).

### ***Mradi wa Kuimarisha Ulinzi na Usalama***

Mradi wa kuimarisha ulinzi na usalama Zanzibar una lengo la kuongeza ufanisi kwa Idara Maalum za SMZ katika kutekeleza majukumu yao ya kudumisha amani, utulivu na usalama nchini. Matokeo ya mradi huu ni pamoja na kupungua kwa matukio ya kihalifu katika jamii, kuongeza uwajibikaji na kuwa na miundombinu imara ya ulinzi na usalama kwa wenyeji, wageni na wawekezaji. Mradi huu unatekelezwa kwa fedha za Serikali na kwa mwaka 2024/2025, umepangiwa kiasi cha TZS 25.00 bilioni.

### ***Shughuli Zilizopangwa Kutekelezwa***

- i. Ununuzi wa vitendea kazi vya ulinzi;
- ii. Ununuzi na ufungaji wa vifaa vya mawasiliano ya ulinzi; na
- iii. Ununuzi wa magari maalum ya shughuli za kiulinzi.

### ***Mradi wa Ujenzi wa Ofisi za Masheha Zanzibar***

Mradi wa ujenzi wa Ofisi za Masheha una lengo la kuimarisha huduma za kijamii na kimaendeleo kwa wananchi, kuongezeka kwa ufanisi wa kiutendaji na upatikanaji wa huduma kwa jamii kupitia Shehia. Mradi huu unatekelezwa kwa fedha za Serikali na kwa mwaka 2024/2025, umepangiwa kiasi cha TZS 3.00 bilioni.

### ***Shughuli Zilizopangwa Kutekelezwa***

- i. Kuanza na ujenzi wa Ofisi za Masheha kwa Shehia 48 Unguja na Pemba; na
- ii. Ununuzi wa samani za Ofisi za Masheha kwa Shehia 48.

### ***Mradi wa Kuimarisha Haki Jinai – Chuo cha Marekebisho ya Tabia***

Mradi una lengo la kuwajengea uwezo waendesha mashtaka na wapelelezi katika masuala ya haki jinai. Mradi umedhamiria kuimarisha ushirikiano kati ya wadau wa haki jinai, kuongeza ufanisi na kasi ya upelelezi na uendeshaji wa mashtaka kwa utoaji haki kwa wananchi. Aidha, mradi unahusisha mafunzo kwa wanawake kuhusu kufahamu haki zao katika kesi za jinai na madai. Mradi huu unatekelezwa kwa fedha za Serikali na kwa mwaka 2024/2025, umepangiwa kiasi cha TZS 22.00 bilioni.

### ***Shughuli Iliyopangwa Kutekelezwa***

- Kuanza kwa ujenzi wa majengo mawili ya kisasa ya Chuo cha kurekebisha tabia - Hanyegwa Mchana.

### ***Mradi wa Ujenzi wa Kituo na Maegesho ya Vyombo Vya Usafiri katika Soko la Mwanakwerekwe***

Mradi huu una lengo la kuimarisha upatikanaji wa huduma kwa wananchi na wafanyabiashara kwa kujenga kituo cha maegesho ya vyombo vya usafiri na huduma nyengine za usafiri katika soko la Mwanakwerekwe ili kuongeza ufanisi wa upatikanaji wa huduma kwa jamii, kupunguza



msongamano wa vyombo na kuongeza Pato la Taifa. Aidha, mradi utatunza mazingira katika eneo la bwawa la Mwanakwerekwe na kuleta mandhari nzuri. Mradi huu unatekelezwa kwa fedha za Serikali na kwa mwaka 2024/2025, umepangiwa kiasi cha TZS 29.00 bilioni.

### ***Shughuli Zilizopangwa Kutekelezwa***

- i. Kuanza na ujenzi wa kituo cha Dalalada; na
- ii. Kuanza na ujenzi wa eneo la maegesho ya vyombo vya usafiri katika eneo la Mwanakwerekwe.

### ***Mradi wa Kijani -Pemba***

Mradi una lengo la kuimarisha miji inayoibuka kwa kutoa huduma za maji, usafishaji mazingira, usimamizi wa taka, kuweka mipango miji na kuwasaidia wajasiriamali, uwezesaji wa wanawake na vijana. Vile vile, utasaidia katika Mkakati wa Taifa wa upandaji miti, uhifadhi wa mazingira ili kuimarisha ustawi wa misitu na kupunguza athari za mabadiliko ya tabianchi. Mradi huu unatekelezwa kwa fedha za Washirika wa Maendeleo na kwa mwaka 2024/2025, umepangiwa kiasi cha TZS 11.12 bilioni.

### ***Shughuli Zilizopangwa Kutekelezwa***

- i. Kufanya ukatabati na matengenezo ya visima, mifumo ya maji, vituo vya afya, skuli na masoko katika Mkoa wa Kusini na Kaskazini Pemba;
- ii. Ujenzi wa kituo cha kusarifu taka na kujenga uwezo kwa vikundi vinavyojishughulisha na ukusanyaji wa taka taka katika jamii;
- iii. Ujenzi wa miundombinu ya kuvuna maji ya mvua;
- iv. Kuimarisha upatikanaji wa huduma ya maji na vyoo kwenye vituo vya afya na skuli;
- v. Kutoa mafunzo juu ya usimamizi wa maji, usarifu wa taka na kuzitumia katika njia mbadala pamoja na kuwapatia mafunzo vijana na wanawake juu ya upatikanaji wa masoko kwa bidhaa wanazozalisha;
- vi. Kufanya kampeni za uhamasishaji wa matumizi ya maji safi na usafi wa mazingira katika jamii;
- vii. Kufanya ukarabati wa viwanja vya michezo na maeneo ya wazi ya jamii;



- viii. Kuongeza uwezo wa kutumia rasilimali ya misitu ili kutunza mazingira ya kijani;
- ix. Kuandaa ramani ya kijiditali itakayoonesha mipaka halisi ya maeneo;
- x. Kufanya utafiti juu ya athari za kimazingira, masoko na uwezo wa kiuchumi wa vikundi vya wanawake na vijana; na
- xi. Kuwajengea uwezo watoa huduma katika Taasisi za umma juu ya masuala ya utawala, usimamizi na uendeshaji.

### **8.5.1 Wakala wa Usajili wa Matukio ya Kijamii Zanzibar**

Wakala wa Usajili wa Matukio ya Kijamii Zanzibar ina jukumu la kutoa huduma za usajili wa matukio ya kijamii zenye viwango kwa wananchi na wageni wanaoishi Zanzibar. Ofisi imepanga kuimarisha usimamizi na udhibiti wa matukio ya kijamii kwa kuzingatia Sheria, Kanuni na taratibu zilizopo. Kwa mwaka wa fedha 2024/2025, Ofisi imepanga kutekeleza mradi mmoja wa maendeleo utakaogharimu kiasi cha TZS 1.90 bilioni zinazotarajiwa kutolewa na Serikali.

#### ***Mradi wa Kuimarisha Mfumo wa Usajili***

Mradi una lengo la kuimarisha mifumo ya usajili wa matukio muhimu ya binadamu kama vile vizazi, vifo, ndoa, talaka na vitambulisho vya Mzanzibari Mkaazi. Vile vile, kuimarisha ubora wa takwimu za matukio ya kijamii, na kuchangia katika maendeleo ya kiuchumi, kijamii na kisiasa nchini. Mradi huu unatekelezwa kwa fedha za Serikali ambapo kwa mwaka 2024/2025, umepangiwa kiasi cha TZS 1.90 bilioni.

#### ***Shughuli Zilizopangwa Kutekelezwa***

- i. Kuingiza kumbukumbu kwenye mfumo wa usajili;
- ii. Kuimarisha mfumo wa vitambulisho vya Mzanzibari Mkaazi;
- iii. Kuimarisha mfumo wa usajili wa matukio ya kijamii na takwimu muhimu “Civil Registration Vital Statistic”;
- iv. Kuweka mifumo ya kiusalama;
- v. Kununua malighafi za kuchapishia vitambulisho vya Mzanzibari Mkaazi; na
- vi. Kununua vifaa vya kielektroniki zikiwemo “computer” na mashine ya kuchapisha Vitambulisho.

### **8.5.2 Kikosi Maalum cha Kuzuia Magendo (KMKM)**

Kikosi Maalum cha Kuzuia Magendo kina lengo la kulinda usalama wa bahari na kuhakikisha kuwa Zanzibar inabaki salama na imara katika maeneo ya bahari ikiwa ni pamoja na kuzuia magendo na kupambana na uhalifu unaofanywa kupitia baharini. Kwa mwaka 2024/2025, Kikosi kimepanga kutekeleza miradi miwili ya maendeleo itakayogharimu jumla ya TZS 5.11 bilioni kutoka Serikalini.

#### ***Mradi wa Ujenzi na Ukarabati wa Kambi na Nyumba za KMKM***

Mradi una lengo la kutekeleza azma ya Serikali ya kuwawekea wafanyakazi wa Idara Maalum za SMZ kuwa na mazingira bora ya kazi na makazi yao. Mradi unatekelezwa kwa fedha za Serikali pekee na kwa mwaka 2024/2025, umetengewa kiasi cha TZS 2.65 bilioni.

#### ***Shughuli Zilizopangwa Kutekelezwa***

- i. Umalizaji wa kambi ya Kojani, Fundo na Kisiwapanza - Pemba; na
- ii. Ununuzi wa samani.

#### ***Mradi wa Uzamiaji na Uokozi***

Mradi una lengo la kuimarisha huduma za uzamiaji na uokozi pale yanapotokezea maafa ya baharini yanayosababishwa na majanga ya kuzama kwa vyombo vya abiria, mizigo na vyombo vyengine vya usafiri wa baharini kwa Unguja na Pemba. Mradi unatekelezwa kupitia fedha za Serikali pekee na kwa mwaka 2024/2025 umepangiwa jumla ya TZS 2.46 bilioni.

#### ***Shughuli Zilizopangwa Kutekelezwa***

- i. Kuvipeleka vyombo viwili (2) vikubwa chelezoni Mombasa; na
- ii. Ununuzi wa vipuri vya boti za KMKM.

### **8.5.2 Kikosi cha Valantia**

Kikosi kina lengo la kudumisha amani, ulinzi na usalama katika Mikoa, Wilaya na Shehia. Kutoa huduma ya ulinzi kwa kushirikiana na Serikali ya Jamhuri ya Muungano wa Tanzania na Taasisi nyengine za ulinzi na usalama za Serikali ya Mapinduzi ya Zanzibar.

### ***Mradi wa Ujenzi wa Nyumba na Mahanga ya Maaskari***

Mradi unatekeleza azma ya Serikali ya kuwa na Idara Maalum za SMZ zenye majengo mazuri yatakayoimarisha utendaji wa kazi kwa wafanyakazi wake. Kwa mwaka 2024/2025, umepangiwa jumla ya TZS 8.72 bilioni kutoka Serikalini.

### ***Shughuli Zilizopangwa Kutekelezwa***

- i. Ujenzi wa mahanga mawili pamoja na uzio katika kambi ya Micheweni Pemba;
- ii. Kuendelea na ujenzi wa mahanga ishirini na moja katika chuo cha kijeshi cha Pangatupu;
- iii. Kuanza ujenzi wa kituo cha afya pamoja na uzio katika kambi ya Ndugukitu Pemba;
- iv. Kuanza ujenzi wa Ofisi na mahanga mawili katika Kambi ya Kiashange Unguja;
- v. Ujenzi wa kituo cha afya katika kambi ya Makao Makuu Mtoni;
- vi. Kuanza ujenzi wa hanga moja katika kambi ya Kikungwi;
- vii. Kuendelea na ukarabati wa majengo ya kambi ya Mwanyanya kwa Unguja na Micheweni, Ndugukitu na Pujini kwa Pemba;
- viii. Ujenzi wa Ofisi moja, hanga moja na nyumba ya Mkuu wa kambi katika kambi ya Pujini Pemba; na
- ix. Ununuzi wa samani.

### **8.5.3 Chuo cha Mafunzo**

Chuo cha Mafunzo kina lengo la kurekebisha tabia pamoja na kutoa huduma za ushauri nasaha kwa wanafunzi wa chuo wanapoingia na kutoka gerezani. Kutoa huduma zenye kuzingatia haki, kuongeza ubunifu katika urekebishaji wa tabia kwa kubuni programu zitakazoweza kuwasaidia wanafunzi kujiendeleza na kujitegemea wanaporejea katika jamii. Kwa mwaka 2024/2025, Kikosi kimepangiwa kiasi cha TZS 2.55 bilioni kutoka Serikalini kwa kutekeleza mradi mmoja wa maendeleo.

### ***Mradi wa Ujenzi wa Nyumba za Makaazi na Mahanga***

Mradi unatekeleza azma ya Serikali ya kuhakikisha watendaji wa Idara Maalum za SMZ wanafanya kazi zao katika mazingira mazuri. Kwa mwaka 2024/2025, mradi umepangiwa jumla ya TZS 2.55 bilioni kutoka Serikalini.

### ***Shughuli Zilizopangwa Kutekelezwa***

- i. Kuanza ujenzi wa nyumba tisa za wafanyakazi wa kambi ya Hanyegwamchana;
- ii. Kuanza ujenzi wa hanga jipya katika kambi ya Bumbwini; na
- iii. Ununuzi wa vifaa vya TEHAMA kwa jengo la Ofisi ya Makao Makuu - Unguja.

### **8.5.4 Jeshi la Kujenga Uchumi (JKU)**

Jeshi lina lengo la kuwafundisha vijana wa Zanzibar kulihudumia Taifa lao kwa kuwapatia mafunzo ya msingi ya kujiendeleza katika shughuli za kilimo, viwanda, uvuvi, ufundi na kazi za amali. Kuwafunza elimu ya uraia, kushiriki katika shughuli za maendeleo ya kijamii, utamaduni, pamoja na ulinzi wa Taifa kwa ujumla. Kwa mwaka 2024/2025 Kikosi kimepangiwa kutekeleza miradi miwili ya maendeleo itakayogharimu jumla ya TZS 3.14 bilioni kutoka Serikalini.

### ***Mradi wa Ujenzi wa Nyumba na Mahanga ya Kambi za JKU***

Mradi una azma ya kuweka mazingira mazuri kwa Idara Maalum za SMZ kwa kuwapatia majengo yenye viwango vinavyohitajika ili kuimarisha utendaji wa kazi kwa wafanyakazi wake. Kwa mwaka 2024/2025, mradi umepangiwa jumla ya TZS 1.64 bilioni kutoka Serikalini.

### ***Shughuli Iliyopangwa Kutekelezwa***

- Kuanza na ujenzi wa hanga moja (1) la ghorofa mbili kwa ajili ya askari katika kambi ya Wawi – Pemba.

### ***Mradi wa Ujenzi wa Dakhalia***

Lengo la Mradi ni kuwapatia wanafunzi malazi ili kuepusha usumbufu wa kwenda na kurudi masafa ya mbali, kuwasaidia wanafunzi kwa kuwaweka pamoja na kuweza kujisomea. Uwepo wa dakhalia hii utasaidia kuleta mafanikio mazuri kwa wanafunzi na kuongeza ufaulu. Kwa mwaka 2024/2025, mradi umepangiwa jumla ya TZS 1.50 bilioni.

### ***Shughuli Iliyopangwa Kutekelezwa***

- Kuanza ujenzi wa jengo la ghorofa nne (4) katika kambi ya Mtoni.

### **8.5.5 Kikosi cha Zimamoto na Uokozi**

Kikosi kina jukumu la kusimamia na kuhakikisha kuwa huduma za zimamoto na uokozi zinapatikana katika maeneo mbali mbali ili kutoa huduma za dharura kwa wananchi itakapohitaji ikiwemo bandarini na viwanja vya ndege Unguja na Pemba. Kwa mwaka 2024/2025, Kikosi hiki kimepanga kutekeleza miradi miwili ya maendeleo itakayogharimu jumla ya TZS 35.36 bilioni.

#### ***Mradi wa Ujenzi wa Mahanga na Nyumba za Maaskari***

Mradi ulianzishwa kwa lengo la kuimarisha huduma ya makazi kwa watendaji wa Idara Maalum za SMZ. Ujenzi wa mahanga unatarajiwa kuongeza ufanisi katika utekelezaji wa majukumu yao. Kwa mwaka 2024/2025, mradi umepangiwa jumla ya TZS 7.73 bilioni kutoka Serikalini.

#### ***Shughuli Zilizopangwa Kutekelezwa***

- i. Kuanza ujenzi wa vituo na mahanga ya askari katika kambi ya Kibuteni, Bwejuu, Mangapwani, Tumbatu kwa Unguja na Finya na Shamiani Muambe kwa Pemba;
- ii. Kuanza ujenzi wa nyumba za askari kambi ya Tasini Pemba ;
- iii. Kuanza ujenzi wa Ofisi ya zoni kambi ya Mwanakwerekwe Unguja na Ofisi Kuu kambi ya Chanjaani Pemba; na
- iv. Ukarabati wa vituo vya Zimamoto katika kambi ya Kigunda, Marumbi, Kitogani kwa Unguja na ukarabati wa mahanga mawili kambi ya Chanjaani Pemba.

#### ***Mradi wa Ununuzi wa Magari na Vifaa vya Kuzimia Moto***

Mradi una lengo la kukabiliana na maafa yanayosababishwa na majanga ya moto kwa wananchi na mali zao. Majanga pia yanayotokana na meli za abiria na mizigo na vyombo vyengine vya usafiri wa baharini na nchi kavu. Kwa mwaka 2024/2025, mradi umepangiwa jumla ya TZS 29.64 (TZS 2.50 bilioni kutoka Serikalini na TZS 27.14 kutoka kwa Washirika wa Maendeleo).

#### ***Shughuli Iliyopangwa Kutekelezwa kwa Fedha za Serikali***

- Ununuzi wa gari za utoaji huduma ya uokozi na uzimaji moto.

## ***Shughuli Zilizopangwa Kutekelezwa kwa Fedha za Washirika wa Maendeleo***

- i. Ununuzi wa magari 21 ya utoaji huduma za uokozi na uzimaji moto;
- ii. Ununuzi wa boti ya uokozi;
- iii. Ununuzi wa vifaa vya uzimaji na uokozi; na
- iv. Kutoa mafunzo kwa wapiganaji.

### **8.6 Ofisi ya Makamu wa Kwanza wa Rais**

Ofisi imepewa dhamana ya kuratibu na kusimamia shughuli za sekta mtambuka zikiwemo Mazingira, Ukimwi, watu wenye mahitaji maalum na udhibiti wa madawa ya kulevya. Kwa mwaka wa fedha 2024/2025, Ofisi imepanga kutekeleza miradi minne (4) ambayo itagharimu jumla ya TZ 4.05 bilioni (TZS 3.50 bilioni kutoka Serikalini na TZS 547.08 milioni kutoka Washiriki wa Maendeleo).

### ***Mradi wa Kukabiliana na Mabadiliko ya Tabianchi na Usimamizi wa Mazingira***

Mradi umeanzishwa kwa lengo la kutathmini na kusaidia kupunguza athari za maeneo yaliyo hatarini kutokana na mabadiliko ya tabianchi na kuchukua hatua mahsusi ikiwa ni pamoja na kuhimili mabadiliko ya tabianchi katika ukanda wa pwani, kujenga uwezo kwa wakulima wadogo wadogo jinsi ya kukabiliana na athari za mabadiliko ya tabianchi kwa njia za vitendo na ubunifu ambazo zinataraajiwa kuwa na matokeo yenye tija. Kwa mwaka 2024/2025 mradi umepangiwa jumla ya TZS 500.00 milioni kutoka Serikalini.

### ***Shughuli Iliyopangwa Kutekelezwa***

- Ujenzi wa ukuta eneo la Kisiwa Panza Pemba.

### ***Mpango wa Kuirithisha Zanzibar Kijani***

Mpango umeanzishwa kwa lengo la kuimarisha hali ya uoto wa asili wa Zanzibar, kukabiliana na athari za mabadiliko ya tabianchi kwa kupanda, kuendeleza na kutunza miti ya misitu, matunda na mikoko kwa faida endelevu ya kimazingira, kiuchumi, kijami na uhimili wa mabadiliko ya tabianchi. Kwa mwaka 2024/2025 mradi umepangiwa jumla ya TZS 1.50 bilioni kutoka Serikalini.

### ***Shughuli Zilizopangwa Kutekelezwa***

- i. Ununuzi wa miche milioni tatu na upandaji wa miti eneo la Donge, Chaani Masingini kwa Unguja na Pujini kwa Pemba na maeneo mengine yaliyoathirika na uchimbaji wa michanga na mawe;
- ii. Ujenzi wa vitalu kumi na tisa katika maeneo ya Serikali na maeneo thalathini na tisa ya Asasi za Kiraia na Binafsi; na
- iii. Uchimbaji wa visima vitatu katika eneo la Donge Muanda, Chaani kwa Unguja na Pujini kwa Pemba.

### ***Mradi wa Ujenzi wa Nyumba za Makamu wa Kwanza wa Rais***

Mradi umeanzishwa kwa lengo la kuimarisha mazingira ya makaazi kwa Mheshimiwa Makamu wa Kwanza wa Rais na familia yake, ili kuendana na hadhi inayostahiki. Kwa mwaka 2024/2025, mradi umepangiwa jumla ya TZS 1.50 bilioni kutoka Serikalini.

### ***Shughuli Zilizopangwa Kutekelezwa***

- i. Kuanza ujenzi wa nyumba ya Mheshimiwa Makamo wa Kwanza wa Rais Unguja; na
- ii. Ununuzi wa vifaa na samani.

### ***Mradi wa Kuimarisha Uhimili wa Mabadiliko ya Tabianchi kwa Jamii ya Pwani***

Lengo la Mradi ni kujenga uwezo wa wakulima wadogo wadogo kukabiliana na athari za mabadiliko ya tabianchi kwa njia za vitendo na ubunifu ambazo zinatarajiwa kuwa na matokeo yenye tija. Mradi unatekelezwa kwa pamoja baina ya Ofisi ya Makamo wa Kwanza wa Rais na Wizara ya Kilimo, Umwagiliaji, Maliasili na Mifugo. Mradi huu unatekelezwa kwa fedha za Washirika wa Maendeleo kutoka Mfuko wa Kuhimili Mabadiliko ya Tabianchi. Kwa mwaka 2024/2025, mradi umepangiwa jumla ya TZS 547.00 milioni.

### ***Shughuli Zilizopangwa Kutekelezwa***

- i. Kutoa mafunzo kwa vikundi vya kijamii juu ya kukabiliana na mabadiliko ya tabianchi na kujiweka katika hali ya utayari;
- ii. Kusaidia shughuli za kiuchumi na kijamii;
- iii. Ujenzi wa kitalu nyumba (greenhouse) katika eneo la Tovuni na



- kuanza hatua ya ujenzi wa kitalu eneo la Mafufuni;
- iv. Kukamilisha ujenzi wa tuta la Kiongwe kidogo (mita 500) ili kuzuia uingiaji wa maji chumvi katika mashamba pamoja na ujenzi wa fensi ya bwawa la maji la Mafufuni;
  - v. Kutoa mafunzo ya utumiaji na matengenezo ya mfumo wa umwagiliaji maji kwa viongozi wa Jumuiya ya umwagiliaji Bumbwini na Tovuni;
  - vi. Kutoa taarifa za matokeo ya shughuli za mradi kupitia utayarishaji wa video (documentary); na
  - vii. Kupanda miti ikiwemo Mikoko kwa ajili ya kurejesha maeneo yaliyoathirika.

### **8.6.1 Mamlaka ya Kudhibiti na Kupambana na Madawa ya Kulevya**

Mamlaka ina dhamana ya kusimamia mapambano dhidi ya biashara, usafirishaji na matumizi ya dawa za kulevya, kutoa taaluma kwa jamii juu ya athari za dawa za kulevya, kutoa tiba pamoja na ushauri nasaha kwa waathirika wa dawa za kulevya. Kwa mwaka wa fedha 2024/2025, Mamlaka imepanga kutekeleza mradi mmoja utakaogharimu jumla ya TZS 2.55 bilioni kutoka Serikalini.

#### ***Mradi wa Kuimarisha Mamlaka ya Kupambana na Madawa ya Kulevya***

Mradi wa Ujenzi wa Kituo Awamu ya pili (II) una lengo la kuimarisha kituo cha matibabu na kurekebisha tabia kwa watumiaji wa dawa za kulevya. Mradi unatekelezwa kwa fedha za Serikali, kwa mwaka 2024/2025 mradi umepangiwa kiasi cha TZS 2.55 bilioni.

#### ***Shughuli Zilizopangwa Kutekelezwa***

- i. Kukamilisha malipo ya ujenzi wa Kituo cha Tiba na Marekebisho ya Tabia Kidimni; na
- ii. Kuanza ujenzi wa Kituo cha Tiba na Marekebisho ya Tabia Pemba.

### **8.7 Ofisi ya Makamu wa Pili wa Rais - Sera, Uratibu na Baraza la Wawakilishi**

Ofisi ina dhamana ya kusimamia, kuratibu na kufuatilia shughuli za Serikali ya Mapinduzi ya Zanzibar, ikiwa ni pamoja na kusimamia shughuli za Muungano (Zanzibar na Tanzania bara) kwa mujibu wa misingi ya Katiba



na Sheria na kulinda haki za binadamu na ushirikishwaji kwa sekta husika. Kwa mwaka wa fedha 2024/2025, Ofisi imepanga kutekeleza programu moja na miradi miwili itakayogharimu jumla ya TZS 35.37 bilioni (TZS 5.15 bilioni kutoka Serikalini na TZS 30.22 bilioni kutoka Washirika wa Maendeleo).

### ***Mpango wa Kunusuru Kaya Masikini Awamu ya Tatu (TASAF III) Kipindi cha Pili***

Programu inatekelezwa kwa lengo la kuziwezesha Kaya masikini ili waweze kuongeza kipato vyao, fursa na uwezo wa kugharamia mahitaji muhimu ya kibinadamu hasa chakula, afya na elimu. Programu hii inakusudia kutekeleza miradi iliyoibuliwa na wananchi katika maeneo ya elimu, afya, ufugaji na kupatikana kwa ajira za muda. Kwa mwaka 2024/2025 programu hii imepangiwa kiasi cha TZS 30.32 bilioni (TZS 100.00 milioni kutoka Serikalini na TZS 30.22 bilioni kutoka kwa Washirika wa Maendeleo)

### ***Shughuli Zilizopangwa Kutekelezwa kwa Fedha za Serikali***

- i. Kuratibu shughuli za TASAF baina ya Unguja, Pemba na Tanzania bara;
- ii. Kufanya ufuatiliaji na tathmini wa mradi wa TASAF; na
- iii. Kuandaa mikutano ya Kamati ya Uongozi na Kamati ya Wataalamu.

### ***Shughuli Zilizopangwa Kutekelezwa kwa Fedha za Washirika wa Maendeleo***

- i. Kufanya malipo kwa Kaya za walengwa wanufaika na mradi wa TASAF III;
- ii. Kufanya malipo kwa miradi ya kutoa ajira za muda kwa Wanufaika wa TASAF III;
- iii. Kuendelea na Mpango wa kuweka Akiba na Kukuza Uchumi wa Kaya; na
- iv. Utekelezaji wa miradi ya ujenzi na miundombinu.

### ***Mradi wa ujenzi wa Nyumba za Makamu wa Pili wa Rais***

Mradi umeanzishwa kwa lengo la kuimarisha na kuweka mazingira mazuri ya makaazi ya Mheshimiwa Makamo wa Pili wa Rais ili kuendana na hadhi inayostahiki. Kwa mwaka 2024/2025, mradi umepangiwa jumla ya TZS 4.50 bilioni.

### ***Shughuli Zilizopangwa Kutekelezwa.***

- i. Kuanza hatua ya ununuzi kwa kupata Mkandarasi na Mshauri elekezi wa mradi; na
- ii. Kuanza kazi za ujenzi wa nyumba ya Mheshimiwa Makamu wa Pili wa Rais katika eneo la Kibirinzi Pemba.

### ***Mradi wa Ukarabati wa Ofisi ya Uratibu Dar-es-salaam***

Lengo la Mradi ni kuimarisha na kuweka mazingira mazuri ya utendaji kazi kwa Mheshimiwa Makamu wa Pili wa Rais na wafanyakazi wake katika jengo la Ofisi lililopo Dar-es-Salaam. Kwa mwaka 2024/2025, mradi umepangiwa jumla ya TZS 550.00 milioni kutoka Serikalini.

### ***Shughuli Zilizopangwa Kutekelezwa.***

- i. Kufanya ukarabati wa majengo ya Ofisi ya zamani; na
- ii. Kuanza shughuli za ujenzi kwa maeneo mapya ya Ofisi ya Uratibu Dar-es-Salaam.

## **8.8 Wizara ya Afya**

Wizara ina jukumu la kusimamia afya za wananchi wa Zanzibar ili waweze kushiriki katika shughuli za ujenzi wa Taifa na kuleta maendeleo endelevu. Sekta hii inatekeleza ujenzi wa miundombinu na mifumo ya utowaji wa huduma za afya pamoja na kuimarisha uwezo wa sekta katika utoaji wa huduma za afya zilizobora kwa wananchi. Kwa mwaka wa fedha 2024/2025, Wizara imepanga kutekeleza programu saba na miradi miwili ya maendeleo yenye jumla ya TZS 129.12 bilioni (TZS 73.00 bilioni kutoka Serikalini na TZS 56.11 bilioni kwa Washirika wa Maendeleo).

### ***Programu ya Kumaliza Malaria Zanzibar***

Programu ina lengo la kutokomeza maradhi ya malaria kwa kuhakikisha kwamba maradhi yanamalizika kabisa hapa Zanzibar. Aidha, programu inatekelezwa kwa mashirikiano baina ya Serikali na Washirika wa Maendeleo. Kwa mwaka 2024/2025 programu imepangiwa jumla ya TZS 7.93 bilioni (TZS 645.00 milioni kutoka Serikalini na TZS 7.29 bilioni kutoka kwa Washirika wa Maendeleo).

### ***Shughuli Zilizopangwa Kutekelezwa***

- i. Uchunguzi na utibabu wa ugonjwa wa malaria;
- ii. Upigaji dawa kwenye maeneo yenye maambukizi;
- iii. Ufuatiliaji wa mwenendo wa ugonjwa wa malaria;
- iv. Kufanya ufuatiliaji kwenye maeneo ya utoaji wa huduma;
- v. Kukusanya sampuli; na
- vi. Ununuzi wa dawa.

### ***Programu Shirikishi ya UKIMWI, Homa ya Ini, Kifua Kikuu na Ukoma***

Lengo la Programu ni kupambana na maradhi ya Ukimwi, Homa ya Ini, Kifua Kikuu na Ukoma, kupunguza kasi ya maambukizi ya virusi vya Ukimwi, kupunguza vifo vitokanavyo na maradhi ya Kifua Kikuu, Homa ya Ini na kupunguza maambukizi ya ukoma. Programu inatekelezwa kwa mashirikiano baina ya Serikali na Washirika wa Maendeleo. Kwa mwaka 2024/2025 programu imepangiwa jumla ya TZS 4.45 bilioni (TZS 380.00 milioni kutoka Serikalini na TZS 4.06 bilioni kutoka kwa Washirika wa Maendeleo).

### ***Shughuli Zilizopangwa Kutekelezwa***

- i. Kuendelea kuimarisha huduma za “Care Treatment Clinic” (CTC) kwa watu wanaoishi na virusi vya Ukimwi (VVU);
- ii. Kuendelea kupima VVU, Kifua Kikuu na Homa ya Ini kwa makundi yote katika jamii;
- iii. Kufanya ufuatiliaji wa utoaji wa huduma za CTC, Kifua Kikuu na Ukoma kwenye vituo vinavyotoa huduma Unguja na Pemba; na
- iv. Kuendelea kutoa mafunzo kwa watoa huduma ili kutoa huduma zenye kukidhi viwango vya ubora.

### ***Programu Shirikishi ya Afya ya Uzazi, Mama na Mtoto***

Lengo la Programu ni kupunguza vifo vitokanavyo na uzazi pamoja na vifo vya watoto walio chini ya umri wa miaka mitano. Programu inatekelezwa kwa mashirikiano baina ya Serikali na Washirika wa Maendeleo. Kwa mwaka 2024/2025 programu imepangiwa jumla ya TZS 6.19 bilioni (TZS 1.0 bilioni kutoka Serikalini na TZS 5.19 bilioni kutoka kwa Washirika wa Maendeleo).

### ***Shughuli Zilizopangwa Kutekelezwa***

- i. Kuendelea kutoa mafunzo kwa watoa huduma wa hospitali na vituo vya afya vinavyotoa huduma za kuzalisha;
- ii. Ununuzi wa chanjo, dawa na vifaa tiba;
- iii. Kufanya ufuatiliaji wa utoaji wa huduma katika vituo na hospitali zinazotoa huduma za afya ya mama na mtoto; na
- iv. Kuendelea kufanya uhamasishaji na kutoa elimu ya afya kwa jamii juu ya masuala ya mama na mtoto.

### ***Programu ya Jamii ni Afya***

Programu ina lengo la kuimarisha upatikanaji wa huduma za afya ili ziwe karibu na wananchi kwa kuwapelekea wahudumu wa afya katika ngazi ya Shehia waweze kusaidia kutoa huduma za awali wanapopata matatizo ya kiafya katika jamii. Kwa mwaka 2024/2025 programu imepanga kutumia jumla ya TZS 1.50 bilioni kutoka serikalini

### ***Shughuli Zilizopangwa Kutekelezwa***

- i. Kuwezesha wahudumu wa afya katika ngazi ya Jamii kutekeleza majukumu yao; na
- ii. Kuwajengea uwezo wahudumu wa afya katika ngazi ya Jamii.

### ***Programu ya Ukarabati na Ujenzi wa Vituo vya Afya ya Msingi***

Lengo la Programu ni kuimarisha afya ya msingi kwa kuimarisha miundombinu ya vituo vya afya ya msingi ili viweze kutoa huduma za afya ya msingi zenye kiwango na kuimarisha afya ya jamii. Kwa mwaka 2024/2025 programu imepangiwa jumla ya TZS 35.00 bilioni.

### ***Shughuli Iliyopangwa Kutekelezwa***

- Ujenzi wa vituo vya afya (health care center) kumi (10).

### ***Ujenzi wa Nyumba za Wafanyakazi katika Hospitali za Wilaya***

Lengo la Programu hii ni kuimarisha makaazi kwa wafanyakazi ili waweze kufanya kazi kwa utulivu zaidi, kuongeza ufanisi na kupatikana muda wote itakapotokea dharura. Kwa mwaka 2024/2025 programu imepangiwa jumla ya TZS 6.48 bilioni kutoka Serikalini.

### ***Shughuli Iliyopangwa Kutekelezwa***

- Kuendelea na ujenzi wa nyumba za wafanyakazi katika Hospitali ya Pangatupu, Kitogani, Mwera Pongwe, Vitongoji na Kinyasini.

### ***Programu ya Kuimarisha Miundombinu ya Afya***

Programu ina lengo la kuimarisha miundombinu itakayosaidia katika utoaji wa huduma za afya zenye ubora na viwango vinavyokubalika Kitaifa na Kimataifa. Kwa mwaka 2024/2025 programu imepangiwa kutumia jumla ya TZS 27.50 bilioni kutoka Serikalini.

### ***Shughuli Zilizopangwa Kutekelezwa***

- i. Ujenzi wa Bohari Kuu ya Dawa – Unguja;
- ii. Ujenzi wa Hospitali ya Mkoa wa Kaskazini Unguja (Mahonda); na
- iii. Kuanza ujenzi wa Ofisi ya Wizara ya Afya Pemba.

### ***Programu ya Kusaidia Watu Wasiojiweza Kujiunga na Mfuko wa Huduma za Afya – Zanzibar***

Lengo la Programu ni kuwasaidia wananchi wasiojiweza na makundi maalumu ikiwemo wazee kuanzia miaka 65, mama wajawazito, watoto chini ya umri wa miaka 5 na masikini, ili waweze kupata huduma za afya kupitia Mfuko wa Huduma za Afya ya Zanzibar kuhakikisha kuwa hakuna mwananchi anayekosa huduma za afya anapohitajia. Kwa mwaka 2024/2025, Programu imepangiwa jumla ya TZS 500.00 milioni kutoka Serikalini.

### ***Shughuli Iliyopangwa Kutekelezwa***

- Kutoa huduma za afya kwa watu wasiojiweza na makundi maalumu kwenye jamii.

### ***Mradi wa Ukarabati na Utanuzi wa Hospitali ya Mnazi Mmoja.***

Mradi huu una lengo la kuimarisha huduma katika hospitali ya Mnazi Mmoja kwa kuimarisha miundombinu ya utoaji wa huduma za afya na ununuzi wa vifaa tiba vya kisasa. Kupitia mradi huu Serikali imepanga kufanya ukarabati mkubwa katika hospitali ya Mnazi Mmoja ili kuiwezesha kutoa huduma nzuri na zenye kukidhi mahitaji. Kwa mwaka 2024/2025, Mradi umepangiwa kutumia jumla ya TZS 23.00 bilioni (TZS 2.00 kutoka Serikalini na TZS 21.00 bilioni kwa Washirika wa Maendeleo).

### ***Shughuli Iliyopangwa Kutekelezwa kwa Fedha za Serikali***

- Ununuzi wa vifaa tiba kwa ajili ya Hospitali ya Mnazi Mmoja.

### ***Shughuli Zilizopangwa Kutekelezwa kwa Fedha za Washirika wa Maendeleo***

- i. Ukarabati na utanuzi wa majengo ya Hospitali ya Mnazi Mmoja; na
- ii. Malipo ya Mshauri elekezi wa mradi.

### ***Mradi wa Ujenzi wa Hospitali ya Rufaa – Binguni***

Mradi una lengo la kuimarisha huduma za Afya kwa wananchi wa Zanzibar na wageni kutoka katika nchi mbali mbali ikiwemo watalii wanaotembelea Zanzibar. Mradi utahusisha ujenzi wa Hospital ya kisasa itakayoweza kutoa huduma za kitaalamu ambazo zitapunguza usafirishaji wa wagonjwa nje ya nchi, Mradi unatarajiwa kujengwa kupitia mkopo nafuu wa Jamhuri ya Muungano wa Tanzania na Serikali ya Jamhuri ya Watu wa Korea. Hadi kufikia Machi 2024, hatua zilizokamilika ni pamoja na upembuzi yakinifu na utiaji wa saina baina ya Serikali ya Jamuhuri ya Muungano wa Tanzania na Serikali ya watu wa Korea tayari kwa kupata mkopo huo na kuanza ujenzi unaotarajiwa kuanza mwaka 2024/25 na kukamilika 2026/27. Kwa mwaka 2024/2025 mradi unatarajiwa kutumia Jumla ya TZS 30.57 bilioni.

### ***Shughuli zilizopangwa kutekelezwa***

- i. Kuanza hatua za awali za ujenzi ikiwemo kufanya tathmini ya michoro na tathmini za mradi,
- ii. Usafishaji na uwekaji sawa wa eneo la ujenzi, na
- iii. Kuanza ujenzi wa Hospitali kwa awamu ya kwanza.

## **8.9 Wizara ya Ardhi na Maendeleo ya Makaazi**

Mipango mizuri ya matumizi ya ardhi itasaidia kugawanya matumzi ya ardhi kulingana na shughuli mbalimbali zinazoendelea kutekelezwa nchini, ikiwemo uwekezaji, michezo, biashara, viwanda, kilimo na makaazi. Wizara ya Ardhi na Maendeleo ya Makaazi ina jukumu la kusimamia upangaji na matumizi bora ya rasilimali ardhi kupitia programu mbali mbali. Wizara hutumia wadau wakiwemo Shirika la Nyumba, Mabenki na Mifuko ya Hifadhi ya Jamii ili kurahisisha upatikanaji wa makaazi yaliyobora na ya

kisasa. Kwa mwaka wa fedha 2024/2025, Wizara hii imepanga kutekeleza miradi miwili ya maendeleo itakayogharimu kiasi cha TZS 45.00 bilioni kutoka Serikalini.

### ***Mradi wa Ujenzi wa Nyumba za Maendeleo***

Mradi huu una lengo la kuweka mazingira mazuri ya makaazi kwa wananchi pamoja na kuweka haiba nzuri katika mandhari ya mji wa Zanzibar. Mradi unakusudia kuwapatia wananchi wa Zanzibar makaazi yaliyobora na kwa gharama nafuu. Kwa mwaka 2024/2025, mradi huu umepangiwa jumla ya TZS 40.00 bilioni kutoka Serikalini.

### ***Shughuli Iliyopangwa Kutekelezwa***

- Kuanza ujenzi wa nyumba za gharama nafuu 1,000 katika eneo la Chumbuni.

## **8.10 Wizara ya Biashara na Maendeleo ya Viwanda**

Wizara ina lengo la kukuza viwanda vidogo na vya kati sambamba na kuimarisha mazingira ya ufanyaji biashara, kwa lengo la kuleta maendeleo kijamii na kiuchumi nchini. Kwa mwaka wa fedha 2024/2025, Wizara itatekeleza programu moja (1) na mradi mmoja (1) wa maendeleo kwa gharama ya TZS 50.32 bilioni kutoka Serikalini.

### ***Mradi wa Kuendeleza Vituo vya Biashara na Maonyesho Zanzibar***

Mradi una lengo la kutoa huduma za kuimarisha sekta ya biashara na viwanda kwa kutoa msaada kwa wafanyabiashara wadogo wadogo na wa kati. Kwa mwaka 2024/2025, mradi umepangiwa jumla ya TZS 10.00 bilioni kutoka Serikalini.

### ***Shughuli Zilizopangwa Kutekelezwa***

- i. Kuendelea na ujenzi wa jengo la utawala, vibaraza vya kuweka mashamiana na eneo la kuhifadhia vifaa vya maonyesho pamoja na kuimarisha ukumbi wa Mikutano wa Dkt. Hussein Mwinyi katika eneo la Nyamanzi;
- ii. Kuimarisha mifumo ya umeme katika kituo cha maonyesho pamoja na kuweka mfumo wa umeme wa jua;
- iii. Kuimarisha ulinzi kwa kuweka senyenge, kufunga kamera za CCTV na scanner pamoja na kuweka mfumo wa mawasiliano ya mtandao wa “internet”;



- iv. Kuweka miundombinu ya maji ikiwemo uchimbaji wa visima katika eneo la maonyesho;
- v. Kuimarisha mfumo wa usajili wa washiriki, ukataji tiketi, utayarishaji wa vitambulisho na maegesho ya vyombo vya moto; na
- vi. Kuimarisha mfumo wa maji machafu na kujenga eneo la kuhifadhi taka.

### ***Mradi wa kuanzisha na kuendeleza Maeneo Maalum ya Viwanda (Industrial Park)***

Lengo la Mradi ni kuimarisha maeneo tengefu ya viwanda ili kurahisisha viwanda vidogo vidogo na vya kati ili viwe katika maeneo maalum yatakayosaidia kukuza uchumi na kutoa ajira kwa wajasiriamali. Kwa mwaka 2024/2025 mradi huu umepangiwa kiasi cha TZS 40.32 bilioni kutoka Serikalini.

### ***Shughuli Zilizopangwa Kutekelezwa***

- i. Ujenzi wa ukuta wa uzio na mabanda ya viwanda (Industrial Shed steel-fabricated) katika eneo la Dunga na Chamanangwe;
- ii. Kuandaa Mpango Mkuu wa Matumizi ya Ardhi, Upembuzi Yakunifu pamoja na “topographic survey” katika eneo la Pangatupu;
- iii. Ujenzi wa miundombinu ya maji na barabara za ndani katika eneo la viwanda Chamanangwe; na
- iv. Ujenzi wa miundombinu ya umeme katika eneo la viwanda Dunga na Chamanangwe.

## **8.11 Wizara ya Elimu na Mafunzo ya Amali**

Elimu ni sekta mama katika kuleta maendeleo ya Taifa lolote hapa duniani. Sekta hii hujenga maarifa na ujuzi ambao huweza kutumika kama dira katika kufikia malengo ya nchi kwa kutumia rasilimali watu. Kwa mwaka 2024/2025, sekta ya elimu imepanga kutekeleza programu mbili na mradi mmoja wa maendeleo yenye jumla ya TZS 518.06 bilioni ambapo Serikali imepanga kutumia TZS 308.79 bilioni na Washirika wa Maendeleo TZS 209.27 bilioni.



### ***Programu ya Kuimarisha Miundombinu ya Elimu***

Programu hii imeanzishwa kwa lengo la kuimarisha miundombinu ya sekta ya elimu kiujumla ili kuwawezesha wananchi kupata elimu bora na viwango vya ufanisi. Mradi huu unatekelezwa kwa kutumia fedha za Serikali na Washirika wa Maendeleo, ambapo jumla ya TZS 391.57 bilioni zimepangwa kutumika (TZS 234.39 bilioni kutoka Serikalini na TZS 183.13 bilioni kutoka kwa Washirika wa Maendeleo).

### ***Shughuli Zilizopangwa Kutekelezwa kwa Fedha za Serikali***

- i. Kujenga madarasa 840 kupitia ujenzi wa skuli 20 za ghorofa (14 za msingi na 6 za sekondari) zikiwemo skuli 2 za ufundi;
- ii. Kujenga madarasa 420 mapya (120 ya sekondari na 300 ya msingi) ya skuli za chini;
- iii. Kukamilisha madarasa 170 yaliyoanzishwa na wananchi (100 msingi na 70 sekondari);
- iv. Ujenzi wa karakana za ufundi katika skuli 33 za sekondari (skuli 3 kila Wilaya);
- v. Kujenga Maktaba Kuu ya Kisasa;
- vi. Ujenzi wa uzio skuli ya sekondari Hasnuu Makame na skuli ya Mohamed Juma Pindua;
- vii. Kujenga vyoo 300 (skuli za msingi 200 na sekondari 100);
- viii. Kujenga nyumba 20 za walimu (12 za msingi na 8 za sekondari);
- ix. Kujenga dakhalia katika skuli 11;
- x. Kujenga karakana ya magari katika Chuo cha Amali Mkokotoni;
- xi. Kujenga Ofisi za Elimu za Wilaya katika Wilaya za Kusini, Kaskazini “B”, Magharibi “A” kwa Unguja na Micheweni kwa Pemba;
- xii. Kujenga viwanja vya michezo vya kisasa katika Skuli 11 (moja kwa kila Wilaya);
- xiii. Kukamilisha ujenzi wa uzio wa Chuo cha Mafunzo ya Amali Vitongoji;
- xiv. Kuyafanyia ukarabati majengo ya Ofisi;
- xv. Kuanza ujenzi wa skuli ya meno na kliniki yake katika eneo la Tunguu - SUZA;
- xvi. Kuanza ujenzi wa skuli ya Afya katika eneo la Tunguu - SUZA; na

xvii. Ujenzi wa dakhalia ya wanafunzi 500 ya wanawake katika eneo la Tunguu - SUZA.

### ***Shughuli Zilizopangwa Kutekelezwa kwa Fedha za Washirika wa Maendeleo***

- i. Kufanya ukarabati wa skuli 100 (70 za msingi na 30 za sekondari);
- ii. Kuendelea na ujenzi wa vyuo vitano vya Amali, Chuo cha Ubaharia na utanuzi wa KIST;
- iii. Kujenga Chuo Kipya cha Ualimu na kuvifanyia ukarabati vyuo viwili na vituo vya Ualimu (TCs);
- iv. Kujenga jengo la Ofisi ya Wizara ya Elimu na Mafunzo ya Amali kwa Unguja na Kuendelea na Ujenzi wa Jengo la Ofisi Kuu Pemba;
- v. Kuendelea na ujenzi wa skuli tatu (3) zenye dakhalia kwa mashirikiano na BADEA;
- vi. Ujenzi wa karakana za Uhandisi Mitambo, Uhandisi ujenzi na magari – KIST;
- vii. Ukarabati wa Karakana na Maabara (Drawing, Aviation, Chemistry na Physics) – KIST;
- viii. Ujenzi wa jengo la skuli ya kilimo na jengo la maabara ya sayansi ya kisasa katika kampasi ya Tunguu – SUZA; na
- ix. Ujenzi wa jengo la Ofisi, skuli ya elimu na lugha za kigeni, nyumba za wafanyakazi na kiwanja cha michezo.

### ***Programu ya Uimarishaji Ubora wa Elimu***

Lengo la programu hii ni kuimarisha utoaji wa elimu katika ngazi zote kwa kuwapatia walimu na wanafunzi vifaa vya kujifunzia na kufundishia, pamoja na mafunzo ya walimu na matumizi ya TEHAMA. Programu hii inatekelezwa kwa kutumia fedha za Serikali na Washirika wa Maendeleo, ambapo jumla ya TZS 75.54 bilioni (TZS 49.41 bilioni kutoka Serikalini na TZS 26.13 bilioni kutoka kwa Washirika wa Maendeleo).

### ***Shughuli Zilizopangwa Kutekelezwa kwa Fedha za Serikali***

- i. Kuzipatia skuli za sekondari vifaa kwa ajili ya masomo ya fani za ujuzi wa amali na ufundi;
- ii. Kuzipatia skuli vifaa vya kujifunzia na kufundishia masomo ya ufundi na amali;

- iii. Kuzipatia skuli vifaa vya michezo (mpira wa miguu, wavu, mikono na vifaa vya kuogelea);
- iv. Kuzipatia skuli vifaa vya TEHAMA vikiwemo “Computer Desktop” 500, “Laptop” 100 na “Projector” 100;
- v. Kuzipatia skuli vifaa vya wanafunzi wenye mahitaji maalum (miwani, shime sikio, fimbo nyeupe);
- vi. Kuimarisha huduma za maktaba kwa kuanzisha “e-library”; na
- vii. Kuwaandaa walimu wa mafunzo ya fani za amali na ufundi kwa kuwapatia mafunzo.

### ***Shughuli Zilizopangwa Kutekelezwa kwa Fedha za Washirika wa Maendeleo***

- i. Kuimarisha upatikanaji wa vifaa vya kujifunzia na kufundishia kwa elimu ya maandalizi, msingi na sekondari;
- ii. Kuendelea na ujenzi wa vyuo vitano vya mafunzo ya Amali;
- iii. Kuwapatia walimu wa maandalizi, msingi na sekondari mafunzo ya utekelezaji wa Mtaala wa Umahiri;
- iv. Kuimarisha mafunzo ya walimu kazini katika ngazi ya skuli (SBI);
- v. Kuziunganisha skuli 230 za Sekondari na Mkonga wa Taifa; na
- vi. Kuimarisha ufundishaji kwa njia ya mtandao (virtual learning).

### ***Mradi wa Uimarishaji wa Elimu ya Juu***

Lengo kuu la mradi ni kuongeza idadi ya wataalamu wazalendo katika visiwa vya Zanzibar. Mradi huu unatekelezwa kwa kutumia fedha za Serikali na kwa mwaka 2024/2025 jumla ya TZS 25.00 bilioni zimepangwa kutumika.

### ***Shughuli Iliyopangwa kutekelezwa***

- Kuwapatia mikopo wanafunzi wa elimu ya juu Zanzibar.

## **8.12 Wizara ya Habari, Vijana, Utamaduni na Michezo**

Wizara hii inatekeleza majukumu yake ya utoaji uhakiki na utoaji wa Habari na kupokelewa kwa wazikilizaji na watazamaji kwa kutumia Magazeti, TV na Redio kwa usahihi na kwa wakati, kuwawezesha vijana kwa kuwatafutia fursa za ajira, kudumisha utamaduni na kuimarisha michezo. Kwa mwaka 2024/2025, Wizara imepanga kutekeleza programu moja na

miradi miwili ya maendeleo itakayogharimu jumla ya TZS 70.22 (TZS 69.5 bilioni kutoka Serikalini na 723.98 milioni kutoka kwa Washirika wa Maendeleo).

### ***Programu ya Kuendeleza Viwanja vya Michezo***

Programu ina lengo la kuiwezesha sekta ya michezo kwa kujenga na kuimarisha miundombinu ya michezo Zanzibar itakayokidhi viwango vya Kitaifa na Kimataifa. Kwa mwaka 2024/2025 Programu imepangiwa kiasi cha TZS 60.63 bilioni (TZS 60.00 bilioni kutoka Serikalini na TZS 633.98 milioni kutoka Washirika wa Maendeleo).

### ***Shughuli Zilizopangwa Kutekelezwa kwa Fedha za Serikali***

- i. Ujenzi wa viwanja vya Wilaya Unguja na Pemba;
- ii. Ujenzi wa viwanja na uzio katika uwanja wa Gombani; na
- iii. Ukarabati wa viwanja vya Mao Ze Dong.

### ***Shughuli Zilizopangwa kutekelezwa kwa Fedha za Washirika wa Maendeleo***

- i. Ujenzi wa viwanja vitano vya (3 in 1) Unguja na Pemba; na
- ii. Ukarabati wa viwanja vidogo vidogo vitatu (3 in 1) Unguja na Pemba.

### ***Mradi wa Vituo vya Mafunzo kwa Vijana Awamu ya Pili***

Mradi una dhumuni la kuwajengea uwezo vijana kwa kuwapatia mafunzo ya stadi za Maisha na Ufundi. Kwa mwaka wa 2024/2025, mradi huu umepangiwa jumla ya TZS 4.59 bilioni (TZS 4.50 bilioni kutoka Serikalini na TZS 90.00 milioni kutoka kwa Washirika wa Maendeleo)

### ***Shughuli Zilizopangwa Kutekelezwa kwa Fedha za Serikali***

- i. Ujenzi (utanuzi) wa vituo vya mafunzo Pageni Unguja na Mjini Ole Pemba; na
- ii. Ununuzi wa vifaa kama vile vyerahani kwa ajili ya vijana wajasiriamali.

### ***Shughuli Iliyopangwa Kutekelezwa kwa Fedha za Washirika wa Maendeleo***

- Kuratibu programu za mafunzo ikiwemo mafunzo ya Uongozi, Ujasiriamali na Taaluma za Maisha (life skills).

### ***Mradi wa Ujenzi wa Chuo cha Sanaa na Utamaduni***

Lengo la Mradi ni kuweka miundombinu kwa ajili ya mafunzo na utaalumu ya Sanaa katika tasnia ya Sanaa ikiwemo kuibua, kukuza na kuhuisha vipaji kwa vijana ili kukuza ajira na vipato vyao. Kwa mwaka 2024/25, mradi umepangiwa jumla ya TZS 5.09 bilioni.

### ***Shughuli Zilizopangwa Kutekelezwa***

- i. Ujenzi wa Chuo cha Sanaa na Utamaduni Unguja; na
- ii. Ununuzi wa samani na vifaa vya Ofisi.

### **8.13 Wizara ya Kilimo, Umwagiliaji, Maliasili na Mifugo**

Wizara ina jukumu la kusaidia upatikanaji wa pembejeo za kilimo na utoaji wa mafunzo kwa wakulima na wafugaji. Wizara inafanya kazi kwa kushirikiana na sekta nyengine katika ukuzaji uchumi kwa kutoa mchango wa moja kwa moja kwa wananchi katika kupambana na umasikini, uzalishaji mashambani, utoaji wa ajira pamoja na kuimarisha huduma za kilimo. Kwa mwaka wa fedha 2024/2025, Wizara imepanga kutekeleza programu tatu (3) na miradi mitano (5) ya maendeleo itakayogharimu jumla ya TZS 93.49 bilioni (TZS 30.0 bilioni kutoka Serikalini na TZS 63.49 bilioni kutoka kwa Washirika wa Maendeleo).

### ***Programu ya Ujenzi wa Miundombinu ya Umwagiliaji***

Programu imeanzishwa kwa lengo la kuendeleza miundombinu ya umwagiliaji ili kuongeza uzalishaji wa zao la mpunga pamoja na kuwawezesha wakulima kwa kuwajengea uwezo wa uzalishaji wenye tija zaidi kwa kutumia pembejeo za kilimo. Kwa mwaka 2024/2025 programu hii inatarajiwa kutumia TZS 24.00 bilioni kutoka kwa Washirika wa Maendeleo.

### ***Shughuli Zilizopangwa Kutekelezwa***

- i. Kujenga na kusimamia miundombinu ya umwagiliaji yenye ukubwa wa eneo la hekta 131 katika bonde la Cheju “B”;
- ii. Ujenzi wa mitaro midogo yenye urefu wa kilomita 20 kwa kiwango cha saruji katika mabonde ya Kilombero, Cheju na Kinyasini; na
- iii. Ununuzi wa mitambo midogo ya kusaidia kazi za kilimo, kupalilia na uvunaji katika mabonde ya umwagiliaji.

### ***Programu ya Kuendeleza Sekta ya Kilimo na Mifugo***

Programu ina lengo la kuimarisha na kuinua sekta ya kilimo na mifugo kwa wakulima na wafugaji wadogo wadogo Zanzibar. Kwa mwaka wa fedha 2024/2025 programu inatarajiwa kutekeleza miradi mitatu (3) itakayogharimu jumla ya TZS 6.44 bilioni (TZS 2.50 bilioni kutoka Serikalini na TZS 3.94 bilioni kutoka kwa Washirika wa Maendeleo)

### ***Mradi wa Kuendeleza Miundombinu ya Mifugo***

Mradi umeanzishwa kwa lengo la kuwa na miundombinu yenye viwango vya kukidhi udhibiti wa maradhi ya mifugo na kusaidia kupata wanyama. Mradi utawezesha kupata ng'ombe bora wa kisasa, kuongeza uzalishaji wa mifugo na mazao yake pamoja na kusimamia, kuratibu tafiti za mifugo kwa kuimarisha miundombinu ya Taasisi za utafiti. Kwa mwaka 2024/2025, mradi umepangiwa jumla ya TZS 2.50 bilioni kutoka Serikalini.

### ***Shughuli Zilizopangwa Kutekelezwa.***

- i. Kuendeleza ujenzi wa miundombinu ya karantini ya Kisakasaka na Nziwengi – Gando;
- ii. Ununuzi wa mtambo wa kuzalisha gesi ya Nitrogen ili kuhifadhia mbegu za madume kwa ajili ya kupandishia ng'ombe kwa njia ya sindano; na
- iii. Ujenzi wa Maabara na ukarabati wa majengo ya Ofisi.

### ***Mradi wa Kuendeleza Mnyororo wa Thamani wa Bidhaa za Nyuki (BEVAC)***

Mradi huu unatekelezwa Kisiwani Pemba, ukiwa na lengo la kuimarisha sekta ya ufugaji nyuki katika ukuaji wa uchumi shirikishi nchini Tanzania. Asali itavunwa kwa njia endelevu na mazingira mazuri ili iweze kuingia katika masoko ya ndani na nje ya nchi. Mradi huu unatekelezwa kwa fedha za Washirika wa Maendeleo. Kwa mwaka 2024/2025, mradi umepangiwa jumla ya TZS 500.00 milioni.

### ***Shughuli Zilizopangwa Kutekelezwa***

- i. Kuendelea na tafiti za nyuki; na
- ii. Kutoa mafunzo kwa wafugaji nyuki juu ya mbinu mpya za ufugaji nyuki na uzalishaji, kutambua aina za nyuki pamoja na mazao mengine ambayo yanapatikana kutokana na nyuki nchini.

### ***Mradi wa Kilimo Tija***

Mradi umeanzishwa kwa lengo la kuendeleza fursa za kiuchumi na kuimarisha mifumo ya masoko kwa mazao ya mboga mboga na matunda, hasa kwa vijana ili kuongeza fursa za ajira. Mradi unahamasisha wajasiriamali kutumia teknolojia za kilimo zinazozingatia mabadiliko ya mazingira na tabianchi. Mradi huu unatekelezwa kwa fedha za Washirika wa Maendeleo. Kwa mwaka 2024/25, mradi umepangiwa jumla ya TZS 3.44 bilioni.

### ***Shughuli Zilizopangwa Kutekelezwa***

- i. Kuimarisha uwezo wa mabwana shamba pamoja na kushajihisha wadau zaidi wa ugani;
- ii. Kuanzisha kanzidata ya wakulima itakayoimarisha ukusanyaji wa taarifa, ukaguzi na kusaidia mipango ya Wizara;
- iii. Kuwajenga uwezo mabaraza ya vijana katika ngazi ya Wilaya juu ya uzalishaji wa mazao ya kilimo pamoja na kuendeleza biashara katika minyororo ya thamani;
- iv. Kuisaidia Taasisi ya Utafiti wa Kilimo Zanzibar (ZARI) kuandaa hifadhi ya mimea kwa mazao ya mboga mboga na matunda yenye asili ya Afrika, kuanzisha vitalu kwa ajili ya kufanyia majaribio na usambazaji wa matokeo ya mbegu bora za mimea; na
- v. Kushirikiana na Sekta Binafsi katika kuandaa ramani ya udongo ya Zanzibar na kuwawezesha wakulima na wadau wengine katika mnyororo wa thamani kufikia mitaji itakayosaidia biashara zao.

### ***Programu ya Kudhibiti Maradhi na Upotevu wa Mazao***

Programu imeanzishwa kwa lengo la kupunguza upotevu wa mazao ya kilimo ili kuongeza upatikanaji wa chakula kwa wakulima na wananchi nchini. Kwa mwaka 2024/2025, programu itajumuisha miradi mitatu (3) itakayogharimu jumla ya TZS 7.12 bilioni kutoka kwa Washirika wa Maendeleo.

### ***Mradi wa Kupambana na Sumu Kuvu Tanzania (TANIPAC)***

Lengo la Mradi ni kupunguza athari zinazotokana na sumukuvu katika mahindi na njugu nyasa. Mradi umepanga kutoa taaluma na kuimarisha miundombinu na teknolojia ya uhifadhi kabla na baada ya mavuno. Mradi



unatekelezwa kwa mashirikiano baina ya Zanzibar na Tanzania Bara. Kwa mwaka 2024/2025 mradi umepangiwa jumla ya TZS 203.09 milioni kutoka kwa Washirika wa Maendeleo.

### ***Shughuli Zilizopangwa Kutekelezwa***

- i. Kutoa mafunzo ya udhibiti wa sumukuvu kwa wadau wa mnyororo wa thamani kwa wakulima wa mazao ya mahindi na njugu nyasa; na
- ii. Kutoa mafunzo ya utengenezaji wa vizimba vya chuma kwa vijana 40 na utoaji wa teknolojia ya darasa za kukaushia mazao hayo kwa Unguja na Pemba.

### ***Mradi wa Kuimarisha Huduma za Afya ya Mimea kwa Usalama wa Chakula (STREPHIT)***

Mradi huu umeanzishwa kwa lengo la kuimarisha mfumo wa udhibiti uingizaji na usafirishaji wa mazao ya kilimo kwa kuongeza upatikanaji wa mazao ya kilimo yanayokidhi viwango vya Kitaifa na Kimataifa pamoja na afya ya mimea. Kwa mwaka 2024/2025, mradi huu umepangiwa jumla ya TZS 4.08 bilioni kutoka kwa Washirika wa Maendeleo.

### ***Shughuli Zilizopangwa Kutekelezwa***

- i. Kufanya warsha juu ya uandaaji wa mtaala mpya kwa wafanyakazi wanaojishughulisha na utoaji wa huduma za afya ya mimea nchini;
- ii. Kuanzisha mfumo wa utoaji cheti cha usafi wa mimea kwa njia ya mtandao (ATMIS) ambapo malipo yatakuwa chini ya mfumo wa Zanmalipo;
- iii. Kuandaa kitabu cha agizo la uingizaji wa bidhaa ndani ya mfumo na utoaji cheti cha usafi wa mimea kwa njia ya mtandao (Import Order Book-Atmis);
- iv. Ununuzi wa Kobo Tool Box kwa ajili ya kuimarisha mfumo wa utoaji wa taarifa za wadudu, maradhi ya mimea na mazao yanayoingia na kutoka nchini;
- v. Kushajihisha tafiti ili kufahamu orodha ya wadudu wa mazao nchini; na
- vi. Kukarabati maabara za wadudu na kuwajengea uwezo wataalamu watakaendesha shughuli za maabara Unguja na Pemba.



## ***Mradi wa Kuwaunganisha Wakulima wa Mboga na Matunda (AGRICONNECT)***

Mradi umeanzishwa kwa lengo la kusaidia upatikanaji wa Sera zitakazoweka mazingira wezeshi na kuongeza uwekezaji wa Sekta Binafsi, kukuza minyororo ya thamani kwa kuongeza uzalishaji, usindikaji, uuzaji na kuwaunganisha wakulima na masoko. Kwa mwaka 2024/2025, mradi huu umepangiwa jumla ya TZS 2.83 bilioni kutoka kwa Washirika wa Maendeleo.

### ***Shughuli Zilizopangwa Kutekelezwa***

- i. Kuwajengea uwezo wakulima 10,500, hasa wanawake ili kupata na kutumia vyakula vyenye lishe ambavyo vinazingatia mfumo wa kilimo kinachoendana na mabadiliko ya tabianchi;
- ii. Ujenzi wa majengo mawili ya kusindika mazao, kushughulikia masoko na kilimo biashara;
- iii. Kuongeza kipato cha wakulima wadogo 1,767 kwa kuwasogezea huduma za fedha, kuendeleza uzalishaji wa mazao ya mboga mboga, viungo na matunda;
- iv. Kuwapatia mitaji wajasiriamali na wakulima wadogo wadogo wa vikundi 45 ili kuendeleza miradi ya kilimo cha mboga mboga ‘horticulture’ pamoja na usindikaji;
- v. Kuwajengea uwezo wakulima kuhusu utaalumu wa viwango na vipimo endelevu vya hiari;
- vi. Kufanya utafiti wa kudhibiti viumbe waharibifu wa mazao, pamoja na kuchunguza mabaki ya madawa ya mimea katika mazao; na
- vii. Kuendeleza mpango wa kusambaza taarifa za masoko na elimu kwa wadau wa mazao ya bustani.

## ***Mradi wa Ukarabati wa Maghala na Uhifadhi wa Chakula***

Mradi umeanzishwa kwa lengo la kuwezesha upatikanaji wa chakula katika ngazi ya Kaya na Taifa kwa kuimarisha maghala ya uhifadhi wa chakula. Kwa mwaka 2024/2025, mradi umepangiwa jumla ya TZS 27.50 bilioni kutoka Serikalini.

### ***Shughuli Zilizopangwa Kutekelezwa***

- i. Kuanza ujenzi wa maghala ya kuhifadhia chakula (silos) eneo la Bungi kwa Unguja na Chamanangwe kwa Pemba; na

- ii. Ukarabati wa maghala kumi: Saateni (2), Kilombero na Donge kwa Unguja Dodeani, Weni, Mkoani, Kizimbani (2) na Wete kwa Pemba.

### ***Mradi wa Mageuzi ya Uzalishaji wa Maziwa kwa Wafugaji Wadogo Unaozingatia Mabadiliko ya Tabianchi (C-STDTP)***

Mradi umeanzishwa kwa lengo la kuleta mageuzi kwenye mnyororo wa thamani wa uzalishaji wa maziwa kwa ajili ya kukuza hali ya maisha kwa jamii, kuongeza uhakika wa chakula. Mradi unatekelezwa kwa kuzingatia athari za mabadiliko ya tabia nchi katika sekta ya ufugaji wa ng'ombe wa maziwa. Mradi utasaidia kukuza kipato, kuongeza lishe kwa wazalishaji wadogo wadogo wa maziwa na uhimilivu wa tabianchi. Kwa mwaka 2024/2025 mradi umepangiwa jumla ya TZS 7.5 bilioni kutoka kwa Washirika wa Maendeleo (IFAD/OPEC).

### ***Shughuli Zilizopangwa Kutekelezwa***

- i. Uanzishaji wa vituo vidogo vya ukusanyaji wa maziwa katika maeneo maalum;
- ii. Ukarabati wa vituo vya ukusanyaji na usarifu wa maziwa (MCCs) na ujenzi wa vituo vipya;
- iii. Ununuzi wa mitambo ya upatikanaji wa ng'ombe wa kisasa wa maziwa;
- iv. Ujenzi wa viwanda vidogo vya kusarifu maziwa;
- v. Ukarabati wa miundombinu ya mashamba ya mbegu yaliyopo Kizimbani;
- vi. Kuwajengea uwezo maafisa ugani juu ya namna bora ya kutoa huduma kwa kutumia teknolojia za kisasa;
- vii. Kuwajengea uwezo wafugaji wa ng'ombe wa maziwa waweze kutumia njia za kisasa za ufugaji zenye kuzingatia uhimilivu wa tabianchi; na
- viii. Kuendeleza ujenzi wa mitambo ya 'Biogas' Unguja na Pemba kwa lengo la upatikanaji wa nishati ya kupikia na mbolea kwa ajili ya uzalishaji wa mazao pamoja na malisho ya mifugo.

### ***Mradi wa Uhimilivu wa Mifumo ya Chakula Tanzania (TFSRP)***

Mradi umeanzishwa kwa lengo la kupata uhimilivu wa mfumo wa chakula kwa kuimarisha utoaji wa huduma za kilimo, kupitisha teknolojia za

kilimo zinazohimili mabadiliko ya tabianchi pamoja na kujenga uwezo wa uhimilivu katika mazao ya chakula. Kwa mwaka 2024/2025, mradi umepangiwa jumla ya TZS 18.75 bilioni kutoka kwa Washirika wa Maendeleo.

### ***Shughuli Zilizopangwa Kutekelezwa***

- i. Kufanya ukarabati wa majengo ya maabara za ZARI zilizopo Kizimbani kwa Unguja na Matangatuani kwa Pemba;
- ii. Kuendeleza tafiti za mazao ya mpunga, muhogo, ndizi na tungule;
- iii. Kufanya utafiti wa afya ya udongo;
- iv. Kufanya ukarabati wa miundombinu ya mashamba ya mbegu yaliyopo Bambi, Kibondemzungu, Mwera, Kizimbani Unguja na Ole Pemba;
- v. Kufanya ukarabati wa vituo vinne vya huduma za wakulima katika mashamba ya Bumbwisudi (2), Mtwango (1) na Kibokwa (1);
- vi. Kuwajengea uwezo maafisa ugani kuhusiana na namna za kisasa za kutoa huduma kwa kutumia teknolojia ya habari;
- vii. Kuwajengea uwezo wakulima juu ya njia za kilimo kwa kutumia teknolojia ya kilimo biashara na udhibiti wa upotevu wa mazao baada ya mavuno;
- viii. Kufanya ukarabati wa miundombinu ya umwagiliaji kwa kutumia njia zilizochimbwa kutokea katika visima katika eneo la hekari 434 kwa mabonde ya Bumbwisudi, Mtwango, Kibokwa, Mwera kwa Unguja na Makombeni, Weni, Saninga na Kinyakuzi kwa Pemba; na
- ix. Ununuzi wa vifaa kwa ajili ya kuwafundishia vijana kutoa huduma mashambani, ikiwemo trekta ndogo ndogo za kulimia, kupandia, kupalilia na kuvunia.

### ***Mradi wa Kuimarisha Mifumo ya Chakula kwa Kuongeza Tija na Uzalishaji Kupitia Huduma za Kisasa za Kilimo Katika Umwagiliaji***

Mradi umeanzishwa kwa lengo la kuchangia uimarishaji wa uhakika wa chakula na kuongeza kiwango cha kipato kwa wakulima wa mpunga Zanzibar pamoja na kuongeza tija ya mpunga katika mashamba ya umwagiliaji. Kwa mwaka 2024/2025, mradi umepangiwa jumla ya TZS 1.50 bilioni kutoka kwa Washirika wa Maendeleo.

### ***Shughuli Zilizopangwa Kutekelezwa***

- i. Ununuzi wa matrekta ya kilimo katika mabonde ya umwagiliaji kwa ajili ya Jumuiya za Wakulima;
- ii. Ununuzi wa matrekta na mashine ya kuvunia mpunga kwa ajili ya Taasisi ya huduma za zana za kilimo;
- iii. Kuimarisha miundombinu ya kilimo kwa kutengeneza njia za mashambani, vivuko vya matrekta pamoja na maeneo ya kuanikia mpunga;
- iv. Ujenzi wa maeneo ya kuhifadhia mazao ya mpunga, matrekta, pamoja na uchimbaji wa kisima ili kuongeza upatikanaji wa maji mengi bonde la Chaani; na
- v. Ununuzi vifaa vya usimamizi na ufuatiliaji wa vyanzo vya maji katika maeneo ya umwagiliaji maji.

### ***Mradi wa Kuendeleza Mifumo ya Chakula, Matumizi na Urejesheaji wa Ardhi – FOLUR***

Mradi una lengo la kurejeshea uoto wa asili katika maeneo yaliyochimbwa maliasili zisizorejeshika. Pia inajikita katika kuhifadhi misitu katika maeneo ya Kaskazini ‘A’ na ‘B’, kushirikisha sekta za kilimo, mazingira, ardhi na sekta nyengine zenye mnasaba pamoja na uhifadhi wa misitu na kusimamia rasilimali hiyo. Kwa mwaka 2024/2025, mradi umepangiwa jumla ya TZS 682.80 milioni kutoka kwa Washirika wa Maendeleo.

### ***Shughuli Zilizopangwa Kutekelezwa***

- i. Kukarabati majengo ya vituo vya wakulima Kaskazini Unguja;
- ii. Kuhamasisha juu ya kutunza mazingira, kupanda miti, uoto wa kuzuia uharibifu wa mazingira kwa jamii zinazozunguka Wilaya za Kaskazini A na B; na
- iii. Kutoa elimu juu ya uhifadhi wa misitu.

## **8.14 Wizara ya Maendeleo ya Jamii, Jinsia, Wazee na Watoto**

Wizara hii imeanzishwa kwa lengo la kuimarisha ustawi wa jamii kwa kuhakikisha upatikanaji wa huduma bora za jamii, wazee na watoto ili kuwa na Maisha ya staha, sambamba na kushughulikia maendeleo ya kijamii na kuleta usawa wa kijinsia. Kwa mwaka wa fedha 2024/2025 Wizara imepanga kutekeleza miradi minne ya maendeleo itakayogharimu

jumla ya TZS 13.36 bilioni (TZS 4.50 bilioni kutoka Serikalini na TZS 8.85 bilioni kutoka kwa Washirika wa Maendeleo).

### ***Mradi wa Hifadhi ya Wazee***

Mradi huu umeanzishwa kwa lengo la kukuza ustawi wa wazee kwa kuimarisha usalama wao, kuhakikisha wanaishi katika makaazi mazuri na wanapata huduma zao za msingi. Kwa mwaka 2024/2025, mradi umepangiwa jumla ya TZS 4.50 bilioni kutoka Serikalini.

### ***Shughuli Zilizopangwa Kutekelezwa***

- i. Ujenzi wa jiko katika nyumba za wazee Sebleni na Limbani;
- ii. Ujenzi wa ukuta wa nyumba za wazee Limbani;
- iii. Kufanya ukarabati katika makaazi ya wazee Limbani – Pemba na Sebleni – Unguja; na
- iv. Ununuzi wa vifaa na samani.

### ***Mapambano Dhidi ya Vitendo vya Ukatili na Udhalilishaji kwa Wanawake na Wasichana***

Mradi umeanzishwa kwa lengo la kumaliza vitendo vya udhalilishaji kwa wanawake na wasichana. Kwa mwaka 2024/2025, mradi umepangiwa kiasi cha TZS 536.00 milioni kutoka kwa Washirika wa Maendeleo.

### ***Shughuli Zilizopangwa Kutekelezwa***

- i. Kufanya tathmini ya vituo vya mkono kwa mkono Unguja na Pemba;
- ii. Kuandaa Mpango Mkakati wa kupambana na ukatili na udhalilishaji; na
- iii. Kuhamasisha wanawake kujua haki na wajibu wao.

### ***Mradi wa Kukuza Usawa wa Kijinsia Tanzania***

Mradi una lengo la kukuza fursa za kiuchumi kwa wanawake pamoja na kukabiliana na vitendo vya ukatili na udhalilishaji Tanzania. Kwa mwaka 2024/2025, mradi umepangiwa kiasi cha TZS 8.11 bilioni kutoka kwa Washirika wa Maendeleo.

### ***Shughuli Zilizopangwa Kutekelezwa***

- i. Kuwawezesha wanawake kiuchumi kwa kuwapa mikopo yenye masharti nafuu;
- ii. Kupinga na kupambana na vitendo vya ukatili na udhalilishaji;
- iii. Ubunifu na ushirikishwaji; na
- iv. Usimamizi na uratibu wa mradi.

### ***Mradi wa Kusimamia Sheria ya Jinsia na Sera***

Mradi huu umeanzishwa kwa lengo la kupambana na vitendo vya ukatili na udhalilishaji kwa wanawake na watoto. Kwa mwaka 2024/2025, mradi umepangiwa kiasi cha TZS 208.00 milioni kutoka kwa Washirika wa Maendeleo.

### ***Shughuli Zilizopangwa Kutekelezwa***

- i. Kuandaa Mpango Mkakati wa kupambana na vitendo vya ukatili na udhalilishaji;
- ii. Kufanya tathmini ya vituo vya mkono kwa mkono;
- iii. Kuandaa mikutano ya kuratibu na kuripoti kesi za vitendo vya ukatili na udhalilishaji Unguja na Pemba; na
- iv. Kuhamasisha wanawake juu ya haki na wajibu wao.

## **8.15 Wizara ya Maji, Nishati na Madini**

Wizara hii inajumuisha sekta kuu tatu ambazo ni sekta ya Maji, Nishati na Madini, sekta zote hizi ni nyenzo muhimu katika maendeleo ya nchi na wananchi wa Zanzibar. Kwa mwaka wa fedha 2024/2025, Wizara imepanga kutekeleza programu mbili zitazogharimu kiasi cha TZS 365.88 bilioni (TZS 80.50 bilioni kutoka Serikalini na TZS 285.38 bilioni ni kutoka kwa Washirika wa Maendeleo).

### ***Mradi wa Uhuishaji na Uimarishaji wa Mfumo wa Usambazaji Maji Zanzibar***

Mradi una lengo la kuimarisha miundombinu ya usambazaji maji safi na salama katika maeneo ya Wilaya ya Magharibi “A”, (Mfenesini, Masingini na Kizimbani) Magharibi “B” (Dimani na Kidutani) na Wilaya ya Kati (Jumbi- Mkorogo) pamoja na ujenzi wa jengo jipya la Ofisi ya Mamlaka ya Maji Zanzibar. Mradi huu pia utasaidia kuondoa tatizo la maji katika

maeneo yaliyokusudiwa na wananchi kupata maji safi na salama. Kwa mwaka 2024/2025, mradi huu umepangiwa jumla ya TZS 33.20 bilioni (TZS 10.15 bilioni kutoka Serikalini na TZS 23.05 bilioni kutoka kwa Washirika wa Maendeleo).

### ***Shughuli Zilizopangwa Kutekelezwa kwa Fedha za Serikali***

- i. Ulipaji wa fidia za vipando na majengo katika maeneo ya Mkorogo, Dimani, Maungani, Mfenesini, Dole, Kidutani na Masingini; na
- ii. Kuratibu vikao vya Kamati Kiongozi na Kamati ya Wataalamu.

### ***Shughuli Iliyopangwa Kutekelezwa kwa Fedha za Washirika wa Maendeleo***

- Malipo kwa ajili ya uangalizi wa mradi (Defect Liability Period).

### ***Mradi wa Uhuishaji na Uimarishaji Huduma za Usambazaji Maji Safi na Usafi wa Mazingira Zanzibar***

Mradi una lengo la kuimarisha upatikanaji wa huduma ya maji safi na salama Zanzibar ili kufanikisha malengo yalioainishwa katika mikakati mbalimbali ya Serikali. Utekelezaji wa shughuli za mradi huu utahusisha Serikali pamoja na Mshirika wa Maendeleo. Kwa mwaka 2024/2025, Mradi umepangiwa jumla ya TZS 16.32 bilioni ( TZS 2.85 bilioni kutoka Serikalini na TZS 13.46 bilioni kutoka kwa Washirika wa Maendeleo).

### ***Shughuli Zilizopangwa Kutekelezwa kwa Fedha za Serikali***

- i. Ulipaji wa fidia kwa maeneo yatakayoathirika na mradi; na
- ii. Uendeshaji wa shughuli za mradi.

### ***Shughuli Iliyopangwa Kutekelezwa kwa Fedha za Washirika wa Maendeleo***

- Malipo ya awali ya Mkandarasi kwa ajili ya utekelezaji wa shughuli za mradi.

### ***Mradi wa Uimarishaji wa Huduma za Usambazaji Maji Safi na Salama***



## ***Zanzibar***

Mradi una lengo la kuimarisha miundombinu ya maji kwa kufanya usambazaji na uzalishaji wa maji safi na salama katika maeneo ya visiwa vya Zanzibar. Kwa mwaka 2024/2025, mradi huu umepangiwa jumla ya TZS 30.50 bilioni kutoka Serikalini.

### ***Shughuli Zilizopangwa Kutekelezwa***

- i. Ulipaji wa fidia za vipando na majengo katika maeneo ya uimarishaji wa miundombinu ya maji (Maeneo yenye visima vya Ras el khaimah);
- ii. Uwekaji wa uzio katika maeneo ya hifadhi ya maji ya Vuga Mkadini na Bumbwisudi;
- iii. Ujenzi wa matangi 4 ya kuhifadhia maji ( Pemba 2 na Unguja 2);
- iv. Ununuzi wa pampu maalum (Surface Pumps) 50; na
- v. Ujenzi wa hifadhi za “hydrant” pamoja na ununuzi wa vifaa vya maji na bomba za kusafirishia maji.

### ***Mradi wa Kuimarisha Miundombinu ya Maji Mkoa wa Mjini Magharibi (ZUWDIFP)***

Mradi huu una lengo la kuongeza uzalishaji wa maji katika maeneo ya Mkoa wa Mjini Magharibi ili kupunguza changamoto za upatikanaji wa huduma hiyo. Mradi utatekelezwa katika maeneo ya Welezo juu, Welezo Magharibi na Migombani. Kwa mwaka 2024/2025, mradi umepangiwa jumla ya TZS 3.37 bilioni kutoka Washirika wa Maendeleo.

### ***Shughuli Zilizopangwa Kutekelezwa***

- i. Kuandaa taarifa ya kina ya kitaalamu (details design) ya mradi;
- ii. Kuandaa mpango na utaratibu wa manunuzi kwa ajili ya kupata Mkandarasi;
- iii. Kufanya tathmini kwa ajili ya kumtafuta Mkandarasi;
- iv. Kuandaa Mikataba kwa ajili ya Mkandarasi; na
- v. Kuendelea na hatua za awali za matayarisho ya mradi.

### ***Mradi wa Usalama wa Maji na Kukabiliwa na Mabadiliko ya Tabianchi Mijini***

Mradi huu una lengo la kuijengea uweo sekta ya maji juu ya usimamiaji



wa usalama na upatikanaji wa maji nchini. Mradi huu umelenga kutekeleza maeneo makuu matatu (3) ambayo ni kusaidia Wizara ya Maji, Nishati na Madini katika usimamizi wa mikakati na miongozo ya mageuzi, kuanzisha mfumo jumuiishi wa kukabiliana na mabadiliko ya tabinchi na uchafuzi wa kimazingira na kuijengea uwezo Mamlaka ya Maji Zanzibar ili iweze kujiendesha kibiashara. Kwa mwaka 2024/2025, mradi umepangiwa jumla ya TZS 2.67 bilioni kutoka Washirika wa Maendeleo.

### ***Shughuli Zilizopangwa Kutekelezwa***

- i. Kusimamia na kuandaa utekelezaji wa Sera na Miongozo inayohusiana na sekta ya maji safi na usafi wa mazingira;
- ii. Kuanzisha mifumo ya ukusanyaji, uchambuzi na ufuatiliaji wa taarifa zinazohusiana na rasilimali maji iliyopo chini ya ardhi;
- iii. Kufanya Upembuzi Yakinifu kuweza kuvuna maji ya mvua kama chanzo mbadala cha maji;
- iv. Kuratibu ujumuishaji wa masuala ya kukabiliana na mabadiliko ya tabia nchi na jinsia katika usimamizi wa rasilimali maji; na
- v. Kuandaa mipaka katika maeneo ya vyanzo na vianzio vya maji.

### ***Mradi wa Kuimarisha Miundombinu ya Umeme***

Mradi umeanzishwa kwa lengo la kuimarisha huduma za umeme katika vijiji 305 (180 Unguja na 125 Pemba) ili kupata huduma ya umeme salama na ya uhakika. Kukamilika kwa mradi huu kutapunguza kwa kiasi changamoto ya upungufu wa umeme katika maeneo tofauti ya Zanzibar. Kwa mwaka 2024/2025, mradi umepangiwa kutumia jumla ya TZS 33.00 bilioni kutoka Serikalini.

### ***Shughuli Zilizopangwa Kutekelezwa***

- i. Usambazi wa umeme katika vijiji vya Unguja na Pemba;
- ii. Ununuzi wa nguzo na vifaa vya umeme; na
- iii. Uvutaji wa njia mpya za umeme.

### ***Mradi wa Kuifanyia Mabadiliko Sekta ya Nishati (ZESTA)***

Mradi una lengo la kuimarisha miundombinu ya umeme na kuzijengea uwezo Taasisi zinazoshughulikia masuala ya nishati ili ziweze kuimarisha utoaji wa huduma za usambazaji wa umeme katika maeneo tofauti ya

visiwa vya Unguja na Pemba. Mradi unatekelezwa kwa mashirikiano baina ya Serikali na Washirika wa Maendeleo. Kwa mwaka 2024/2025, mradi umepangiwa kiasi cha TZS. 178.26 bilioni (TZS 4.00 bilioni kutoka Serikalini na TZS 174.26 bilioni kutoka kwa Washirika wa Maendeleo).

### ***Shughuli Zilizopangwa Kutekelezwa kwa Fedha za Serikali***

- i. Ulipaji wa fidia katika maeneo yatakayoathirika na mradi;
- ii. Utoaji wa mafunzo ya shughuli za uhamishaji wa wananchi katika maeneo ya mradi;
- iii. Kuwasaidia watu wenye mahitaji maalum walioathirika na mradi kwa mujibu wa makubaliano na Mshirika wa maendeleo; na
- iv. Kuandaa Mpango wa uhamishaji wakaazi katika maeneo yaliaoathirika na mradi.

### ***Shughuli Zilizopangwa Kutekelezwa kwa Fedha za Washirika wa Maendeleo***

- i. Kuendelea na ujenzi wa laini kubwa ya umeme yenye uwezo wa kilovoti 132 pamoja na kufanya malipo kwa Mshauri Elekezi;
- ii. Uwekaji wa mfumo wa kidigitali wa usimamizi na uendelezaji wa miundombinu ya umeme; na
- iii. Kuanza ujenzi wa miundombinu ya umeme wa jua.

## **8.16 Wizara ya Uchumi wa Buluu na Uvuvi**

Lengo kuu la Wizara ya Uchumi wa Buluu na Uvuvi ni kuwa na sekta itakayochangia kwa kiasi zaidi ukuaji wa uchumi wa Zanzibar kwa kuimarisha sekta zinazohusiana na uchumi wa buluu ikiwemo uvuvi wa bahari kuu, kilimo cha bahari, ufugaji wa mazao baharini, utalii wa baharini na fukwe, utafutaji na uchimbaji wa mafuta na gesi asilia sambamba na uratibu wa utawala na mazingira ya baharini. Wizara imedhamiria kuwawezesha wajasiriamali katika kukuza ubunifu, uwezo wa kupata zana, mitaji na masoko, pamoja na kuchangia katika sekta ya biashara na viwanda ambazo zitasaidia upatikanaji wa ajira na masoko kwa vijana. Kwa mwaka 2024/2025, Wizara imepanga kutekeleza jumla ya programu mbili na miradi mitano ya maendeleo ambayo imepangiwa jumla ya TZS 55.03 bilioni (TZS 39.00 bilioni kutoka Serikalini na TZS 16.03 bilioni kutoka kwa Washirika wa Maendeleo).

### ***Programu ya Kuendeleza Sekta ya Kilimo na Uvuvi***

Programu ina lengo la kuongeza tija endelevu, faida kwa biashara ya mbegu za mazao, uvuvi na ufugaji wa samaki kwa kutilia mkazo uwezeshaji wa wanawake na ushiriki wa vijana. Programu inatekelezwa kwa mashirikiano baina ya Tanzania Bara na Zanzibar kwa kutumia fedha za Washirika wa Maendeleo pekee. Kwa mwaka 2024/2025, programu hii imepangiwa kiasi cha TZS 13.35 bilioni.

### ***Shughuli Zilizopangwa Kutekelezwa***

- i. Ununuzi wa meli yenye mita 26 ya uvuvi wa bahari kuu;
- ii. Ujenzi wa kiwanda kimoja mjumuishi cha uchakataji wa samaki pamoja na mitambo baridi ya kuhifadhia samaki – Fungurefu Mkokotoni;
- iii. Ununuzi wa lori la jokofu;
- iv. Ujenzi wa mitambo minne (miwili Unguja na miwili Pemba) ya kukaushia mwani na dagaa inayotumia nguvu za jua kwa matumizi ya jamii;
- v. Ujenzi wa maabara ya uzalishaji wa mbegu bora za mwani;
- vi. Ununuzi wa vifaa vya maabara;
- vii. Kufanya utafiti wa uzalishaji na ukuzaji wa aina tatu za samaki (majongoo bahari, kaa na milk fish);
- viii. Kuanzisha mashamba darasa mawili ya ufugaji wa samaki (kwa kutumia mabwawa na magari) pamoja na karakana kwa ajili ya matengenezo ya vifaa na mitambo Unguja na Pemba;
- ix. Ujenzi wa vituo viwili vya mafunzo ya uvuvi na ufugaji wa viumbe bahari vitakavyojengwa Unguja na Pemba;
- x. Kuwapatia vifaa wakulima wa mwani kwa njia ya mkopo wenye masharti nafuu kupitia Taasisi za Kifedha;
- xi. Ununuzi wa mashine tano za kuchakata mwani na kuongeza thamani;
- xii. Ujenzi wa vituo vya kusarifu mwani pamoja na ununuzi wa vifaa vya kuongeza thamani zao la mwani; na
- xiii. Kuandaa mitaala ya kusomeshea wakulima wa mwani.

### ***Mradi wa Kuanzisha Kituo cha Taifa cha Uhifadhi wa Taarifa za Mafuta na Gesi Asilia (NDR)***

Mradi umeanzishwa kwa lengo la kujenga kituo cha uhifadhi wa taarifa za mafuta na gesi asilia. Mradi unatekelezwa kwa fedha za Serikali pekee na kwa mwaka 2024/2025 umepangiwa jumla ya TZS 4.00 bilioni.

#### ***Shughuli Zilizopangwa Kutekelezwa***

- i. Kukamilisha ununuzi wa vitendea kazi kwa ajili ya kituo cha muda cha uhifadhi wa Taarifa;
- ii. Kuajiri Mshauri Elekezi kwa ajili ya kutoa huduma za kitaalamu za ujenzi zikiwemo usanifu na uchoraji ramani wa jengo la kudumu la Kituo cha Kuhifadhi Taarifa;
- iii. Kukamilisha ununuzi wa vifaa na vitendea kazi kwa ajili ya kituo cha muda cha uhifadhi wa taarifa; na
- iv. Kuanza ujenzi wa kituo kipya cha uhifadhi taarifa.

### ***Mradi wa Ujenzi wa Kituo cha Kuhifadhi Bidhaa za Petroli Iliyosafishwa na Usambazaji***

Mradi una lengo la kuwepo kwa bohari ya uhifadhi wa mafuta na kufanya biashara ya mafuta Zanzibar katika eneo la Mangapwani. Kwa mwaka 2024/2025, mradi huu umepangiwa jumla ya TZS 4.00 bilioni kutoka Serikalini.

#### ***Shughuli Zilizopangwa Kutekelezwa***

- i. Utayarishaji wa eneo la ujenzi wa bohari;
- ii. Usanifu na uchoraji wa michoro ya ujenzi wa bohari;
- iii. Malipo ya awali kwa Mshauri Elekezi wa usimamizi wa ujenzi; na
- iv. Kuanza na ujenzi wa bohari.

### ***Mradi wa Ujenzi wa Madiko na Masoko ya Samaki ya Kisasa***

Mradi una lengo la kuwawezesha wavuvi kuweza kupata huduma za msingi za bandari na masoko kwa kuwajengea madiko na masoko ya kuhifadhi na kuuzia samaki, yenye hadhi ya kisasa katika maeneo mbali mbali ya Unguja na Pemba. Mradi huu kwa mwaka 2024/2025 umepangiwa jumla ya TZS 27.00 bilioni kutoka Serikalini.

### ***Shughuli Zilizopangwa Kutekelezwa***

- i. Kuandaa Upembuzi Yakinifu kwa madiko mapya; na
- ii. Kuendelea na ujenzi wa madiko na masoko la kisasa - Kama.

### ***Mradi wa Kuimarisha Miundombinu ya Maabara ya Uthamini wa Ubora wa Bidhaa za Baharini***

Mradi umeanzishwa kwa lengo la kuimarisha miundombinu ya maabara ya uthamini wa ubora wa bidhaa za baharini. Mradi huu kwa mwaka 2024/2025 umepangiwa jumla ya TZS 4.00 bilioni kutoka Serikalini.

### ***Shughuli Zilizopangwa Kutekelezwa***

- i. Ununuzi wa vifaa vya maabara vya uthamini wa bidhaa za baharini; na
- ii. Ujenzi wa uzio katika jengo la maabara ya uthamini - Maruhubi.

### ***Mradi Jumuishi wa Uwezesaji wa Wanawake katika Ufugaji wa Mazao ya Baharini***

Mradi una lengo la kuwawezesha wakulima na wasindikaji wa mazao ya baharini kufikia maendeleo endelevu kwa kuwa na mnyororo wa thamani. Kwa mwaka 2024/2025, mradi huu umepangiwa kiasi cha TZS 2.40 bilioni kutoka kwa Washirika wa Maendeleo.

### ***Shughuli Zilizopangwa Kutekelezwa***

- i. Kuanzisha mashamba manne ya majaribio ya mwani/majongoo bahari;
- ii. Kuanzisha vitalu viwili vya mwani na majongoo bahari;
- iii. Kutoa mafunzo kwa wanawake 2,000 wakulima wa mwani na majongoo bahari; na
- iv. Utoaji wa vifaa kwa wakulima wa mwani na wafugaji wa mazao ya baharini.

### ***Mradi wa Utafiti wa Usalama wa Chakula na Maisha Endelevu kwa Jamii***

Mradi una lengo la kujenga uelewa na kudhamini elimu ya juu mbinu za kiuchumi, usalama wa chakula na maisha endelevu. Kwa mwaka 2024/2025 umepangiwa TZS 41.07 milioni kutoka kwa Washirika wa Maendeleo.

### ***Shughuli Zilizopangwa Kutekelezwa***

- i. Kufanya utafiti wa kuimarisha sekta ya uvuvi kupitia wavuvi wadogo wadogo; na
- ii. Kutoa udhamini wa masomo ya elimu ya juu.

### **8.17 Wizara ya Ujenzi, Mawasiliano na Uchukuzi**

Wizara ina lengo la kuimarisha miundombinu wezeshi itakayochochea ukuaji wa Uchumi. Wizara inatekeleza mradi huu kupitia sekta kuu tatu ambazo ni Sekta ya Ujenzi, Mawasiliano na Uchukuzi. Wizara imepanga kutekeleza programu tano na miradi mitatu ya maendeleo kwa jumla ya TZS 1,072.21 bilioni (TZS 498.27 bilioni kutoka Serikalini na TZS 572.94 bilioni kwa Washirika wa Maendeleo).

#### ***Programu ya Ujenzi wa Barabara Kuu***

Programu itaunganisha miji mikubwa ya Zanzibar kwa lengo la kuhuisha uchumi na uwekezaji. Barabara hizi ni kiunganishi cha miji na maeneo mengine ya kiuchumi ikiwemo viwanja vya ndege na bandari. Kwa mwaka 2024/2025, programu imepangiwa jumla ya TZS 311.77 bilioni (TZS 115.54 bilioni kutoka Serikalini na TZS 196.23 bilioni kutoka kwa Washirika wa Maendeleo).

### ***Shughuli Zilizopangwa Kutekelezwa kwa Fedha za Serikali***

- i. Ulipaji wa fidia kwa vipando na nyumba katika maeneo yatayoathirika na ujenzi wa barabara;
- ii. Ukamilishaji wa ujenzi kwa barabara ya Wete-Chake;
- iii. Kupeleka miundombinu wezeshi katika maeneo yanayotarajiwa kujengwa barabara;
- iv. Usafishaji wa maeneo pamoja na kuanza uwekaji wa fusi na lami kwa baadhi ya barabara;
- v. Ujenzi wa mitaro pamoja na kuanza uwekaji wa lami kwa baadhi ya barabara; na
- vi. Uwekaji wa alama na taa za barabarani kwa barabara zilizokamilika.

## ***Shughuli Zilizopangwa Kutekelezwa kwa Fedha za Washirika wa Maendeleo***

- i. Kuanza ujenzi wa barabara ya Tunguu-Makunduchi km 53, Chake Chake-Mkoani km 43.5 na Fumba - Kisauni km 12 pamoja na Ujenzi wa Airport ya Pemba;
- ii. Kukamilisha ujenzi wa barabara ya Wete – Chake Chake km 22.1; na
- iii. Ukamilishaji wa barabara kwa kiwango cha lami km 42.95, ambazo ni barabara ya Jozani – Charewe – Ukongoroni – Bwejuu km 23.3, Fuoni – Tunguu km 5.8, Barabara ya Bungi km 0.5, Barabara za Nungwi.

## ***Programu ya Ujenzi wa Barabara za Ndani***

Programu itahusisha ujenzi wa barabara za ndani zenye urefu wa kilomita 275.9 katika maeneo ya mijini na vijijini Unguja na Pemba. Programu itaunganisha mitaa na maeneo mengine ikiwemo barabara kuu. Aidha, kukamilika kwa programu hii kutasaidia kupunguza msongamano katika barabara kuu pamoja na kuongeza haiba ya kupendezesha miji na mitaa katika maeneo ya Zanzibar. Kwa mwaka 2024/2025, programu hii imepangiwa jumla ya TZS 45.60 bilioni kutoka Serikalini.

## ***Shughuli Zilizopangwa Kutekelezwa***

- i. Kufanya tathmini na ulipaji wa fidia za nyumba na vipando vitakavyoathiriwa na ujenzi wa barabara;
- ii. Usafishaji wa maeneo na kuanza uwekaji wa fusi na lami kwa baadhi ya barabara;
- iii. Ujenzi wa mitaro na uwekaji wa lami kwa baadhi ya barabara zilizoanza kujengwa; na
- iv. Uwekaji wa alama na taa za barabarani kwa baadhi ya barabara za ndani.

## ***Programu ya Matengenezo ya Barabara za Mjini***

Programu inalenga kuimarisha haiba ya mji wa Zanzibar kwa ujenzi wa barabara katika maeneo ya mjini. Programu inahusu ujenzi wa kilomita 100.9 za barabara za mjini na uimarishaji wa barabara katika maeneo ya Mkoa wa Mjini Magharibi. Kukamilika kwa programu hii kutaongeza



haiba na kupendezesha Mji wa Zanzibar na kusaidia kuimarika kwa baadhi ya sekta ikiwemo sekta ya usafirishaji, utalii na biashara. Kwa mwaka 2024/2025, programu hii imepangiwa jumla ya TZS 112.09 bilioni kutoka Serikalini.

### ***Shughuli Zilizopangwa Kutekelezwa***

- i. Kuendelea na ujenzi wa barabara kuu za njia mbili (Two lanes dual) ikiwemo barabara ya Uwanja wa Ndege wa Kimataifa wa Abeid Amani Karume –Kiinua Miguu (5.2 km), Kiembesamaki-Amani- Mtoni (Mkapa road) km 8.8, Kariakoo – Magomeni-Mwanakwerekwe Sokoni km 2.9, Kinazini (BOT) - Mtoni km 3.5 Amani Round about- Mikunguni- Kwabizredi km 2.6;
- ii. Kuanza ujenzi wa barabara kuu za njia moja (single carriage way) ikiwemo barabara ya Mazizini –ZRB- Mombasa km 0.6 na kituo cha Polisi Ng’ambo – Mfereji wa Wima;
- iii. Kuendelea na ukarabati wa barabara ndogo zikiwemo barabara ya Mazizini kituo cha Polisi - Chukwani Jeshini, Mazizini - Vitambulisho-Soko la Samaki, Mazizini VP2-Migombani, Miembeni round about - Michenzani Jumba namba 1 na 9, Miembeni round about–Bomani - K/chekundu hospitali, Saateni - Kwalimsha - JKU, Jangombe-Matarumbeta, Gulioni Gapco - Makadara-kwa Abass Hussein, Kijangwani Posta - Mwembeladu hospitali - Miti Ulaya, Mtendeni - Michenzani, Michenzani Jumba nambari 10-Gongoni - Kisiwandui-Msikiti Mabati, Skuli ya Kisiwandui - Mskiti Mabati - CRDB - Maisara - welles - Haile Salassie skuli, Benbella skuli - Kikwajuni/Maisara - Kikwajuni Mau -Michenzani, Kinazini-Lumumba skuli - Zanroad-Lumumba ZECO - Saateni, Mtoni depoti - ZECO Power Station - Mtoni Kidatu, Mwembe Makumbi - Basra - Karakana - Mtopepo skuli;
- iv. Kuendelea kwa ujenzi wa barabara ndogo ikiwemo barabara ya Mpendae planned area, Chukwani mwisho - Buyu, Kilimani bar - Jangombe, Kwakira -kituo kipya Uwanja wa Ndege, Mbweni afya - Madina-Mbweni matrekta, ZSSF Mbweni Estate - Mbweni Ruins - Mbweni BOT quater - Kiembe Samaki, Baraza la Wawakilishi Chukwani - Makamo wa Kwanza wa Rais, River Tiba - Chukwani Tuta, Rahaleo ZBC - Bizred -Michenzani ring roads, Faraja Skuli



- Mboriborini, Masumbani tawi la Kilimahewa-Shaurimoyo skuli, Saateni JKU-Rserved Storage-Saaten tank la maji/Shaurimoyo skuli, Makadara Mfereji wa Wima & Associate, Darajabovu Mboriborini, Magazeti Press-Mkele, Msikiti Shurba - Mshelishelini-Matarumbeta, Muungano Muembe Mkali, Muungano - Sogea, Mnara wa Mbao - Migombani Garden and Walkways in Garden; na
- v. Kuendelea na ujenzi wa njia za juu (flyover) katika mzunguko (Roundabout) ya Mwanakwerekwe na Amani.

### ***Programu ya Kuimarisha Viwanja vya Ndege***

Programu ina lengo la kuimarisha miundombinu ya usafirishaji wa abiria na mizigo kwa njia ya anga ili iweze kuwa katika viwango vya Kimataifa. Programu itahusisha ujenzi wa uwanja wa ndege wa Pemba ikiwemo maegesho ya ndege, njia za kupitia ndege pamoja na sehemu za kukaa abiria. Kwa mwaka 2024/2025 programu imepangiwa jumla ya TZS 182.77 (TZS 35.50 bilioni kutoka Serikalini na TZS 147.27 kutoka kwa Washirika wa Maendeleo).

### ***Shughuli Zilizopangwa Kutekelezwa kwa Fedha za Serikali***

- i. Kuendelea na ujenzi wa jengo la Abiria Terminal II (AAKIA); na
- ii. Kukamilisha tathmini pamoja na kulipa fidia kwa maeneo yatakayoathirika wakati wa ujenzi wa uwanja wa ndege wa Pemba.

### ***Shughuli Iliyopangwa Kutekelezwa kwa Fedha za Washirika wa Maendeleo***

- Kuanza kwa hatua za awali za ujenzi wa uwanja wa ndege wa Pemba.

### ***Mradi wa Ujenzi wa Bandari Jumuishi ya Mangapwani***

Mradi unalenga kujenga bandari jumuishi ya kisasa (Multipurpose Port) ambayo itajumuisha ujenzi wa gati ya mizigo eneo la ushushaji na upakiaji wa mafuta, bandari ya uvuvi, na chelezo cha kukarabati meli. Kukamilika kwa bandari hii kutasaidia kupunguza msongamano uliopo katika bandari ya Malindi, upatikanaji wa ajira na kuongezeka kwa mapato ya Serikali. Serikali inatarajia kushirikiana na sekta binafsi katika ujenzi wa bandari

hii. Kwa mwaka 2024/2025 mradi huu umepangiwa jumla ya TZS 257.54 bilioni (TZS 157.54 bilioni kutoka Serikalini na TZS 100.00 bilioni kutoka kwa Washirika wa Maendeleo).

### ***Shughuli Zilizopangwa Kutekelezwa***

- i. Ujenzi wa nyumba 370 za fidia Mangapwani;
- ii. Ujenzi wa miundombinu ya barabara (Ringroads) katika eneo la bandari Mangapwani;
- iii. Kuendelea na shughuli za upelekaji wa miundombinu ya maji, umeme na barabara; na
- iv. Kuanza ujenzi wa bandari kwa Awamu ya kwanza.

### ***Mradi wa Ujenzi wa Bandari ya Abiria Maruhubi***

Mradi una lengo la kuimarisha huduma ya usafirishaji wa abiria na mizigo katika visiwa vya Unguja na Pemba na Maeneo mengine, mradi utahusisha ujenzi wa gati ya abiria na gati ya mizigo (roro) katika eneo hilo. Mradi unatarajiwa kutekelezwa baina ya Serikali na Kampuni ya ZF DEVCO na unatarajiwa kutekelezwa kwa muda wa miezi thelathini na sita. Jumla ya gharama za mradi ni USD 400.00 milioni. Kwa mwaka 2024/2025, mradi unatarajiwa kutumia jumla ya TZS 127.50 bilioni kutoka kwa Washirika wa Maendeleo.

### ***Shughuli zilizopangwa kutekelezwa***

- i. Kukamilisha hatua za awali za mradi ikiwemo kupima udongo pamoja na survey;
- ii. Kuanza hatua za kufukia bahari (Reclaim) katika eneo la maruhubi; na
- iii. Kuanza ujenzi wa gati ya kupakilia na kushushia mizigo (Roro).

### ***Mradi wa Uboreshaji wa Mfumo wa Mawasiliano***

Mradi una lengo la kuimarisha mifumo ya mawasiliano ambayo itarahisisha utoaji wa huduma za kimtandao na utoaji wa huduma Serikalini. Mradi huu utahusisha mifumo mbali mbali ya Serikalini inayotumika katika utoaji wa huduma zenye ufanisi zaidi za mawasiliano na kuongeza ukusanyaji wa mapato ya Serikali. Kwa mwaka 2024/2025, mradi umepangiwa jumla ya TZS 6.00 bilioni kutoka Serikalini.

### ***Shughuli Zilizopangwa Kutekelezwa***

- i. Kufanya tathmini ya mkonga wa mawasiliano; na
- ii. Kufanya matengenezo na uwekaji wa mkonga wa mawasiliano katika maeneo yanayojengwa miundombinu ya barabara.

### ***Mradi wa Matengenezo ya Boti Mpya za Abiria***

Mradi una lengo la kuimarisha usafirishaji wa abiria na mizigo kwa wananchi wa visiwa vya Unguja na Pemba ili kupunguza changamoto za usafiri zinazoikabili Zanzibar. Mradi utasaidia kuimarika kwa shughuli za biashara na usafirishaji wa abiria na mizigo. Kwa mwaka 2024/2025, mradi umepangiwa jumla ya TZS 26.00 bilioni kutoka Serikalini.

### ***Shughuli Zilizopangwa Kutekeleza***

- i. Kuandaa michoro (detailed design) kwa boti za abiria; na
- ii. Kuanza matengenezo ya boti mpya mbili za mwendo kasi kwa ajili ya abiria na mizigo.

## **8.18 Wizara ya Utalii na Mambo ya Kale**

Wizara ina jukumu la kusimamia utalii na mambo ya kale kwa kuibua na kuongeza vivutio vipya vya utalii na kuendelea kuitangaza Zanzibar. Kwa mwaka wa fedha 2024/2025, Wizara imepanga kutekeleza programu moja na miradi miwili ya maendeleo inayotarajiwa kugharimu jumla ya TZS 39.02 bilioni (TZS 24.00 bilioni kutoka Serikalini na TZS 15.02 kutoka kwa Washirika wa Maendeleo).

### ***Programu ya Kuimarisha Maeneo ya Kihistoria***

Programu ina lengo la kuendeleza Sekta ya Utalii kwa kuimarisha maeneo ya kihistoria na kukuza utalii kwa kuongeza fursa za ajira, vivutio vya utalii na kuongeza Pato la Taifa. Kwa mwaka 2024/2025, programu hii imepangiwa kutumia jumla ya TZS 15.00 bilioni kutoka Serikalini.

### ***Shughuli Zilizopangwa Kutekelezwa***

- i. Kuimarisha maeneo ya kihistoria Fufuni na Kichokochwe Pemba;
- ii. Kuimarisha maeneo ya kihistoria ya Maruhubi na Mtoni Palace Unguja;
- iii. Kufanya matengenezo eneo la Ngomekongwe;

- iv. Kufanya marekebisho ya eneo la bandari ya Majahazi iliopo Chake Chake Pemba;
- v. Kuimarisha Pango la Pete;
- vi. Ujenzi wa uzio katika maeneo ya kihistoria; na
- vii. Ununuzi wa vifaa vya makumbusho.

### ***Mradi wa Ukarabati wa Majengo ya Mji Mkongwe***

Mradi una lengo la kuimarisha majengo yaliyo katika hali mbaya ya uchakavu katika maeneo ya Mji Mkongwe ili kubaki kuwa ni ukumbusho wa Hisotia ya Zanzibar kwa kuyahifadhi na kuyalinda. Kwa mwaka 2024/2025 mradi imepangiwa jumla ya TZS 9.00 bilioni kutoka Serikalini.

#### ***Shughuli Iliyopangwa Kutekelezwa***

- Ukarabati wa majengo kumi (10) ya Mji Mkongwe.

### ***Mradi wa Ukarabati wa Jengo la Beit el Ajaib***

Lengo kuu la Mradi huu ni kulihami jengo na kulirejeshea haiba yake kwa kuzingatia kuwa Beit El Ajaib ni Sura ya Zanzibar pamoja na kudumisha historia kubwa ya jengo hilo la kipekee lenye sifa na ubora kuliko majengo yote duniani. Mradi huu umeanza 2023 na inatarajia kumalizika 2026. Mradi huu utagharimu USD 21.0 bilioni hadi kumalizika kwake ambapo mwaka 2024/2025 umepangiwa jumla ya TZS 15.02 bilioni kutoka kwa Washirika wa Maendeleo.

#### ***Shughuli iliyopangwa Kutekelezwa***

- Kuendelea na ukarabati mkubwa wa nyumba ya ajabu (Beit el Ajaib).

## **9.0 UFUATILIAJI NA TATHMINI**

Kwa mwaka 2024/2025, Serikali kupitia Tume ya Mipango Zanzibar imepanga kusimamia kwa karibu masuala ya Ufuatiliaji na Tathmini ya Mpango wa Maendeleo kupitia maeneo yafuatayo:-

- i. Kuandaa Mfumo wa Ufuatiliaji na Tathmini wa Dira ya Maendeleo Zanzibar (VISION 2050);
- ii. Kuandaa ripoti ya Malengo ya Maendeleo Endelevu (SDGs 2030) pamoja na Ajenda ya Afrika 2063;

- iii. Kushirikiana na sekta katika kuutumia Mfumo wa kielektroniki wa Ufuatiliaji na Tathmini (Electronic M&E System) kwa programu na miradi ya maendeleo ili kuleta matokeo kwa malengo makuu (goals), matokeo ya muda wa kati (outcome), muda mfupi (output), shabaha (targets) na viashiria vitakavyotumika kupima matokeo hayo;
- iv. Kufanya ufuatiliaji kwa programu na miradi yote ya maendeleo itakayoingiziwa fedha;
- v. Kufanya tathmini kwa programu na miradi ya maendeleo inayoendelea (Output), itakayokamilika (Outcome) na iliyokamilika (Impact);
- vi. Kufanya Mapitio na kutoa uwelewa wa utekelezaji wa Mpango wa Maendeleo wa muda wa kati (ZADEP 2021-2023); na
- vii. Kutoa uwelewa wa Sera ya Ufuatiliaji na Tathmini kwa Taasisi za Serikali, Mamlaka za Serikali za Mitaa, Taasisi Binafsi na Asasi za Kiraia pamoja na kuandaa kanuni za Sera ya Ufuatiliaji na Tathmini.

## **10.0 WASHIRIKA WA MAENDELEO**

Washirika wa Maendeleo watakaochangia bajeti ya programu na miradi ya maendeleo kwa mwaka wa fedha 2024/2025 ni pamoja na Adaptation Fund (AF), ADB, AfDB, AMREF, AUSTRIA, BADEA, BANK OF KOREA, Benki ya Dunia, CANADA, CHINA, CITI BANK, DEUTCH BANK, EDCF KOREA, EDF-EU, ENABEL, EXIM BANK (INDIA), EXIM BANK (KOREA), EU, FAO, GAVI, GEF/WWF, Germany/GIZ, Global Fund (GF), GPE, IAEA, IFAD, IMF, IRISH EMBASSY, JICA, KFHI, KFW, Khalifa Fund, KOICA, KOREAN GOVERNMENT, Kuwait Fund, NETHERLAND, NORAD, NORWAY, OMAN, OPEC, SAUDI FUND (SF), SIDA -DLI, SPAIN, STBF, SWEEDEN, UAE, UNDP, UNEP, UNFPA, UNESCO, UNICEF, UKEF, USAID, USAID-JHPIEGO, UN-WOMEN na URT.

## **11.0 HITIMISHO**

Utayarishaji wa Kitabu cha Mwelekeo wa Hali ya Uchumi Mwaka 2024 na Mpango wa Maendeleo Mwaka 2024/2025 umeshirikisha wadau wengi wakiwemo Wizara na Taasisi za Serikali, Washirika wa

Maendeleo na Asasi za Kiraia. Hivyo, kazi zilizoainishwa ndani ya kitabu hiki zinatarijiwa kutekelezwa na wadau wote ili kuweza kupata mafanikio ya kukuza uchumi ikiwa ni hatua ya kufikia malengo ya Dira ya Maendeleo ya Zanzibar ya mwaka 2050. Maeneo ya mwelekeo wa Serikali yameainishwa na inatarajiwa kuwa wakuu wa Wizara, Taasisi na Idara za Serikali watakitumia kitabu hiki kwa madhumuni ya kusimamia na kuratibu utekelezaji wa Programu na Miradi iliyoainishwa kama iliyo katika sekta zao.

Tume ya Mipango inatarajia kuwa Wizara, Idara na Taasisi za Serikali zitaendelea na utaratibu wa kutayarisha na kuwasilisha Tume ya Mipango mtiririko wa fedha (Cash Flow) za programu na miradi katikati ya mwezi wa Julai 2024 sambamba na kuwasilisha maombi ya fedha za utekelezaji wa shughuli za programu/mradi wiki ya mwanzo ya mwezi husika. Inasisitizwa kuwa uwasilishaji wa maombi ya fedha uambatanishwe na vielelezo stahiki kwa mujibu wa shughuli za programu au mradi kama ilivyokubalika Serikalini ikiwemo Mikataba.

Ili kuweza kupima na kujua ufikiaji wa matokeo yaliyokusudiwa, Wizara, Idara na Taasisi zinatakiwa kutoa taarifa za utekelezaji wa shughuli zilizoainishwa katika Kitabu hiki wiki ya pili ya kila robo mwaka (2024/25) na kuziwasilisha Tume ya Mipango bila ya kuchelewa. Taarifa hizo zitajumuisha utekelezaji halisi na matumizi ya fedha ambazo zitatakiwa kuwasilishwa kwa usahihi zikiwemo za Serikali na Washirika wa Maendeleo. Aidha, Sekta binafsi na Asasi za Kiraia zinahitaji kuwa na mikakati maalumu ya kuungana na juhudi za Serikali kuweza kufikia malengo yaliyokusudiwa.

Kurasa zifuatazo zina viambatisho ambavyo vinaonesha mgawanyo wa fedha za Programu na Miradi ya Maendeleo Kiwizara kwa mwaka 2024/2025 kwa fedha za Serikali na za Washirika wa Maendeleo.

**Kiambatisho Nam 1: PROGRAMU/MIRADI INAYOTARAJIWA KUTEKELEZWA NA SERIKALI NA WASHIRIKA WA MAENDELEO KWA KIPINDI CHA MWAKA 2024/2025 ("000")**

KIFUNGU	PROGRAMU/MIRADI	MAKISIO YA SMZ KWA MWAKA 2023/2024	MAKISIO YA SMZ KWA MWAKA 2024/2025	MICHANGO YA WAHISANI ("000")			JUMLA YA BAJETI
				MUHISANI	RUZUKU	MKOPO	
A01	<b>OFISI YA RAIS - IKULU</b> i) Mradi wa Uimarishaji wa Majengo ya Ikulu ii) Mradi wa Uimarishaji Mfumo wa Ulinzi na Usalama katika Majengo ya Ikulu na Makaazi ya Mhe. Rais iii) Mradi wa Kuimarisha Mawasiliano ya Mfumo wa Rais	2,400,000	2,500,000				2,500,000
		1,000,000	1,600,000				1,600,000
			400,000				400,000
		<b>3,400,000</b>	<b>4,500,000</b>				<b>4,500,000</b>
A09	<b>TAASISI YA NYARAKA NA KUMBUKUMBU</b>						
	i) Mradi wa Ujenzi wa Ofisi ya Nyaraka	4,500,000	-				-
A011	<b>JUMLA YA FUNGU</b>	<b>4,500,000</b>	-				-
	<b>WAKALA WA UWEZESHAJI WANANCHI KIUCHUMI</b>						
	i) Mradi wa Kuwasaidia Wajasiriamali Wadogo Wadogo, Wakati na Wakubwa	4,500,000	4,500,000	KHALIFA FUND	5,100,000		9,600,000
	ii) Mradi wa Uwezesaji Wananchi Kiuchumi		32,000,000				32,000,000
	iii) Mradi Kukuza Usawa wa Kijinsia Tanzania (Pamoja)			WORLD BANK		2,000,000	2,000,000
	<b>JUMLA YA FUNGU</b>	<b>4,500,000</b>	<b>36,500,000</b>		<b>5,100,000</b>	<b>2,000,000</b>	<b>43,600,000</b>
A08	<b>OFISI YA RAIS - UCHUMI NA UWEKEZAJI</b>						
	Programu ya Uimarishaji wa Maeneo Huru ya Uwekezaji	3,500,000	15,000,000				15,000,000
	<b>JUMLA YA FUNGU</b>	<b>3,500,000</b>	<b>15,000,000</b>				<b>15,000,000</b>
F01	<b>OFISI YA RAIS - FEDHA NA MIPANGO</b>						
	Programu ya Ujenzi wa Ofisi za Serikali Zanzibar						
	i) Ukamilishaji wa Ofisi za Serikali	19,044,000	80,261,187				80,261,187
	ii) Ujenzi wa Mji wa Serikali	55,078,000	33,722,161				33,722,161
	<b>Programu ya Ukuzaji Uchumi Jumuisi Zanzibar (BIG-Z)</b>			BENKI YA DUNIA		32,000,000	32,000,000
<b>Programu ya Mageuzi Katika Usimamizi wa Fedha (PFMRP)</b>			NORWAY		4,458,506	4,458,506	
	Mradi	128,400	400,000				



KIFUNGU	PROGRAMU/MIRADI	MAKISIO YA SMZ KWA MWAKA 2023/2024	MAKISIO YA SMZ KWA MWAKA 2024/2025	MICHANGO YA WAHISANI ("000")			JUMLA YA BAJETI
				MUHISANI	RUZUKU	MKOPO	
F03	i) Uimarishaji wa Rasilimali za Ndani na Usimamizi wa Maitasili	34,700	78,500	AfDB	986,878		1,065,378
	ii) Kuongeza Uwezo wa Kiutendaji			UNDP			-
	iii) Ulipaji wa Mademi kwa miradi ya Maendeleo	144,000,000	312,000,000				312,000,000
	<b>JUMLA YA FUNGU</b>	<b>218,285,100</b>	<b>426,461,848</b>		<b>986,878</b>	<b>36,458,506</b>	<b>463,907,232</b>
F04	<b>TUME YA MIPANGO</b>						
	Uratibu wa Programu ya Urasimishaji Ardhi na Biashara Zanzibar	2,000,000	3,000,000				3,000,000
	Miradi						
	i) Usimamizi, Kujenga Uwezo na Kuoanisha Mipango ya Kisekta, Kitaifa na Kimataifa (ZADEP, SDGs na African Agenda)		2,300,000				2,300,000
G01	ii) Usimamizi wa Upembuzi Yakimifu wa Programu na Miradi	1,500,000					-
	iii) Uimarishaji wa Ufanisi katika Ufuatiliaji wa Mipango ya Maendeleo ya Taifa	2,000,000					-
	<b>JUMLA YA FUNGU</b>	<b>5,500,000</b>	<b>5,300,000</b>				<b>5,300,000</b>
	<b>OFISI YA MTAKWIMU MKUU WA SERIKALI</b>						
F04	i) Mpango Mkuu wa Uimarishaji Takwimu Tanzania Awamu ya Pili (TSMP II)			WB		8,319,125	8,319,125
	ii) Mradi wa Uimarishaji wa Takwimu za Jinsia			UN-WOMEN	343,242		343,242
	<b>JUMLA YA FUNGU</b>				<b>343,242</b>	<b>8,319,125</b>	<b>8,662,367</b>
	<b>OFISI YA RAIS - KATIBA, SHERIA, UTUMISHI NA UTAWALA BORA</b>						
G01	Programu ya Mageuzi ya Utumishi wa Umma (Phase II)	750,000	1,000,000				1,000,000
	Programu ya Mageuzi ya Sekta ya Sheria	250,000	500,000	UNDP/IRISH EMBASSY	1,166,859		1,666,859
	Miradi						
	i) Kusaidia Kukabiliana na Kesi za Ukatili kwa Utoaji wa Huduma ya Haki ya Masuala ya Kijinsia kwa Wanawake			UN-WOMEN	350,000		350,000
G02	<b>MAHKAMA KUU</b>	<b>1,000,000</b>	<b>1,500,000</b>		<b>1,516,859</b>		<b>3,016,859</b>



KIFUNGU	PROGRAMU/MIRADI	MAKISIO YA SMZ KWA MWAKA 2023/2024	MAKISIO YA SMZ KWA MWAKA 2024/2025	MICHANGO YA WAHISANI ("000")			JUMLA YA BAJETI
				MUHISANI	RUZUKU	MKOPO	
	i) Mradi wa Kuanzisha Mfumo wa Kielektroniki wa Ustimamizi wa Taarifa za Kesi (ECMIS)	2,000,000	500,000				500,000
	ii) Mradi wa Ujenzi wa Mahkama za Mikoa	25,000,000	24,900,000				24,900,000
	iii) Mradi wa Uboreshaji wa Mahkama		600,000	WORLD BANK		25,500,000	26,100,000
	iv) Mradi wa Ujenzi wa Mahkama Jumuishi ( JJC) _ Pemba			URT/ WB		3,000,000	3,000,000
	<b>JUMLA YA FUNGU</b>	<b>27,000,000</b>	<b>26,000,000</b>		-	<b>28,500,000</b>	<b>54,500,000</b>
<b>D01</b>	<b>AFISI YA RAIS TAWALA ZA MIKOA, SERIKALI ZA MITAA NA IDARA MAALUM ZA SMZ</b>						
	i) Mradi wa Kiwanda cha Ushoni cha Idara Maalum za SMZ	5,000,000					-
	ii) Mradi wa Zanzibar Salama	20,000,000	25,000,000				25,000,000
	iii) Mradi wa Kuimarisha Haki Jinai Chuo cha Mafunzo		22,000,000				22,000,000
	iv) Ujenzi wa Kituo na Maegesho ya Vyombo vya Usafiri Soko la Mwanakwerekwe		29,000,000				29,000,000
	v) Mradi wa Ujenzi wa Ofisi wa Masheha	3,000,000	3,000,000		EU	11,120,316	3,000,000
	vi) Mradi wa Kijani na Kuimarisha Miji Sasa						11,120,316
	<b>JUMLA YA FUNGU</b>	<b>28,000,000</b>	<b>79,000,000</b>		<b>11,120,316</b>	-	<b>90,120,316</b>
<b>D12</b>	<b>WAKALA WA USAJILI WA MATUKIO YA KIJAMII ZANZIBAR</b>						
	Mradi wa Kuimarisha Mfumo wa Usajili	950,000	1,900,000				1,900,000
	<b>JUMLA YA FUNGU</b>	<b>950,000</b>	<b>1,900,000</b>		-		<b>1,900,000</b>
<b>D04</b>	<b>KIKOSI MAALUM CHA KUZUJIA MAGENDO</b>						
	i) Mradi wa Ujenzi na Ukarabati wa Kambi na Nyumba za KMKM	2,500,000	2,650,000				2,650,000
	ii) Mradi wa Matengenezo ya Boti za Ulinzi na Uokozi		2,460,040				2,460,040
	<b>JUMLA YA FUNGU</b>	<b>2,500,000</b>	<b>5,110,040</b>		-		<b>5,110,040</b>
<b>D06</b>	<b>KIKOSI CHA VALANTIA</b>						
	Mradi wa Ujenzi na Ukarabati wa Nyumba na Mahanga ya KVZ	1,500,000	8,717,400				8,717,400
	<b>JUMLA YA FUNGU</b>	<b>1,500,000</b>	<b>8,717,400</b>		-		<b>8,717,400</b>
<b>D03</b>	<b>CHUO CHA MAFUNZO</b>						
	Mradi wa Ujenzi wa Nyumba za Makaazi na Mahanga - Chuo Cha Mafunzo	1,500,000	2,550,000				2,550,000
	<b>JUMLA YA FUNGU</b>	<b>1,500,000</b>	<b>2,550,000</b>		-		<b>2,550,000</b>

KIFUNGU	PROGRAMU/MIRADI	MAKISIO YA SMZ KWA MWAKA 2023/2024	MAKISIO YA SMZ KWA MWAKA 2024/2025	MICHANGO YA WAHISANI ("000")			JUMLA YA BAJETI
				MUHISANI	RUZUKU	MKOPO	
<b>D02</b>	<b>JESHI LA KUJENGA UCHUMI</b> i) Mradi wa Ujenzi wa Nyumba na Mahanga ya Kambi za JKU ii) Mradi wa Ujenzi wa Dakhalia	3,000,000	1,640,000				1,640,000
		<b>JUMLA YA FUNGU</b>	<b>3,000,000</b>	<b>3,140,000</b>	-	-	-
<b>D05</b>	<b>KIKOSI CHA ZIMAMOTO NA UOKOZI</b> i) Mradi wa Ujenzi wa Mahanga na Nyumba za Maaskari - KZU ii) Mradi wa Ununuzi wa Magari ya Zimamoto	1,500,000	7,728,659				7,728,659
		<b>JUMLA YA FUNGU</b>	<b>2,000,000</b>	<b>2,500,000</b>	AUSTRIA	27,140,000	27,140,000
<b>B01</b>	<b>OFISI YA MAKAMU WA KWANZA WA RAIS</b> i) Mradi wa kukabiliana na Mabadiliko ya Tabianchi na Usumamizi wa Mazingira ii) Mradi wa Kuirithisha Zanzibar Kijani iii) Mradi wa Kuimarisha Uhimili wa Mabadiliko ya Tabianchi wa Jamii ya Pwani ii) Ujenzi wa Nyumba za Makamu wa Kwanza wa Rais	2,000,000	500,000				500,000
		<b>JUMLA YA FUNGU</b>	<b>3,500,000</b>	<b>3,500,000</b>		547,084	-
<b>C01</b>	<b>MAMLAKA YA KUDHIBITI NA KUPAMBANA NA MADAWA YA KULEVYA</b> Mradi wa Kuimarisha Mamlaka ya Kupambana na Madawa ya Kulevya <b>JUMLA YA FUNGU</b>	1,500,000	2,550,000				2,550,000
		<b>JUMLA YA FUNGU</b>	<b>1,500,000</b>	<b>2,550,000</b>		-	-
<b>H01</b>	<b>OFISI YA MAKAMU WA PILI WA RAIS, SERA, URATIBU NA BARAZA LA WAWAKILISHI</b> Mpango wa Kunusuru Kaya Masikini (TASAF III) <b>Miradi</b> i) Ujenzi wa Nyumba za Makamu wa Pili wa Rais ii) Ukarabati wa Ofisi ya Uratibu Dar es Salaam <b>JUMLA YA FUNGU</b>	100,000	100,000			30,220,108	30,220,108
		<b>JUMLA YA FUNGU</b>	<b>100,000</b>	<b>5,150,000</b>			-
<b>H01</b>	<b>WIZARA YA AFYA</b> Programu ya Kumaliza Malaria Zanzibar	550,000	645,000			7,286,393	7,931,393

KIFUNGU	PROGRAMU/MIRADI	MAKISIO YA SMZ KWA MWAKA 2023/2024	MAKISIO YA SMZ KWA MWAKA 2024/2025	MICHANGO YA WAHISANI ("000")			JUMLA YA BAJETI
				MUHISANI	RUZUKU	MKOPO	
	Programu Shirikishi ya Afya ya Uzazi wa Mama na Mtoto	1,000,000	1,000,000	GAVI/STBF/ UNFPA/ USAID- JHPIEGO	5,194,831		6,194,831
	Programu ya Kudhibiti Maradhi ya Ukimwi, Homa ya Ini, Kifua Kikuu na Ukoma	500,000	380,000	AMREF/GF	4,065,656		4,445,656
	Programu ya Kuimarisha Miundombinu ya Afya	1,000,000	27,500,000				27,500,000
	Programu ya Kuimarisha huduma za Mama na Mtoto			WORLD BANK		8,984,444	8,984,444
	Programu ya Ukarabati na Ujenzi wa Vituo vya Afya ya Msingi	30,000,000	35,000,000				35,000,000
	Programu ya Ujenzi wa Nyumba za Wafanyakazi Katika Hospitali za Wilaya na Mkoa	20,000,000	6,475,000				6,475,000
	Programu ya Jamii ni Afya		1,500,000				1,500,000
	Programu ya Kusaidia Watu Wasiojiweza Kujitunga na Mfuko wa Huduma za Afya Zanzibar		500,000				500,000
	Miradi						
	i) Ujenzi wa Hospitali ya Rufaa Binguni			ECDF KOREA (EXIM BANK)		30,577,050	30,577,050
	<b>JUMLA YA FUNGU</b>	<b>53,050,000</b>	<b>73,000,000</b>		<b>16,546,880</b>	<b>39,561,494</b>	<b>129,108,374</b>
<b>H02</b>	<b>HOSPITALI YA MNAZI MMOJA</b>						
	Mradi wa Ukarabati na Utanuzi wa Hospitali ya Mnazi Mmoja			BADEA/SAUDI FUNDS/ KUWAIT FUNDS		21,000,000	21,000,000
	Mradi wa Kuipandisha Hadhi Hospital ya Mnazi Mmoja	1,125,200	2,000,000				2,000,000
	<b>JUMLA YA FUNGU</b>	<b>1,125,200</b>	<b>2,000,000</b>			<b>21,000,000</b>	<b>23,000,000</b>
<b>N02</b>	<b>WIZARA YA ARDHI NA MAENDELEO YA MAKAAZI</b>						
	i) Ujenzi wa Nyumba za Maendeleo		40,000,000				40,000,000
	ii) Mfumo wa Usajili na Usimamizi wa Taarifa za Ardhi Zanzibar (LARIS)		5,000,000				5,000,000
	<b>JUMLA YA FUNGU</b>	<b>-</b>	<b>45,000,000</b>			<b>-</b>	<b>45,000,000</b>
<b>N04</b>	<b>KAMISHENI YA ARDHI</b>						

KIFUNGU	PROGRAMU/MIRADI	MAKISIO YA SMZ KWA MWAKA 2023/2024	MAKISIO YA SMZ KWA MWAKA 2024/2025	MICHANGO YA WAHISANI ("000")			JUMLA YA BAJETI
				MUHISANI	RUZUKU	MKOPO	
	i) Mradi wa Utayarishaji wa Mpango wa Matumizi ya Ardhi	4,550,000					-
	<b>JUMLA YA FUNGU</b>	<b>4,550,000</b>	-				-
<b>R01</b>	<b>WIZARA YA BIASHARA NA MAENDELEO YA VIWANDA</b>						
	<b>Programu ya Kuendeleza Viwanda</b>						
	i) Kuanzisha na kuendeleza Maenco Maalum ya Viwanda (Industrial Parks)	26,012,000	40,320,000				40,320,000
	<b>Mradi</b>						
	i) Kuendeleza Vituo vya Biashara na Maonyesho Zanzibar	2,405,000	10,000,000				10,000,000
	<b>JUMLA YA FUNGU</b>	<b>28,417,000</b>	<b>50,320,000</b>				<b>50,320,000</b>
<b>K01</b>	<b>WIZARA YA ELIMU NA MAFUNZO YA AMALI</b>						
	<b>Programu ya Uimarishaji wa Miundombinu ya Elimu</b>						
		63,798,146	234,389,998			36,464,330	146,670,584
	<b>Programu ya Uimarishaji wa Ubora wa Elimu</b>						
		15,172,590	49,405,000			1,625,000	24,510,000
	<b>Miradi</b>						
	i) Uimarishaji wa Elimu ya Juu	20,000,000	25,000,000				25,000,000
	<b>JUMLA YA FUNGU</b>	<b>98,970,736</b>	<b>308,794,998</b>			<b>38,089,330</b>	<b>171,180,584</b>
<b>J03</b>	<b>WIZARA YA HABARI, VIJANA, UTAMADUNI NA MICHEZO</b>						
	<b>Programu ya Kuendeleza Viwanja vya Michezo</b>						
		33,000,000	60,000,000			633,982	60,633,982
	<b>Miradi</b>						
	i) Ujenzi wa Chuo cha Sanaa na Utamaduni		5,000,000				5,000,000
	ii) Ujenzi wa Vituo vya Mafunzo kwa Vijana Awamu ya Pili		4,500,000			90,000	4,590,000
	<b>JUMLA YA FUNGU</b>	<b>33,000,000</b>	<b>69,500,000</b>			<b>723,982</b>	<b>70,223,982</b>
<b>L01</b>	<b>WIZARA YA KILIMO, UMWAGILIAJI, MALIASILI NA MIFUGO</b>						
	<b>Programu ya Ujenzi wa Miundombinu ya Umwagiliaji</b>						
		500,000					24,000,000
							24,000,000

KIFUNGU	PROGRAMU/MIRADI	MAKISIO YA SMZ KWA MWAKA 2023/2024	MAKISIO YA SMZ KWA MWAKA 2024/2025	MICHANGO YA WAHISANI ("000")			JUMLA YA BAJETI
				MUHISANI	RUZUKU	MKOPO	
	<b>Programu ya Kuendeleza Sekta ya Kilimo na Mifugo</b>						
	i) Kuendeleza Miundombinu ya Mifugo	2,000,000	2,500,000				2,500,000
	ii) Mradi wa Kuendeleza Mnyororo wa Thamani wa Bidhaa za Nyuki			ENABEL	500,000		500,000
	iii) Mradi wa Kilimo Tija			USAID	3,438,002		3,438,002
	<b>Programu ya Kudhibiti Maradhi na Upotevu wa Mazao</b>						
	i) Kupambana na Sumukuvu Tanzania (TANIPAC)			AfDB	203,099		203,099
	ii) Kuimarisha Huduma za Afya ya Mimea na Kuhakikisha Usalama wa Chakula (STREPHIT)			EU	4,080,000		4,080,000
	iii) Kuwaunganisha Wakulima wa Mboga na Matunda			EDF EU	2,834,549		2,834,549
	<b>Miradi</b>						
	i) Ukarabati wa Maghala na Uhifadhi wa Chakula	22,500,000	27,500,000				27,500,000
	ii) Mradi wa Mageuzi ya Uzalishaji wa Mazwi kwa Wafugaji Wadogo Unaozingatia Mabadiliko ya Tabianchi (C-SDTP)			IFAD/OPEC		7,500,000	7,500,000
	iii) Uhimilivu wa Mifumo ya Chakula Tanzania			WB		18,750,000	18,750,000
	iv) Kuimarisha Mifumo ya Chakula kwa Kuongeza Tija na Uzalishaji Kupitia Huduma za Kisasa za Kilimo katika Umwagiliaji			KOREAN GOVERNMENT (KRC)	1,500,000		1,500,000
	vi) Kuendeleza Mifumo ya Chakula, Matumizi na Urejeshaji wa Ardh (FOLUR)			GEF/WWF	682,800		682,800
	<b>JUMLA YA FUNGU</b>	<b>25,000,000</b>	<b>30,000,000</b>		<b>13,238,451</b>	<b>50,250,000</b>	<b>93,488,451</b>
<b>H04</b>	<b>WIZARA YA MAENDELEO YA JAMIL, JINSIA, WAZEE NA WATOTO</b>						
	i) Mradi wa Hifadhi ya Wazee	1,500,000	4,500,000				4,500,000
	ii) Mradi wa Kutokomeza Udhahishaji na Ukatili wa Kijinsia kwa Wanawake na Wasichana			EU/UN WOMEN	536,000		536,000
	iii) Mradi wa Kusimamia Sheria ya Jinsia na Sera			UNICEF	208,000		208,000
	iv) Mradi Kukuza Usawa wa Kijinsia Tanzania (Pamoja)			WORLD BANK	425,000	7,686,626	8,111,626
	<b>JUMLA YA FUNGU</b>	<b>1,500,000</b>	<b>4,500,000</b>		<b>1,169,000</b>	<b>7,686,626</b>	<b>13,355,626</b>
<b>N03</b>	<b>WIZARA YA MAJI, NISHATI NA MADINI</b>						

KIFUNGU	PROGRAMU/MIRADI	MAKISIO YA SMZ KWA MWAKA 2023/2024	MAKISIO YA SMZ KWA MWAKA 2024/2025	MICHANGO YA WAHISANI ("000")			JUMLA YA BAJETI
				MUHISANI	RUZUKU	MKOPO	
	<b>Program ya Kuimarisha Huduma za Usambazaji Maji Safi na Salama Zanzibar</b>						
	i) Uhuishaji na Uimarishaji wa Mfumo wa Usambazaji Maji Zanzibar (INDIA)	11,154,964	10,154,964	INDIA (EXIM BANK)		23,045,000	33,199,964
	ii) Uimarishaji na Uimarishaji wa Huduma za Usambazaji Maji na Usafi wa Mazingira Zanzibar	2,850,000	2,850,000	INDIA (EXIM BANK)		13,467,480	16,317,480
	iii) Mradi wa Kuimarisha Usalama wa Maji na Uhimili wa Tabianchi katika Maeneo ya Mijini			GIZ/KFW/Germany	71,194,594		71,194,594
	iv) Mradi wa Kuimarisha Miundombinu ya Maji Mkoa wa Mjini Magharibi (ZUWDFIP)			JICA		3,375,670	3,375,670
	vi) Mradi wa Ununuzi wa Chlorine, Usimamizi na Uangalizi Bora wa Maji			UNICEF	40,000		40,000
	vii) Kuendeleza Miundombinu ya Uimarishaji wa Huduma za Usambazaji Maji Safi na Salama Zanzibar	10,500,000	30,500,000				30,500,000
	<b>Programu ya Kuimarisha Miundombinu ya Umeme Zanzibar</b>						
	i) Kuimarisha Miundombinu ya Umeme	17,000,000	33,000,000				33,000,000
	ii) Kuifanyia Mabadiliko Sekta ya Nishati (ZESTA)	7,200,000	4,000,000	BENKI YA DUNIA		174,255,869	178,255,869
	<b>JUMLA YA FUNGU</b>	<b>48,704,964</b>	<b>80,504,964</b>		<b>71,234,594</b>	<b>214,144,019</b>	<b>365,883,577</b>
<b>L02</b>	<b>WIZARA YA UCHUMI WA BULUU NA UVUVI</b>						
	<b>Programu ya Kuendeleza Sekta ya Kilimo na Uvuvi</b>			IFAD		13,346,994	13,346,994
	<b>Programu ya Kutengeneza Miundombinu ya Mafuta na Gesi Asilia</b>						-
	i) Ujenzi wa Kituo cha Kuhifadhi Taarifa za Mafuta na Gesi Asilia (NDR)	4,000,000	4,000,000				4,000,000
	ii) Ujenzi wa Kituo cha Kuhifadhi Bidhaa za Petroli iliyosafishwa na Usambazaji	4,000,000	4,000,000				4,000,000
	<b>Miradi</b>						
	i) Uanzishwaji wa Kuimarisha Miundombinu ya Maabara Uthamini wa Ubona wa Mazao ya Baharini	4,000,000	4,000,000				4,000,000
	ii) Mradi Jumishi wa Uwezesaji wa Wanawake katika Ufugaji wa Mazao ya Baharini			KOICA	2,400,000		2,400,000

KIFUNGU	PROGRAMU/MIRADI	MAKISIO YA SMZ KWA MWAKA 2023/2024	MAKISIO YA SMZ KWA MWAKA 2024/2025	MICHANGO YA WAHISANI ("000")			JUMLA YA BAJETI
				MUHISANI	RUZUKU	MKOPO	
	iii) Ujenzi wa Bandari za Kisasa za Uvuvi	10,500,000					-
	iv) Ujenzi wa Madiko na Masoko ya Kisasa ya Samaki	13,000,000	27,000,000				27,000,000
	v) Utafiti wa Usalama wa Chakula na Maisha Endelevu kwa Jamii			NORAD	41,072		41,072
	vi) Mradi wa Tathmini ya Ubora wa Maji ya Bahari			UNEP	239,700		239,700
	<b>JUMLA YA FUNGU</b>	<b>35,500,000</b>	<b>39,000,000</b>		<b>2,680,772</b>	<b>13,346,994</b>	<b>55,027,766</b>
<b>P01</b>	<b>WIZARA YA UJENZI, MAWASILIANO NA UCHUKUZI</b>						
	Programu ya Ujenzi wa Barabara Kuu	75,387,000	115,540,131	BADEA/SF/ UKEF/ DEUTCH BANK/EXIM BANK OF CHINA		196,226,021	311,766,152
	Programu ya Ujenzi wa Barabara za Ndani	44,060,000	45,600,000				45,600,000
	Programu ya Matengenezo ya Barabara za Mijini	80,100,000	112,092,000				112,092,000
	Programu ya Kuimarisha Viwanja vya Ndege						
	i) Ujenzi wa Uwanja wa Ndege wa Pemba	10,000,000	9,500,000	UKEF/CITI BANK		91,891,149	101,391,149
	ii) Ujenzi wa Jengo la Abiria Terminal II AAKIA		26,000,000				26,000,000
	iii) Ujenzi wa Jengo la Abiria Terminal IV AAKIA					55,384,800	55,384,800
	Programu ya Kuimarisha Bandari						
	i) Ujenzi wa Bandari Jumuishi - Mangapwani	20,000,000	157,539,960	AfDB/ EXIM BANK CHINA		100,000,000	257,539,960
	ii) Ujenzi wa Bandari ya Abiria Maruhubi			NETHERLAND	127,500,000		127,500,000
	Miradi						
	i) Uboreshaji wa Mifumo ya Mawasiliano	5,900,000	6,000,000				6,000,000
	ii) Kuimarisha Mfumo wa Usafiri wa Umma Zanzibar					1,941,713	1,941,713
	iii) Ununuzi wa Boti Mbili za Serikali		26,000,000	SPAIN			26,000,000
	<b>JUMLA YA FUNGU</b>	<b>235,447,000</b>	<b>498,272,091</b>		<b>129,441,713</b>	<b>443,501,970</b>	<b>1,071,215,774</b>
<b>J01</b>	<b>WIZARA YA UTALII NA MAMBO YA KALE</b>						
	Programu ya Kuimarisha Maeneo ya Kihistoria	7,000,000	15,000,000				15,000,000
	Miradi						
	i) Ukarabati wa Majengo ya Mji Mkongwe		9,000,000				9,000,000

KIFUNGU	PROGRAMU/MIRADI	MAKISIO YA SMZ KWA MWAKA 2023/2024	MAKISIO YA SMZ KWA MWAKA 2024/2025	MICHANGO YA WAHISANI ("000")			JUMLA YA BAJETI
				MUHISANI	RUZUKU	MKOPO	
	ii) Ukarabati wa Jengo la Beit Al Ajaib			SULTANATE OF OMAN	15,025,822		15,025,822
		JUMLA YA FUNGU	7,000,000	24,000,000	-	15,025,822	39,025,822
		JUMLA YA KUBWA	886,000,000	1,862,000,000		307,764,923	3,263,074,348
	JUMLA YA FEDHA ZA WAHISANI					1,401,074,348	
		LGA	8,030,000				8,030,000
	JUMLA YA MATUMIZI YA MAENDELEO						3,271,104,348